

رواية

مذكرات ميت

أحمد الحوتى

مؤسسة يسطرون للطباعة والنشر والتوزيع



رئيس مجلس الإدارة

عماد سالم

المدير العام

أحمد فؤاد الهادي

مدير الإنتاج

أحمد عبد الحلیم

الطبعة الأولى

الكتاب : مذكرات ميت

المؤلف : أحمد الحوتی

تصنيف الكتاب : رواية

تصميم وإخراج : أحمد عبد الحلیم

المقاس ٢٠ × ١٤

رقم الإيداع : ٢٠١٩ / ٣٩٢٦

الترقيم الدولي : 9 - 871 - 776 - 977 - 978

العنوان : المكتبة والمطبعة : ٣ ش صفوت - محطة المطبعة شارع الملك فيصل - الجيزة

التليفون : ٠١٢٢٩٣٠٠٠٢٩ - ٠١١٥٧٧٦٠٠٥٢

Email : yastoron@gmail.com

موقعنا على الفيس بوك : مؤسسة يسطرون لطباعة وتوزيع الكتب

جميع الحقوق محفوظة للمؤلف

اهداء

إلى ابي العزيز أكثر امن بي في هذه الحياة سندي وملاذي
بارك الله لي في عمرك ودمت في حياتي نعمة من الله.

إلى امي العزيزة ذلك الحزن الواسع الذي كثيرا ما ضمنني
عندما مالت بي الحياة بارك الله لي في عمرك ودمتي في حياتي
نعمة من الله.

اعلم أنى مهما اكثر من كلام لن اوفيكما حتى مثقال ذرة
من حقكما دمتم لي ذخرا.

إلى صديقي ورفيق أيام لم اعلم كيف مرت بيننا كل هذه
السنين ولم اعرفك كما عرفتك الان أحمد محمود .

إلى طمطم.....

المقدمة

الزمان: إنها العاشرة والنصف من صباح يوم الأحد
الموافق ٢٦/٤/٢٠١٥

المكان: حديقة مستشفى الصحة النفسية بالعباسية

المشهد: أقف الآن في مكان متسع أراه أمامي تملؤه الخضرة والأشجار، وهذه التركيبات الخشبية الدائرية التي صنعت لكي يجلس بها المرضى مع أسرهم أثناء زيارتهم التي تكون مرة كل عام أو عامين، والتي سرعان ما تختفي هذه الزيارات؛ لأنهم سرعان ما ينسونهم ويتركونهم لصراعاتهم المخيفة مع المرض من ناحية، ومع جلسات الكهرباء من ناحية أخرى، وتتعلق عيني بمراقبة شاب في العشرينيات من عمره يجلس منفرداً يبدو أنه منهمكا في الكتابة، ولا يهتم لما يدور حوله وكأنه يعيش في أرضٍ أخرى غير تلك الأرض التي نعيش فيها.

المتحدث: أنا الدكتور محمود كامل استشاري الطب النفسي بمستشفى الصحة النفسية بالعباسية.

المشاهد: طارق أو أحمد لا يهم من يكون، ولكن المهم هو ما حدث لكي يصبح واحداً من أولئك الذين يعدونهم عن المجتمع لحمايته منهم.

ليس لديّ لحالته توصيف دقيق، ولا حتى أحد هؤلاء الأطباء الذين يشفقون على حالته التي مر عليها أكثر من عام، ولا يرون لوجوده في هذا المكان سبباً.

حتي هو بدا يشك في قواه العقلية؛ لأنه لا يعلم لماذا هو هنا؟ ولماذا نحمي المجتمع منه؟ وما هذه الخطيئة التي ارتكبتها لكي تكون نهايته هنا في هذا المكان؟

أشرت إلى أحد المرضين ليعلن انتهاء تلك الدقائق المسموح له بها للبقاء في هذه الحديقة، وأنه مرغم على الرجوع إلى محبسه الصغير الذي كُتب عليه أن يُجس به في داخل ذلك المبني الضخم الذي أقف فيه، والذي يسمي بمستشفى الصحة النفسية.....

الفصل الأول

الإسعاف

أنا مين..... أنا فين.... إيه ده.... إيه الحاجة اللي على وشي دي.... وإيه الخراطيم دي كلها أنا مش فاكرو ولا فاهم حاجة.....

مش عارف أوصفلكم الإحساس ده، إحساس بأنك عاوز تتكلم ومش قادر، عاوز تحرك أي جزء في جسمك بس عقلك رافض أي إشارة كهربية منك عشان تتحرك كان فيه حد بيتحكم فيك.

في دماغي حاجات كتير متداخلة وتمر أمامي مشاهد غير مترابطة.

سامع ناس كتير بتتكلم وكلامهم غير مترابط ممكن تقول حاسس بتشويش في دماغي.....

فجأة بدا السكون يغيم على كل تلك المشاهد والكلمات
وبدأت أسمع شخص يضحك باستهزاء ويقول.

الصوت: شوفت وصلتك لإيه، يا ترى لسه عاوز تكمل
لعبتك معايا للآخر ولا كفاية عليك كدا

وبدا المشهد يتحول لأجد نفسي أقف في مكان واسع
يحيطه الظلام من كل مكان، وهناك شئ أشبه ما يكون
بإضاءة مركزه عليّ، وكأني يتم التحقيق معي وهناك صوت
من بعيد لا أدري مصدره يكلمني:

أنا: لعبة إيه وانت مين، أنا مش فاكّر حاجة، أنا مين
،وبعمل إيه هنا؟

الصوت: أنا الي عملت فيك كدا، أما إنت مين فأنت ابن
آدم مخلوق التراب ضعيف القدرة، أسير رغباتك وشهواتك.

أنا: مش فاهم حاجة، إنت مين !!

الصوت: افكر كويس إنت هنا عقلك الباطن، وكل حاجة
متسجلة وعمرك ما هتساها.

رجعت للواقع للحظات عندما شعرت بشكة ابرة في
ذراعي، وسمعت شخص يتكلم ويقول لشخص آخر يقف
بجواني: عاوز مراقبة ٢٤ ساعة عليه، واستدعوا الدكتور
محمد مجدي ضروري، وأول ما يفوق كلموني، وأي حاجة
حادة جنبه تتشال.

من كلامه استنتجت إنه دكتور الاستقبال بالمستشفى
بيتكلم مع واحد من فريق التمريض.

استنتجت من كلامهما بعد ذلك إنها ممرضة تدعى هويدا

هويدا: بس الدكتور محمد في إجازة يا دكتور ومسافر

الدكتور: يبقي يفضل تحت المراقبة لحين ما الدكتور يوصل
والمراقبة تبقى مشددة عليه ويتعلقه محاليل للصبح. مفهوم؟

هويدا: حاضر يا دكتور

قال الدكتور كلماته تلك وسمعت بعدها صوت طرقات
أقدام تتباعد استنتجت منها إنه خرج وترك الغرفة لأسمع
هويدا تقول.....

هويدا: يا حضرة الأمين شعبان خلى بالك منه لحد ما
أجيبه المحلول واجي.

الأمين شعبان: ماله دا يا هويدا وإيه حكايته

هويدا: معرفش والله يا حضرة الأمين دا واحد بيقولوا كان
في المقابر بالليل، وكان بيحاول يخفي جثة بنت شكله غلط
معاها ربنا يستر على بناتنا

الأمين شعبان: أستغفر الله العظيم.... ومين الي عمل فيه كدا

هويدا: بيقولوا تقريباً عمار المكان اللهم احفظنا

الأمين شعبان: ربنا يحفظنا طب معرفوش البنت اللي
كانت معاه مين

هويدا: الله أعلم يا حضرة الأمين والله تلاقيها بنت من
إياهم ربنا يستر على بناتنا ما هما موجودين في كل مكان
زي الهم على القلب..... وبعدين سيبيني أروح أجيله الدواء
لأحسن يموت ونروح في داهية.

سمعت الكلام ده وأنا بين الوعي واللاوعي، وشعرت بشيء
دافئ يسيل على وجهي، ولا أعرف ماهية ذلك الشيء..... لم
تطل مدة حيرتي حتى أيقنت أن ذلك الشيء هو دموعي!!!!

أشعر أن تلك البنت التي يتكلمون عنها إني أعرفها، ولكني
أشعر إن ذلك الكلام لم يحدث.

ولكن السؤال الأهم مين دي؟ وأنا هقتلها ليه؟ وإيه اللي
وصلني لكده؟... وإيه... إيه... إيــــــــــــــــه.....

هيثم: أنا مش لاعب تاني يا عم أنا زهقت تعالوا نعمل
حاجة تانية

رضا: بقولكم إيه أنا عندي فكرة حلوة

عاصم: فكرة إيه يا سطى أنا مش بظمن لأفكارك دايمًا
أفكارك شمال

عبد الهادي: اصبر بس يا عم لما يقول

أنا: وهو إنت مش عارفه يعني أكبيد بنات

عاصم: صحيح اخبار البنت هند إيه يا سطى وصلت
لإيه معاها .

رضا: بقت خاتم يا كبير في صباعي

أنا: والله انتوا آخرتكم سودة، كما تدين تدان

عبد الهادي: أيوة طلع عندهم هو هبقي أنا لوحدي كل
شويه تقولي منتقم جبار وبتونني لوحدي ٨_٨

هيثم: قول يا عم قول سيبك منهم

رضا: تعالوا ندخل جروبات ونختار منهم بنات ونرخم
عليهم ونشتغلهم يعني كلنا نكلمهم في وقت واحد ونشوف

عبد الهادي: أنا جاي معاك في الحوار ده يا معلم

هيثم: وأنا كمان

أنا: إنت هتشارك معاهم في الكلام ده يابني

عاصم: مش هنخسر حاجة تعالي نجرب

أكلكمم بصراحة كنت حابب الموضوع ومتحمس واستمر
بحثنا عن البنت اللى هنكلمها. وأنا بدور معاهم شدني
بروفایل غريب لبنت كانت عاملة صورة غريبة مفهمتهاش
(قلب في يد شخص غريب لونه أحمر أشبه ما يكون
بالإنسان، وله قرنان أسودان، وله عينان سوداوتان ليس بها
بياض، ولكن القلب مازال ينزف دماء) حسيت إنى عاوز
أكلم صاحبة البروفایل ده، وانتبهت على كلام عاصم صاحبي.

عاصم: إيه يابني إنت مش معانا ولا إيه

أنا: لا أبداً معاكم.... أنا هكلم البنت دي عاجبني
البروفایل

عبد الهادي: أيوة يا ذئب توبتني وبقيت حرامي يا معلم ههه

عاصم: ماشي يا معلم براحتك نكمل إحنا يا شباب

حسيت من رده المفاجئ إن عاصم كمان عاوزني أكلمها،
وكان منتظر إنى أختار البروفایل ده !!! طردت الإحساس ده
واستجمعت شجاعتي وكلمتها وردت وكأنها كانت في انتظاري
أكلمها والرد جالي بسرعة.....

أنا: نورا

نورا: أيوة مين حضرتك

أنا: أنا أحمد

نورا: أيوة مين حضرتك برضو حضرتك تعرفني !!؟؟

أنا: ياريت مكتش حسيت بالإحراج زي ما أنا دلوقتي

نورا: أيوة و حضرتك عاوز إيه يعني

أنا: مفيش والله بس كنت عاوز أعرف الصورة اللي عاملها للبروفایل دي جايها منين ولو ممكن تقولي لي معناها إيه.... أصلها محيرة جدًا وبصراحة أثار ت فضولي

نورا: عادي قابلتني على النت وعجبتني وحملتها ومش عارفه معناها أي خدمة تانية

عبد الهادي: وربنا ولا هتعبرك طول ما انت عامل فيها عم الكلاسيك الأوفرده

أنا: خليك في اللي بتعمله وسيني أحاول

عاصم: سيبه يابني وبطل ترخم عليه

كملت المحادثة كأنهم غير موجودين واستطردت في حوار

أنا: أنا اسف طبعا لو كنت تطفلت عليكي

نورا: لا ولا يهملك

أنا: ممكن أعرف الويب اللي حملتها منه

نورا: ممكن أعرف حضرتك عاوز إيه بالضبط

أنا: بصراحة عاوز أتعرف عليك

نورا: وهو حضرتك تعرفني أصلاً أو كنت شوفتني عشان

تعمل كده

أنا: لا.... بس بروفايلك شاددني ليكي

نورا: آسفة مش هينفع

أنا: ليه عادي يعني

نورا: لا مش عادي وياريت لو حضرتك متكلمنيش تاني

أنا: على الأقل أعرف اسمك قبل ما أقفل

نورا: نورهان

أنا: كام سنة ٨_٨

نورا: يوووووووه مش قولنا مش هتعرف على حد أنا؟!؟

وبعد شويه من الردود الجافة ومحاولاتي لإقناعها بالكلام

بدأت تتجاوب معايا

أنا: مش هتقولي بقي عندك كام سنة ٨_٨؟

نورا: ١٩ سنة

أنا: منين يا نورهان

ده كتير وخصوصًا بالليل بس اليوم ده شعرت بشيء غريب في المكان ده وفي أثناء مروري عليها بدأت أشعر بحركة غريبة من داخل الأرض التفت في هدوء بس مشوفتش حاجة.

بدأت أطرد الخوف والأفكار السلبية من رأسي وبدأت أتحرك وقولت أفكر في شيء تاني، وكانت نورهان هي الاختيار وفي الوقت نفسه

(أبعد عنها أحسن ليك وليها بلاش تلعب لعبة إنت مش قدها، ولا انت ملك نفسك، ولا هي تملك من أمرها شيء)

كان الصوت ده جاي من شخص يتكلم في ضهري التفت في بطء عشان أشوف مين اللي بيتكلم، بس اللي بيتكلم اختار مكان الضوء مقدرش إنه يشق طريقه إليه كان كثيف الظلام لدرجة إنني شعرت بأنه بيحاول يتحامي وسط الظلام بيستخبي في الظلمة.

كان شيء في شكله العام شبيه بالإنسان، في إيده عصي طويلة ممكن أوصفها بالرمح أو الصولجان حاجة زي كده وعلى راسه ظل تاج كل اللي كان واضح منه لون عينيه اللي كانت بيخرج منها نور أحمر مخيف والجو كان باردًا والهواء كان يبصدر صوت أشبه بفحيح الثعابين يصاحبه صفير كصفير ناي ينشد نتيجة مرور الهواء في البوص. مرت تلك اللحظات عليّ، وكأنها عمر ولساني كأنه مش موجود فاقد الشعور كأنه معرفش معنى الحياة قبل ذلك.....

الفصل الثالث

حوار مع المجهول

صباح الخير يا هويدا أخبره إيه.....

هكذا قال الدكتور الذي استقبلني في المستشفى، وكان شاب في الثلاثينيات من عمره، وكان نحيف الوجه له ذقن خفيفة وشعر أسود قصير. لم يكن طويل القامة حيث كان طوله لا يتعدى الـ ١٧٠ سم سوى ببعض الستيمترات، وكان يرتدي نظارة لونها أحمر لها إطار عريض يتماشى مع وجهه، وكان يرتدي سماعة الأطباء حول رقبته واضعاً يديه في جيوب البالطو الأبيض.

قال تلك الكلمات ونظر إلى بوجه بشوش واتجه إلى نهاية السرير الذي أنام عليه وأخذ يقرأ ما يوجد في تقارير الأطباء الآخرين ويتابع آخر ما وصلت إليه حالتي الصحية.

المرضة: والله يا دكتور هو فاق من الحقنة الصبح ومن وقتها متحركش من مكانه ولا حتى حرك إيد ولا رجل

الدكتور: أكل أي حاجة؟

المرضة: لا رافض يا دكتور ورافض حتى المحلول

الدكتور: طيب التحاليل وصلت من المعمل ولا لسه؟

المرضة: آه وصلت يا دكتور

الدكتور: إيه يا بطل مالك رافض الأكل والعلاج ليه

أنا:.....

الدكتور: ثواني.... هويدالو سمحتي حضري لي المريض إلى

في غرفة ٦١٠

المرضة: حاضر يا دكتور

الدكتور: أهو بقينا لوحدنا..... ممكن تتكلم براحتك

أنا:.....

الدكتور: لا ما هو انت لازم تساعدني عشان أعرف

أساعدك الدنيا مقلوبة عليك والنيابة عاوزه تحقق معاك

أنا:.....

الدكتور: براحتك أنا بس ليا رجاء عندك إنت ممكن

ترفض الكلام بس الأكل والعلاج مينفعش

أنا:.....

الدكتور: يا أمين شعبان

الأمين شعبان: أيوة يا دكتور

الدكتور: نادي على هويدا لو سمحت

الأمين شعبان: حاضر يا دكتور

الدكتور: أنا هسيك دلوقتي وهاجيلك تاني واتمني إنك

تأكل أي حاجة دا أهم من العلاج نفسه

أنا:.....

المرضة: تحت أمرك يا دكتور

الدكتور: تعالي معايا

خرج الدكتور ومعه هويدا وهو يتخيل إن ذلك الباب

الصغير سوف يمنع الصوت من الوصول إليّ.

الدكتور: اديلة حقنه نيوريل ويتعلق ليه المحلول لما ينام

المرضة: حاضر يا دكتور

بدأت هويدا تنفذ اللي قاله الدكتور وبدأت الحقنة مفعولها

يظهر. بدأت ملامح الغرفة تتحول للمكان الأسود اللي

سمعت فيه الصوت قبل ذلك

الصوت: حمد الله على سلامتك..... ها افكرت ولا لسه

أنا: بقولك مقتلتهاش.... مقتلتهاش.... مقتلتهاش

الصوت: تحب أفكرك إنت قتلت ولا هتخاف تعرف الحقيقة كالعادة مخلوق ضعيف وجبان وهتتهرب من المواجهة..... شايف في عينك الخوف والتردد بس أنا مش هستنى ردك، إنت اخترت تلعب معايا لعبتي وقوانيني أنا اللي هتمشي.....

لم أستطع أن أفكر أو أنطق بينت شفة؛ لأنني وجدت نفسي في مكان ملئ بشواهد القبور التي تقع في وسط الأراضي الزراعية التي كانت أعواد الذرة التي تحيط بها تمثل سياجاً ضُرب ليكون حاجزاً يمنع من خارج تلك المقابر أن يرى ما بداخلها، وهناك ضوء خافت تكاد ترى فيه تلك الشواهد، وذلك السياج المخيف وكان الصمت والهدوء قاتلان لا يقطعهما سوى صوت عواء الذئاب ونباح الكلاب المترقبة لأي مقبرة غير محكمة الغلق تفوح منها رائحة العفن البشري؛ لكي يتجمعوا على وليمة شهية من اللحم البشري الميت. وكنت شخصاً ثالثاً في إطار يجمع بين شابة وشاب بدت على ملامح الشاب الغضب والثورة، وكان ذلك واضحاً من نظراته الجامدة المزوجة بعدم التصديق وحركات جسده المتصلب، وكأنه قد خلق بلا عضلات ليكون كتله عظام ولحم فقط جسده خالي من أي مرونة، وكان يتحرك في حركات تشبه التشنجات، كانت تلك الحركات هي سبب منطقي لنظرات الذعر والخوف اللاتي كن على وجه الفتاه التي كانت تبكي في خوف وتصرخ.

الفتاه: فُوق و متستسلمش ليهم اوعي تضعف

الشاب: وديتها فين..... عملتي فيها إيه انطقي لا اقتلك انطقي

وبدا الشاب وكأنه يتحدث مع شخص ثالث لم تضمه الصورة بغضب.....

الشاب: ابعدني عني عاوزة مني ابييييه

انهار الشاب على الأرض ممسكا برأسه، وهو يردد تلك العبارة فأسرعت الفتاة نحوه ممسكة به وهي تقول له باكية

الفتاه: اوعي تضعف اوعي مفيش حد بيكلمك غيري

الشاب: بكلم اللي بيشاركك في لعبتك عليّ انتوا عاوزين تموتوني بس أنا مش هوصلكم للي عاوزينه أنا اللي هقتلك.... هقتلك

وبدا الشاب يُمسك برقبة الفتاة بقوة كأنه وجد القشة التي سوف تنجيه في طوفان نوح (عليه السلام).....

حاولت الفتاة أن تدافع عن نفسها، ولكن قوتها كانت أشبه بقوة غزال وقع أسيراً لفكي ليث جائع.... وبدأت قوة الفتاه في الوهن وعيناها تبرزان للخارج ولسانها بدا في الخروج خارج فمها نتيجة لقبضته القوية على عنقها الرقيق ولونها بدا يتحول للون الأزرق حتى وقعت على الأرض لا تحرك ساكن وظل الشاب ممسكاً برقبته، وكأنه يريد قتل الموت الذي كان هو السبب فيه.

ظل الشاب ممسكاً برقبتها حتى تأكد أنها ماتت، لم يلبث كثيراً إلى أن رجع إلى وعيه؛ ليجد نفسه وسط حلقة من الذئاب السوداء الجائعة التي كانت تلهث واللعب يسيل من أفواههم الشاغرة، وتنظر إليه بعيون لامعة في وسط الضوء الخافت الموجود، وكأنها تنتظر لحظه الهجوم المناسبة.

ترجع الشاب إلى الخلف عندما وجد ذلك المنظر في خوف وتردد. وما إن رآته تلك الذئاب يتراجع حتى بدا عليها أنها وجدت اللحظة المترقبة للهجوم وانقضت على تلك الجثة الباردة الملقاة على الأرض.

لم يمض كثيراً حتى رجعت للمكان الأسود المظلم لأجد ذلك الصوت يقول

الصوت: افكرت ولا لسه هتنكر

أنا: وأنا مالي ومال اللي حصل ده

الصوت: آه صحيح نسيت أقولك إن اللي كنت بتشوفه ده

هو انت !!

وفجأة تحول المكان من حولي إلى مرآة كبيرة دائرية وضعت لكي أكون بين جنباتها لأجد في المرآة صورة ذلك الشاب ويده ملوثان بدماء مازالت تسيل.....

الفصل الرابع

فرحة ماتت

أكملت نظراتي المتجمدة طريقها إلى ذلك المخلوق المتواري خلف الظلام صاحب الصولجان في صمت طالت أو قصرت مدته لا أذكر من تلك اللحظات سوى صوت غريب أتى من داخل النباتات المتشعبة في الظلام، لم يمر وقت سوى لحظات حتى رأيت صاحب الصوت الغريب.....

كان هذا صوت زجاجة كلب أسود ارتفاعه يزيد عن المتر له رأس ضخمة عريض، وله جسد طويل عيناه لونها كلون الدماء، وكان يلهث فاغراً فاه مخرجاً لسانه كأنه قطع مسافة ما بين الشمس والقمر في ذلك الوقت، وكانت شفتاه متسعه حد الوصول لأذنيه لتظهر من خلفها أنيابه تلمع في ضوء أعمدة الإنارة الخافت كحد سيف ساموراي في الظلام.....

وما إن التفت إلى ذلك الكلب حتى انتفضت في فزع شعرت وكأن الدماء في عروقي قررت أن تتجمد ولا تسيل، ومع ذلك كان قلبي ينبض بسرعة، وكأنه كان ينبض دون أن يضح دماء.....

وقفت أنظر إلى ذلك الشيء الواقف في الظلام، وبجانبه ذلك الكلب المخيف صاحب الأسنان الامعة في هدوء وصمت، وكان في ذلك الوقت توقفت الحياة كما توقفت انت لعبة الكترونية من خلال زر (pause). وفجأة ظهرت لمعة من فم ذلك الشيء وكأنه قرّر أن يتسم. بتعمل إيه هنا يا بني وواقف كده ليه.

كانت تلك الكلمات التي شقت السكون المحيط كفيلة لكي أفارق الحياة وأسلم الأمانة إلى بارئها، ولكن ما جعلني أتيقن أن ذلك الصوت قد جاءني لكي ينقذ ما بقي في جسدي من الحياة، تلك اللمسات التي كانت من صاحب الصوت لكتفي والتي جعلتني أتحقق من آدميته.

فنظرت إليه لأجده جاري الشيخ محمد، وكان ذاهباً لصلاة الفجر، وكان يرتدي جلباباً أبيض وعمامة بيضاء وكان ينظر إليّ باستغراب وكانت علامات التعجب واضحة على وجهه رغم اختفاء معظم ملامح وجهه خلف تلك الذقن السوداء التي تتخللها بعض الشعيرات البيضاء.

نظرت إليه نظرة تحقق قبل أنا أطمئن وأتحدث إليه.

الشيخ محمد: فيه حاجه يا بني

أنا: اص... اص... أصله.... كان واقفاً.... والكلب كان
يقول.... لا.... الكلب كان إنسان وماسك عصاية.... لا
والعفريت ضحك.... الكلب كان على راسه حاجة

الشيخ محمد: صل على النبي يا بني واهدي بس مش
فاهم منك حاجة

أنا: الكلب.... وهو كان معاه بقى..... وكانوا طالعين....
وأنا ماشي.... كنت... فكلموني....

الشيخ محمد: طيب تعالي معايا نصلي الفجر وابقى أحكيلى
لما تهدي.

ذهبت معه كطفل مطيع مسلوب القوى، ولا أدري هل ما
رأيت حقيقة هل أنا أحلم وأعط في نوم عميق وإن كنت
أحلم فأين أنتي يا أمي كي تيقظيني من ذلك النوم كما
تفعلين معي دائماً في كل أحلامي.

فرغنا من أداء صلاة الفجر وجلست في صمت في أحد
أركان المسجد لأجمع شتات نفسي التي بعشرها ذلك الموقف،
وكنت ضامماً قدمي إلى صدري مخفياً وجهي بداخلهما أفكر
وأحدث إلى نفسي. هل ما رأيتة صحيح، وإن كان ذلك فمن
كان يقصد بكلامه وكيف مرت تلك الساعات في ذلك المشهد
الصغير الذي لم أشعر به إلا للحظات لم تتجاوز الدقيقتين

وكيف وأنا واقف مكاني كل هذه المدة ولم أشعر بأي ألم في قدمي، ثم قطع تفكيري صوت يحدثني.

الشيخ محمد: السلام عليكم يا ترى إنت أحسن دلوقتي

فرفعت نظري إليه لأجده ناظرًا إليَّ ببشاشة وكانت بسمته الصافية ترسل إليَّ رسالة طمأنة أنى بخير وفي أمان الآن.

أنا: وعليكم السلام ورحمة الله وبركاته.... أنا الحمد لله بخير يا شيخنا

الشيخ محمد: الحمد لله

أنا: مش عارف والله لو مكتتش جيت يا شيخنا كان ممكن يحصلي إيه

الشيخ محمد: أنا عارف

نظرت اليه باستغراب كأنني أريد سماع تلك الجملة مرة أخرى.

أنا: إيه؟؟؟!!!

الشيخ محمد: كنت هتروح تنام ومش هتصلي الفجر وكنت هتضيع عليا الثواب

نظرت إلى الشيخ محمد مبتسما لتزداد بشاشة وجهه كأنه بذلك اطمان أنى قد شعرت بالطمأنينة وقد هدأ روعي.

حاولت أنا أقص عليه ما رأيت ولكنه رفض وقال

الشيخ محمد: روح يابني ارتاح دلوقتي وبعدين نبقي نتكلم
كدا كدالينا مقابلة تانية

بعد ان انتهى الحوار بيني وبين الشيخ محمد وخرجت من
المسجد .

وتوجهت إلى البيت المكون من طابقين أحدهما لم يكتمل
حتى الآن إلا من غرفة وحيدة أعدت لكي تكون سكننا لي
تاركا بذلك الطابق السفلي لوالداي، وقد فعلت ذلك رغبة
مني في سماع ما يحلولي من قصص يونس المرعبة ولقاءاته
مع هامات الرعب المصري أمثال : محمد عصمت والكبير
حسن الجندي بعيداً عن والداي اللذان لا يروقهما تلك
الهُوية التي يعتقدون أنها سوف تصيبني بلعنة ما في يوم من
الأيام.....

دخلت المنزل لاهثاً لأقابل والدي الذي قابلني بمعزوفة
من التوبيخ التي تعودت عليها بسب تأخري الدائم تجاهلت
تلك الكلمات التي حفظتها عن ظهر قلب لاتجه إلى الدور
العلوي إلى تلك الغرفة التي أعدتها.....

استلقيت على السرير لكي أحاول النوم لأبدأ مرحلة
جديده من الصراع مع النوم في ذلك اليوم الطويل الذي
لا ينتهي، وبينما أحاول النوم ولا أستطيع فإذا بهاتفي يُصدر
صوتاً لرسالة قادمة اليه من الماسنجر فإذا بها نورهان وكانت
قد بعثت عدة رسائل.....

نورهان: عندي ٣ اخوات ولدين وبنت

نورهان: (طارق ومحمد وريهام)

نورهان: وانت عندك أخوات؟؟

نورهان: هو سؤال صعب كده؟

نورهان: انت روحت فين؟

أنا: آسف والله ماخدتش بالي من التليفون

أنا: أنا معنديش أخوات أنا وحيد

نورهان: كل ده ياعم دا أنا نمت وصحيت

أنا: أنا آسف

نورهان: ولا يهكم ما انت ياعم وحيد وتلاقيك مدلع

على الآخر فهنعديالك المرة دي

أنا: شكرًا يا فندم على الكرم السامي دا كله، بس أنا

يعني مدلع شويه صغيرين مش كتير أوي يعني.

تكررت محادثتنا ومكالمتنا الصوتية وكل يوم نقرب من

بعض أكثر وأكثر حتى بدأت أشعر بشعور غريب وهو أنني

لا أستطيع أن أعيش دون أن تكون في حياتي وكان لوجودها

في حياتي أثر كبير جعلني لا ألقى بالأللكل تلك الكوايبس

والأحلام الفظيعة التي صارت تطاردني من يوم أن رأيت

ذلك المخلوق، وفي أحد الأيام كان هذا الحوار

أنا: نورهان عاوز أقولك حاجة بس توعديني من غير
زعل

نورهان: قول يا عم إنت هتخطب..... إوعي تقول
إنك بتحبني

أنا: وفيه إيه يعني ياختي مش قد المقام ولا مش قد المقام
قولها ولا أكونش مش قد المقام
نورهان: لا يا باشا هو احنا نطول

أنا: طيب بجد أنا حاسس إنى مبتقش أقدر يعدي يوم
عليّ من غير ما أكلمك

نورهان: بصراحة ولا أنا..... بقيت برتاح أوي من
الكلام معاك

أنا: شكلي اتنيلت وحييتك ٨_٨

نورهان:.....

أنا: سكتي ليه انتي زعلتي؟

نورهان: لا..... بس بقراً كلامك

أنا: ما هو أنا خلصت

نورهان: ماشي

أنا: بس كده

نورهان: آه عاوز إيه يعني..... دا شكله غبي وهيتعبني

أنا: ماشي يا زكيه

نورهان: بيعرج يا زكي

أنا: وبعدين في اللماضة بتاعتك دي؟..... طيب أنا
بصراحة عاوز اطلب حاجة تانية

نورهان: من أولها طلبات؟ عاوز إيه ياييه

أنا: معلش يا فندم استحمليني

نورهان: قول ونفكر في طلبك اهو انت غلبان برضو

أنا: أنا عاوز أشوفك بكرة

نورهان: الساعة كام؟؟

أنا: يعني انتي موافقة

نورهان: مش قولتلك شكلك غبي وهتتعبني

أنا: يابت متقوليش كدا لراجلك

نورهان: طيب بلاش بت دي واجري اجري راجل مين

يا بني انت

أنا: ياربي على اللماضة..... بس والله عسل

نورهان: أيوة كدا اتعدل

أنا: حاضر يافندم هتعدل

نورهان: خلاص عفونا عنك

أنا: طيب أنا هكون عندك الساعة ١٠ الصبح تحبي نتقابل فين

نورهان: بص انت هتنزل في المحطة وأنا هجيلك ونروح

كافيه اسمه ليالي الحلمية في القومية

وقضيت الليلة دي وأنا بفكر في بكرة دي أول مرة هشوفها

فيها وهعمل إيه وخصوصا إن دي أول مرة أقابل بنت وأحس

الإحساس ده.

ومرت الساعات عليّ وكأنها لا تريد أن تتحرك لأصل إلى

ميدان المحطة وانتظرها وبعد عدة مكالمات لاستعجالها كانت

المكالمة المنتظرة.....

أنا: ايوة يابنتي إنتي فين

نورهان: أنا وصلت إنت فين

أنا: والله يابنتي ما اعرفش هي بلدي ولا بلدكم

نورهان: طيب إنت شايف قدامك تمثال كبير كده؟

أنا: فين ده..... آه شوفته

نورهان: طيب تعالي عنده

أنا: أنا خلاص وصلت انت فين

نورهان: أنا خلاص شوفتك روح بقي

أنا: نعم ياختي

نورهان: إيه ياعم إنت هتشرح طيب بص وراك كدا

وفي اللحظة دي بدأت أنظر خلفي لتقع عيني عليها لأول مرة، ومع تلك اللحظة توقفت الحياة عن السير، وتوقفت الكرة الأرضية عن الدوران لأرى ملكة من ملكات القصص والحواديت كانت تشبه القمر ليلة التمام، كانت أجمل شيء وقعت عليه عيني، كانت لا يمكن وصفها لأن أي كلمات في اللغة العربية ببخورها الواسعة لا تستطيع وصف هذه الفتاه التي لا توصف بمجرد الكلمات.

ومرت عليّ تلك الساعات التي قضيتها معها، وكأنها ثوان معدودة ومن هنا كانت بداية قصة تستحق أن تدون في كتب الحب كروايات قيس وليلي أو عنتره وعبلة.

وانتهى اليوم ورجعت إلى مدينتي التي أعيش فيها فيما يقارب الساعة الواحدة صباحاً بسبب المواصلات وصعوبتها. وتوجهت إلى بيتي وفي طريقي كان لابد أن أمر على ذلك المكان المخيف. وفي أثناء مروري بجانب هذا المكان شعرت برعشة قوية في جسدي تشبه سريان الالكترونات الكهربائية من رأسي وحتى آخر قدمي.

وبمجرد أن وصلت إلى تلك البقعة الملعونة التي كان يقف عندها ذلك المخلوق حتى رأيت شيئاً لامعاً ملقى على الأرض.

ذهبت في تردد إلى ذلك المكان لأستكشف ذلك الشيء لأجدها علبة سوداء لونها بدا يزول ويظهر لون الخشب المصنوعة منه، ومرسوم على أحد أوجهها شكل النجمة الخماسية المحاطة بدائرة تمس رؤوس مثلثات تلك النجمة في خمس نقاط عند كل نقطه من النقاط الخمس نُقِشت رموز جميعها لاقت نفس المصير في رأسي من عدم الفهم، وكانت تلك الرموز والنجمة محاطة بدائرة أكبر. وكانت كل تلك الرسومات مصنوعة بشيء يشبه الدبابيس المعدنية.....

أما بالنسبة لباقي أوجه الصندوق فكان محفور عليها أشكال ورموز غريبة لا تمت للغة العربية بصلة، ولكن كان هناك شيء واحد مختلف عن تلك الرموز خاصة ومتشابه في كل الأوجه عامة.....

وكان ذلك الاختلاف المتشابه عبارة عن بعض الحروف المبعثرة على كل أجناب الصندوق، حروف لم أجد لها تفسير وكانت تلك الحروف هي (ث-ا-ة-م-ج)، وكانت تلك الحروف موجودة على أوجه العلبة الخمس، وكان القاع مكتوب عليه جملة لاقت مصير تلك الحروف المبعثرة من الفهم في رأسي (هذا الصندوق قدرك يأتي إليك ولا تذهب

إليه. تقرب لكي تقرب وأطع لكي تُطاع وأنزل قبل أن ينزل بك وألق السلام كي تسلم وانحر كيلا تنحر واسكب كي تكسب فإن تجاهلت فلتتحمل).....

لم أدري لماذا شعرت بالخوف وشعرت أن ذلك الكلام موجه إليّ أنا بالتحديد، ولم أشعر بنفسي وأنا أترك الصندوق وأجري قدر ما أستطيع هارباً مما قرأت قاصداً البيت الذي كان يبعد عن ذلك المكان مسافة لا تقل عن ٨٠٠ متر، وقد قطعت تلك المسافة في مدة لا تتعدى لحظات.....

الفصل الخامس

اختيارات القدر

أنا اسمي إيمان طالبة في كلية الآداب جامعه الزقازيق
قسم علم نفس في الفرقة الاولي والاقدار وقعتني في طريق
أصلا مش طريقي.....

النهارده اخريوم في محاضرات الترم الأول تحديدا الساعة
٩,٣٠ صباحا.

وكالعادة الدكاترة بيحددوا المنهج اللي هيكون منه
الامتحان. اتجمعت أنا وصحباتي مي ونها.....

إيمان: صباح الخير

مي: صباح النور

نها: صباح الخير يا هانم.. إيه الناموسية كانت كحلي ولا ايه.

مي: مش معادنا الساعة ٩ يا جزمة الجزم يا جزمة.

إيمان: معلش والله المواصلات كانت وحشة.

مي: ايوة حجة كل يوم.

إيمان: خلاص بقي يا اوفر.

نها: تعالوا نلحق المحاضرة هنتاخر.

واتجهنا للكلية واحنا بتتعاتب ونهزر ونضحك وبالفعل دخلنا المحاضرة عشان الاقي حضور تاريخي في المدرج ولكم ان تتخيلوا ٢٠٠٠ طالب حاضرين مع بعض في مكان واحد. وبصعوبة لقينا مكان نقعد فيه وعشان اشرح لكم الصورة كويس المدرج كان مقسوم نصفين النصف الامامي منه كان فيه البنات والجزء الخلفى من المدرج كان فيه الشباب اللي قاعد منهم واللي واقف. ومرت الساعتين المقرر ليهم المحاضرة وبصيت ل مي ونها وقولتلهم بصوت عالي عشان الدوشة.

إيمان: أنا جعانة ومش قادرة

مي: وأنا كمان... ماتيجوا نروح كافيتريا كلية التجارة

ناكل أي حاجة قبل المحاضر الثانية

نها: يالا بينا لاحسن الكافيتريا بتاعتنا تلاقوها على آخرها

دلوقتي .

وبطبيعة الحال ان كلية تجارة جنبنا على طول خرجنا من
كليتنا ودخلنا كلية التجاره والكافيريا كانت امامها جنينة
ملیئة باشجار الزينة المتفرعة. اختارنا طاولة وقررنا ان واحدة
منا تروح تجيب الاكل عشان الزحمة الموجودة.

في أثناء ما كانت نها بتجيب الاكل لمحت حاجة من بعيد
بجوار احد الأشجار حاولت اتجاهلها على أساس انها لحد
بيجيب اكل وهيرجع لها.

مي: إيه يا بنتي اخبارك العاطفية الیومین دول. مفیش
كراش ولا إيه

إیمان: زي كل الأيام ياختي ولا حد هيعبرنا أصلا. إنتي
بقى عاملة إيه مع الكراش بتاعك.

مي: والله زي ما هویا إیمان اخره بیص من بعيد
وخلص أنا بفكر أكلمه أنا ؟

إیمان: إنتی اتهبلي يا مي !!!

مي: أنا بهزر يا بنتي هي نها إتاخرت ليه؟

نها: والله ما أنا جايبالكم حاجة تاني دا أنا طلع عيني

مي: معلش المرة اللي جاية هروح أنا

ومرت ما يقرب من ساعة قضيناها في الاكل والنميمة
كعادة أي مجموعه من البنات وعیناي ما زالت تلاحظ الشئ

الملقى بجوار الشجرة الذي لم يأتي أحد يأخذه.....
قررت إني أروح اشوف إيه الحاجة دي واتجهت ليها في تردد
كان حد بيراقبني.....

إيه دا دي كتاب ولا أجندة. مديت إيدي واخذتها أشوف
اسم عليها أو أي حاجة بس ملاقيتش أي حاجة تدل على
صاحبها وفجأة.....

نها: إيمان يالا المحاضرة بدأت اتأخرنا

وضعتها في شنطتي مع باقي كتبي واتجهت مع البنات الى
المدرج عشان نلحق المحاضرة.....

خلصت المحاضرة ومعاها خلص أول ترم ليا في الكلية
وكانت هناك مقولة واحدة هي التي رسخت في ذهني ولا
أعلم لماذا كانت تدور بيالي دائما (أي شيء يستطيع العقل أن
يستوعبه ويصدق، فسوف يكون قادراً على تنفيذه).....

رجعت البيت وكنت مرهقة جداً وهموت وأنام. بس
البيت كان في حالة استعداد قصوى عشان اختي وأولادها
موجودين والبيت كان أشبه بعنبر الحالات الخطرة في مستشفى
المجانين صوت عالي وزعيق وصراخ وطبعاً كل الأصوات دي
جاية من ماما. وبمجرد دخولي البيت انقلبت الحفلة عليا
انا.....

خالتوا جات خالتوا جت.....

دا طبعاً صوت ولاد أختي اللي تخيلوني نخلة وطالعين
يجيبوا منها بلح..

إيمان: وحشتوني وحشتوني عاملين إيه

ماما: انتي هتقضيها لعب مع الأولاد ادخلي سلمى على
اختك مروه وتعالى ساعديني

إيمان: حاضر..... هي مروة فين يا ماما

ماما: قاعدة مع بابا في أوضة المكتب

مروة: إيمان حبيبتى وحشتيني

إيمان: انتي اكثر.... إيه يا بنتى انتى نسيينا ولا إيه

مروة: أبداً والله بس الولاد ومشاكلهم بقي..... أنا عندي
كلام كتير عاوزه احكيهولك وحشني الرغى معاكى يا إيمان بقي

بابا: طبعاً ما أنا قاعد بينكم هوا

إيمان: ازاي بس دا انت الخير والبركة يا حبيبي أنا

بابا: ماشي يا بكاشة.... الحقى ماما بقي لاحسن ولاد
اختك خلاص خلصوا على الجزء العاقل اللي باقى عندها

ماما: بتقول حاجه يا حبيبي

بابا: أبدا يا حبيبتى دا أنا بوبخها عشان تيجي تساعدك

في اللحظة دي بابا بصلي وغمزلي بعنيه وقالي في ودني وأنا
لسه متعلقة في رقبته وهو قاعد استري عليا دي شريرة وممكن
تخليني أنام في الصالة...

إيمان: حاضر يا بابا أنا رايحة اهو

ودخلت غرفتي عشان احط كتبي على المكتب ونسيت
خالص موضوع الكتاب اللي لقيته في الجامعة.....

خرجت وخلصت مع امي الحاجات اللي كنا بنعملها
واتغدينا واستاذنتهم عشان انام شويه قبل ما أقوم اذاكر
ودخلت غرفتي المكونة من سرير صغير وعلي يمينه مكتبي
المتواضع وكان جنبه مكتبي الصغيرة التي تحتوي على ما
يقرب من ١٥٠ كتاب ورواية مختلفة وخلف سريري تقع
صورة لباربي صديقتي الصغيرة. وفوق سريري تقع رفيقة
صغري وصديقتي المقربة عروستي بندقة. وامامه تقع (طاولة
متصلة بمراه فوقها تسمى...) تسريحة والتي عليها توجد
علب المكياج الخاصة بي.

دخلت الغرفة هموت من التعب وألقيت بنفسي في أحضان
سريري الصغير.

ماخدتش وقت كثير عشان أنام. واحلم بحلم غريب...

حلمت إني قاعدة في الجنيحة بتاعت كلية تجارة أنا ومي
صاحبتي لما كنا مستنين نها تجيب الاكل وكان في (flash back)
بس كان فيه حاجة زيادة عن الحقيقة.

ماما: فيه إيه يا مروة مالها اختك

مروة: مفيش يا ماما دي بس كانت بتحلم حلم بكابوس

بابا: اهدي يا إيمان متخافيش إحنا جنبك يا حبيبي

مروة: معلش يا بابا ممكن تاخد ماما وأنا هنيمها وهبات جنبها

خرج بابا وماما من الأوضة عشان تبدأ مروة تهديني....

مروة: إيمان انتي حلمتي بإيه يا حبيبي

وبدأت أحكي كل حاجة من ساعة ما لاقيت الكتاب

وجبته معايا و الحلم الي حلمت بيه وازاي البنت كانت

بتبصلي وأنا لما أخذت الكتاب بدأت تصرخ في وشي.....

مروة: الكتاب دا فين يا إيمان

إيمان: موجود في الكتب بتاعتي الي في الشنطة الي على المكتب

قامت مروة تجيب الكتاب ورجعت قعدت جنبي وقاتلي

مروة: هو ده؟؟

إيمان: ايوة هو بس انتي عاوزاه ليه

مروة: هنقراه تعرف الي فيه

إيمان: لا والنبي يا مروة أنا خايفة أوي من الكتاب ده

بعد شويه جدال قررنا إننا مش هنفتح الكتاب.....

الفصل السادس

الوعد الأول

بعد ما أدركت إن الشخص الذي كان في المقابر هو أنا
وذلك بعدما رأيت ذلك في المرأة وتأكدت إني أنا الذي قتلت
الفتاة المسكينة بدا المشهد يختفي أمام عيني ويظهر مشهد
جديد أنا عارف المكان ده....

دي غرفتي في المستشفى ولكني في هذه المرة بمفردي في
الغرفة.....

حاولت أتحرك من مكاني ولكن هناك شيء يمنعني من
الحركة أو البعد عن السرير وبعد أن أدركت واستعدت وعي
وجدت يدي مقيدة في السرير باسورتان من المعدن والتي
تدعي بالكلبشات الحديدية.....

لم تكن محاولاتي ذات عمر طويل حيث دخل عليّ ثلاثة أشخاص أحدهم هو دكتور الاستقبال الذي استقبلني بالمستشفى وكان معه شخصان أحدهما طويل القامة يرتدي بذلة سودا عليها دبوس على شكل شعار الميزان استتجت إنه وكيل النائب العام الموكل بالتحقيق في قضيتي فقد كان شاب لا يكاد يتخطى الثلاثين من عمره. وأما بالنسبة للشخص الثالث فقد كان كاتب النيابة وكان رجل في الخمسين من عمره يحمل معه دفتر كبير يستخدمه في كتابة ما يقال في تحقيقات النيابة العامة.....

وأمر وكيل النيابة بفك الكلبشات من يدي ووجه كلامه إليّ قائلاً.....

وكيل النيابة: صباح الخير

أنا:.....

وكيل النيابة: الدكتور يقول إننا ممكن نتكلم شوية.....
افتح يا إبراهيم التحقيق

ووجه النائب العام بعض الأسئلة إليّ ولكن جميع أسئلته نالت نفس الرد المحبط وهو الصمت التام

وكيل النيابة: اسمك إيه

أنا:.....

وكيل النيابة: إيه مش فاكر اسمك ولا مش عاوز ترد؟..... اكتب يا إبراهيم ورفض المتهم الرد والتزم الصمت

وكيل النيابة: كنت بتعمل إيه في المقابر ليلة امبارح؟.....
آثر المتهم السكوت ورفض الإجابة مرة أخرى

وكيل النيابة: جثت مين اللي كانت معاك وقتلتها ليه؟ لو فاكر ان سكوتك ده في مصلحتك تبقي غلطان دا ممكن يوصلك للمشنقة..... واستمرت النيابة بتوجيه الأسئلة إلى المتهم ولكنه أصرّ على عدم الكلام .

وكيل النيابة: وبسؤال الدكتور حسام إبراهيم محمد عن حالته الصحية وما التوصيات الطبية للحالة أجاب.....

الدكتور: أظن يا فندم انه عنده حالة انهيار عصبي شديد ادي الى فقدان النطق. وأنا أفضل نقله لمستشفى الأمراض العقلية عشان يكون تحت رعاية طيبة متخصصة.

وكيل النيابة: تفتكر يا دكتور هو كان في كامل قواه العقلية وهو بيعمل الجريمة دي؟

الدكتور: والله يا فندم الكلام ده اللي يقوله حد متخصص بعد الفحص والمراقبة

وكيل النيابة: يعني حضرتك نقدر نرحله امته لمستشفى الامراض العقلية؟

الدكتور: ممكن بكرة يا فندم هو كدا أصلا مش مصاب
باي كسور او أي حاجة تمنع بس أنا اسف أنا شايف ان
كفاية عليه كده النهارده

وكيل النيابة: طيب اتفضل وقع على اقوالك

الدكتور: حاضر يا فندم

وكيل النيابة: اكتب يا إبراهيم..... هذا وقد قررت النيابة
برئاسة المستشار طارق غالي وكيل النائب العام نقل المتهم إلى
مستشفى الامراض العقلية للكشف على سلامة قواه العقلية
ومدي مسؤوليته عن أفعاله وموافاتنا بالتقارير واقفل المحضر
في ساعته وتاريخه

وكيل النيابة: أنا متشكر جدا لوقتك يا دكتور

الدكتور: تحت أمر حضرتك يا فندم

وأخذ الدكتور حقنه كانت موجودة على المنضدة التي
يدعوها (كومودينو) الموجودة بجانبني وحقنها في المحلول
الذي كان متصل بذراعي عن طريق أنبوب.

ثم خرج ثلاثتهم من الغرفة ليتركوني إلى ذلك العسكري
صاحب الشريطتين على كلا كتفيه ليقيدني مرة أخرى إلى ذلك
السريير الذي وضعت عليه لمدة عجزت عن حصرها بسبب
طول مدة نومي تحت تأثير العقاقير المخدرة التي كنت أحقن
بها في هذه الغرفة.

لم يمر وقت طويل لأجد ممرضة تدخل على الغرفة وفي يدها طاولة مليئة بالأدوية والعقاقير الطبية المختلفة. لم ألقى لدخولها على بال لأنني توقعت تلك الحقنة التي يعطونني إياها لتدخلني إلى ذلك العالم الذي أكرهه لأنني أجد ذلك الصوت ينتظرنني. ولكنها لم تفعل هذه المرة ما تفعله دائماً جميع الممرضات.....

ولكنها دخلت بتلك الطاولة لتضعها على ذلك الكومودينو الموجود على يميني، ولكنها لم تعطني أي من الجرعات الدوائية واتجهت مباشرة إلى باب الغرفة تستعد لمغادرة الغرفة.....

لتقف ويقف معها الزمن وهي معطية ظهرها لي وخرج منها صوت لا يمت للاصوات البشرية بصلة. صوت غليظ النبرة سهل الفهم يصدر كأن من صدره يتحدث في مكان مغلق صوت مالوف بالنسبة إلى وأنا أعرفه تماماً لأنه الصوت الذي يطاردني ولا أعرف صاحبه.....

(كدا يبقي وعد جديد مني ليك بدأ يتحقق وكلها ساعات وتشوف نفسك ضيف في مستشفى المجانين.... لسه اللعبة مخلصتش اللي جاي أمتع)

قالت الممرضه او من يتخفي في شكل الممرضة تلك الكلمات وخرجت من الغرفة وهي تصدر صوت لضحكات تتعالي.....

لم أقدر على الحركة او الصراخ وذلك لانني بدأت بدوار في راسي وبدات اري محتويات الغرفة بدأت في تبديل اماكنها يميننا ويسارا وبدات اشعر بشي من التميل في كل جسدي ويبدو وأن تلك القطرات اللعينة التي تسمى بالنيوريل المخدر قد بدأت تنشط في أوردتي الصغيرة.....

الفصل السابع

الجن يتحدث

(هربت ليه وطلعت تجري انت فاكر كدا إنك هتهرب من قدرك. الصندوق ده قدرك ومحدش فيكم يابني جنس ادم بيهرب من قدره أنا حذرتك إن تكمل وتبعد عنها نورهان مش ليك بس قررت تكمل يبقي تستحمل.....)

سمعت تلك الكلمات لاستيقظ من نومي في غرفتي الصغيرة في خوف وكانت ضربات قلبي تتسارع وكأنها تجري في سباق مع احد قطارات اليابان فائقة السرعة. لأجد ذلك الصندوق الذي هربت منه في تلك المنطقة الملعونة موجود بجانب الكمبيوتر لانتفض في فزع.....

انا: إيه ده مين الي جاب البتاع دا هنا..... بسم الله الرحمن الرحيم

صحيح الشيخ محمد.....

بدلت ملابسني ونزلت أصلي العصر وأقابل الشيخ محمد
وأحكي له ما حدث

أنا: السلام عليكم.... إزي حضرتك يا شيخنا

نظر إليّ ببشاشه كعادته وقال

الشيخ محمد: وعليكم السلام ورحمة الله وبركاته.....
كنت حاسس أنى هشوفك النهارده تعالي نقعد هناك عشان
نعرف نتكلم

أنا: أنا محتاج لمساعدتك يا شيخ محمد

الشيخ محمد: لو في إيدي بإذن الله مش هتاخر عليك

بدأت أحكي له ما حدث لي بما في ذلك ما حدث بيني
وبين أصدقائي ونورهان وما حدث وقت أن التقيت به
في الفجر وما أنقذني منه والصندوق الذي وجدته والحلم
الغريب.

الشيخ محمد: لا حول ولا قوة إلا بالله والصندوق ده معاك
دلوقتي

انا: ايوه يا شيخنا أنا مش عارف اعمل فيه إيه أصلا

وأخرجت الصندوق لكي اعطيه للشيخ محمد الذي أخذ
الصندوق وظل يقلب فيه وتحول وجهه من السحاحة والصفاء

إلى الغضب وأحمر وجهه وبرزت عيناه خارج وجهه، وكأنه يعرف ما هو هذا الشيء ليقول.....

الشيخ محمد: أستغفر الله العظيم أستغفر الله العظيم لا حول ولا قوة الا بالله

إنت يابني إيه اللي عملته بالظبط عشان يظهر لك الشيء ده
أنا: والله يا شيخنا أنا مكذبتش عليك في حاجة.....
هو ده إيه أصلاً

الشيخ محمد: الشيء ده بالرموز الموجوده عليه واضح إنه
ليه علاقة بالسحر الأسود وأهل العالم الآخر

أنا: سحر أسود؟ يعني إيه وأنا مالي بيه عشان يتعمل
معايانا

الشيخ محمد: السحر الأسوده سحر الغرض منه أذية
الناس وده أصلاً بيقوم على النجاسة بكل أنواعها وأشكالها
والكفر والعياذ بالله

أنا: استغفر الله العظيم تقصد حضرتك إن فيه حد عاملي
عمل سفلي بغرض الأذية

الشيخ محمد: بص يابني الحاجات دي يا اما بتحصل من
الأعمال أو إن حد من البشر يحاول يقتحم مجالهم أو أذيتهم أو
التعدي على خصوصياتهم

انا: وأنا هعرف منين

الشيخ محمد: الله أعلم بس القرب من الله هيبعد عنك أي شر سواء من عمل الجن أو الإنس قرب من ربك يا بني وهو هيحملك

أنا: ونعم بالله بس أنا عاوز أعرف أنا عملت إيه لكل ده

الشيخ محمد: دا قدر يا بني مكتوب عليك ولازم تشوفه

أنا: قدري وليه أنا من بين كل الناس قدري يبقى كده؟؟؟

الشيخ محمد: أستغفر ربنا يا بني كده حرام

أنا: اسغفر الله العظيم.... طيب يا شيخنا هو أنا أقدر

أغير قدري ده ويعني أقدر أصلاً؟

الشيخ محمد: بص يا بني كل حاجة بتجصل للإنسان دا

قدره والقدر مش زي ما معظم الناس فاهمين ان القدر هو

اللي بيكون حياتنا القدر صنع الانسان نفسه

أنا: ازاى يا شيخ محمد؟؟؟؟! يعني أنا اللي اخترت قدري

يبقى كده؟

الشيخ محمد: ممكن وممكن ميكونش ليك ذنب فيه

أنا: سامحني يا شيخنا أنا مش فاهم حاجة

الشيخ محمد: طيب أنا هحاول أشرحها لك بسلاسة.....

الشيخ الشعراوي ليه مقوله حلوة بتقول إن القدر مقسم إلى

ثلاثة أقسام (ما يحدث فيك، وما يحدث عليك، وما يحدث منك) والثلاثة دول مقسومين لصنفين جزء انت لا تملك فيه الخيار وهما (ما يحدث فيك، وما يحدث عليك) مثل اتولدت امته هتموت امته دقات قلبك او سير الدم في عروقك او حتى الشحنات الكهربائية في دماغك. هو انت ينفع تتحكم في حاجه من الحاجات دي؟

أنا: لا

الشيخ محمد: تمام كده..... فيه بقي التصنيف الثاني إنت صاحب القرار فيه وانت مسير فيه انك مثلا تاكل إيه تشرب إيه تبقي صالح او طالح دي ترجع ليك انت.

أنا: بس ازاي الحاجات دي مكتوبة قبل الخلق بخمسين ألف سنة.

الشيخ محمد: ربنا بيعطيك الاختيار والأسباب وانت اللي بتختار..... هتسألني وتقولي طيب واختياري اتعرف قبل ما اختاره إزاي؟ فكرة قبل وبعد تنطبق عليك انت وعلّي وعلى كل جنس بني البشر وأي شيء من خلق الله عز وجل لأننا تحت تأثير الزمن. ما بالك بقي برب الزمن الذي لا يقع تحت تأثير الزمن.

أنا: يعني إيه يا شيخنا أنا مش فاهم حضرتك توهنتني

الشيخ محمد: بص يا بني الداعية ذاكرنايك بيقول ردا على السؤال ده «أنا لو عندي ١٠٠ تلميذ وجيت عملت ليهم امتحان وتوقعت إن الطالب ده يطلع الأول والثاني يرسب وفعلا طلع الأول والثاني رسب دا لأني عارف إنه بيذاكر كويس دا باين عليه في الفصل أنا توقعت من خلال اللي بيحصل قدامي وأنا مليش دخل فيه والثاني رسب في الامتحان فأنا غير مسئول لانه لم يأخذ بالاسباب اللي تؤدي به للنجاح واللي على أساسها تنبت أنا برسوب هذا ونجاح هذا».. فهمت؟

أنا: يعني حضرتك عاوز تقول ان فكرة اللي بيحصل معايا ده كان ممكن اقدر امنعه او لا حسب هو مني او علي

الشيخ محمد: بالظبط كدا

أنا: أنا دماغى هتنفجر يا شيخنا اااااااااااا

الشيخ محمد: ارمي حملك على اللي خلقتك يا بني وهو قادر يزيل عنك كل ده وقوم اتوضا وتعالى نصلي المغرب خلصت صلاة المغرب وخرجت من المسجد لا أعلم أين أذهب وكان اختياري لأحمد عاصم لأحكي له ما على كتفي من هموم وتعب.

وبعد ساعات من الجدال والنقاش الذي لا طائل منه ولا جدوى قررت اغادر البيت وطلبت من احمد ان يأتي للمبيت معي في منزلي وبعد نقاش كثير وافق وأتى معي وكنا قد

اتجهنا لطريق آخر بعيد عن ذلك المكان المظلم المخيف
وذلك بعد إصرار مني على ذلك.

وبعد سهرة طويلة بيني وبينه للبحث عن تلك الرموز
الموجودة على الصندوق عن طريق ما يسمى بشبكة المعلومات
العالمية الإنترنت لنشعر بالتعب بعد ما يقرب من ٦ ساعات
من البحث المستمر دون أي طائل ولا جدوى لنقرر أن نكمل
في الغد بحثنا عن تلك الرموز.

(النهادة شكله هيكون يوم حلو) قال ذلك أحمد بعد أنا
صحي كل منا على صوت قرآن عال قادم إلى آذاننا من النافذة،
وكان يشبه بوجود عزاء في الشارع الذي تطل عليه النافذة.

أنا: صباح الخير يا ماما

أمي: صباح الخير يا حبيبي

أنا: لو سمحتي حضري فطار ليا أنا وأحمد صاحبي
أصله بايت معايا من امبارح

أمي: حاضر

أنا: هو إيه صوت القرآن العالي ده يا ماما هو فيه حد مات

أمي: دا الأربعين بتاع الشيخ محمد جارنا

أنا: نعم نعم نعم أربعين مين ومين الي كان معايا إمبارح
في الجامع؟!!!!!!.....

الفصل الثامن

مذكرات مجهول

(إيمان.....إيمان) الكلام ده كان لمروة أختي وهي بتحاول
تصحيني من النوم وهي تحيطني بذراعيها وهي نائمة بجواري
على سريري الصغير وكأنني طفل صغير لم يتعود بعد أن ينام
بمفرده.....

مروه: صباح الخير يا إيمان

إيمان: صباح النور يا مروة..... هو انتى منمتيش
نمتي من امبارح؟

مروة: لا ياستي منمتش نمت كنت خايفة تقومي ومش
تلاقيني جنبك فتخافي

إيمان: ربنا يخليكي ليا يا حبيبتي

مرودة: ويخليكي ليا يا قلبي..... مش تقومي بقي
تاخدي شاور دافي كده وتفوقي عشان تذاكري ولا إيه

إيمان: حاضر بس أنا حاسة بصداع جامد اووووي

مرودة: معلىش تلاقيها بس قلة نوم قومي بس انتي خدي
الشاور وأنا هعملك الفطار بإيدي وهعملك النسكافيه كمان
حسيت في نظرات عينها المتفحصة في والمتكررة في تردد
نظرة خوف عليّ أو شفقة، ولكن تحاول أن تخفيها عشان
متزعلنيش أكثر لأنها عارفة كويس إني مش بحب أصعب
على حد.....

ولكني تجاهلتها لأنهمض لكي أذهب إلى الحمام الذي أشعر
أني لأول مرة أدخل إليه شعور غريب مختلط بإحساسي إني
لست بمفردي فيه استعدت بالله وقولت لنفسي يمكن دا
عشان الحلم بتاع امبارح. أشعلت السخان وانتهيت من
الشاور لأخرج من البانيو وكان الحمام ملئ ببخار الماء، وكان
قطرات الضباب قد احتلت المكان وسيطرت عليه حتي أنني
لم أستطع أن أرى وجهي في تلك المرآة المعلقة أمامي في الحمام.
توجهت إلى الشباك لفتححه عشان أخرج جزيئات الماء
المعلقة في الهواء حتى أستطيع أن أرى.....

بعد أن فتحت الشباك التفت لكي أخرج من الحمام لكي
أجد فتاة في العشرينات من عمرها تقف أمام المرآة تكتب

على جزيئات بخار الماء التي تغطي تلك المرأة الصغيرة، وهي تنظر إلى باكية لتنتهي من كتابة كلمة (ساعديني).....

تجمدت في مكاني أتذكر ما حدث في الحلم الذي حلمت به بالأمس لأجدها تلك الفتاة التي كانت تصرخ في وجهي بالحلم.

سقط على الأرض وكانت تخرج مني تلك الصرخة التي كانت كفيلة بأن تعلم من يسكن في آخر الشارع أن مصيبة ما قد حدثت.

ليدخل على بعد ذلك الحمام اختي وأمي وهم في عجلة يسألونني عما حدث.

ماما: مالك يا إيمان فيه إيه

مروة: إيمان ردي حصل إيه

لم تجد تلك التساؤلات مني أي ملامح رد مفهوم حيث انني صرت اتمم بكلمات

غير مفهومه وكان جسدي يتفض في رعشة وأنا ارفع يدي لهم لكي أشاور على تلك المرأة المعلقة.....

مروة: فيها إيه المراية يا إيمان..... إنتي شوفتي حاجة فيها؟

نظرت إلى المرأة لكي أرى ما إن كانت تلك الكلمة موجودة. ولكنني وجدت تلك الكلمة المكتوبة والتي بدأت

تتكشف جزيئات البخار من حولها لتضيع ملامحها ولا يستطيع أحد أن يفهم ما حدث كانت موجودة لتنزل يدي في حركة لا إرادية جانبي ليدرك الجميع أنني قد فقدت الوعي..... رجعت إلى الواقع بعد أن شعرت بألم في ذراعي فإذا به الدكتور يحاول استفاقتي عن طريق حقنة. وكان يوجه كلامه لوالدي.....

الدكتور: واضح إنها اتعرضت لصدمة عصبية بس شديدة شوية هو حصلها إيه؟

بابا: والله يا دكتور ما عرفش لحد دلوقتي هي دخلت الحمام وشوية وسمعتها بتصرخ

الدكتور: على العموم هي هتفوق كمان شويه وان شاء الله هتكون أحسن.... بس أهم حاجة الهدوء ليها

بابا: شكراً يا دكتور

مفيش غير لحظات ولقيت نفسي وكأني بدخل في عالم تآني لأجد نفسي أدخل من أبواب تشبه أبواب الجحيم أبواب كانت سوداء ضخمة يغطيها الصدأ مرسوم عليها حيوان يشبه الإنسان في وقفته، ولكنه يملك قرون كبيرة وأنف طويل يشبه أنوف الخراف البرية وكانت مقابض الباب مصنوعة من النحاس الأصفر....

وما إن فتحت تلك الأبواب حتى رأيت مشهد لمكان يشبه الجحيم وكان مكان واسع المساحة يتكون من طرق ومسارات متقاطعة فوق حفر من النار مثل البراكين تتقاذف كرات اللهب من داخل تلك الحفر لتصعد لتصيب من كتب له أن يعذب بتلك الكرات الحمراء. وكان المكان يخلو من أي إضاءة إلا من تلك التي تخرج من كرات النار والحفر لتضفي على ذلك المشهد إضاءة حمراء مخلوطة بظلام المكان الأصلي.

وكانت أصوات الصراخ تتعالى تكاد تصيب من يسمعها بالصمم.

وقفت أنظر إلى كل هذا الجحيم وألاحظ هؤلاء الذين يحاولون الفرار بين تلك الطرق المتقاطعة وكأنهم يهربون من النار لأجدني أتحرك بين تلك الطرق دون أن أصدر أي أمر لرجلي أن تتحرك وكأنني أطير فوق الأرض لأصل إلى فتاة معلقة في سلاسل غليظة في وسط أحد تلك الحفر على ارتفاع في مستوي يمكنني أن أرى ما يحدث بوضوح. وكانت في وضع عكسي قدمها في الأعلى ورأسها في الأسفل وكنت أقف في ظهرها لأراها تدور وتنظر إليّ فإذا بها تلك الفتاة التي كنت أحلم بها بالأمس تقول لي (افتحي الكتاب افتحيه وساعديني) ثم أتت إحدى تلك الكرات المتطايرة تصيبها وتقع بها في الحفرة التي أسفلها....

فزعت من نومي في هذه اللحظة لأجد مروة بجانبني
وكانت تقاوم النوم وما إن رأتهني أفيق حتى قالت....

مروة: حمد الله على سلامتك يا حبيبتي

إيمان: الله يسلمك يا مروة..... هي الساعة كام

مروة: أهى داخله على ٧ بابا لسه جاي من صلاة العشاء

إيمان: كويس هو الكتاب اللي قولتلك عليه فين

مروة: في مكتبتك يا حبيبتي ليه؟

إيمان: كنت عاوزاه لو سمحتي

مروة: أهو بس إنتى عاوزاه في إيه؟

رديت عليها في محاولة لتغيير الموضوع

إيمان: مروة أنا جعانة أوي ممكن تجيبي أي حاجة آكلها لو

سمحتي

مروة: بس كده إنتى تؤمري يا حبيبتي

خرجت مروة عشان الاقي الفرصة لأقراء الكتاب لوحدي
عشان مش أورطها معايا وبالفعل فتحت الكتاب عشان
ألاقيها جزء من مذكرات لبنت مكتوب فيها.....

واتصلت بأحمد وقولتله إنى عاوزه أشوفه بكرة ضروري
جداً واتفقنا إننا نتقابل في المكان اللي بنتقابل فيه كل مرة

الساعة ١٠ الصبح وبمجرد أن رأته بدأت عيناى فى سىل من
الدموع والبكاء وبدأ يأخذنى بين ذراعىه ويهدئنى.....

أحمد: متخافىش يا حبىتى أنا جنبك وعمرى ما هسىبك

أنا: أحمد أنا خلاص مبقتش قادرة أستحمل دا بيطاردنى فى
كل مكان وكل وقت حتى فى أحلامى مش عارفة أهرب منه

أحمد: اهدى بس عشان افهمك

أنا: كل ده كوم وكلام الدجالين اللى ماما كل شوىه تاخذنى
لواحد فىهم يجرب فىا

أحمد: دجالين؟

أنا: أيوة دجالين وأنا مکتتش عاوزه أقولك لأنى عارفة
إنك هترفض

أحمد: طيب احكىلى اللى حصل تانى منه وعملوا معاكى
إيه النصّابين دول؟؟

فى اللحظة دى دخلت مروة أختى علىّ الأوضة ومعها
الأكل. قفلت الكتاب بسرعه وأخفىته تحت مخدتى واتعدلت فى
قعدتى وابتسمت لها.....

مروة: احلى اكل لاجمل إيمان فى الدنيا

إيمان: تسلّم إيدك يا مروة. مش عارفة من غيرك كان
ممكن اعمل إيه

مرورة: بس يا مجنونه دا انتى اختى الصغيرة اللي مليش غيرها. وبعدين هي ماما راحت فين ربنا يخليها لنا

إيمان: انتى عارفة ان ماما تعبانة ومش بتقدر على شغل البيت هتشيل همى أنا كمان

مرورة: بالمناسبة بقي مش هتقوليلي إيه اللي حصل في الحمام؟

إيمان: معلش يا مرورة مش دلوقتي أنا لسه تعبانة

مرورة: ماشي يا حبيتي نتكلم بعدين

إيمان: ياريت يا مرورة عشان أنا هموت وأنام حاسة إني منمتش خالص بقالي أسبوع

مرورة: طيب يالا عشان اطمئن عليكى..... قبل ما أخرج تجبي أجيلك بندقة العروسة تاخديها في حضنك وانتى نايمة؟

إيمان: ياريت يا مرورة

مرورة: حاضر..... إيمان إيه اللي على بندقة ده ???!!

إيمان: إيه ده هي بتعيط ؟؟؟؟!!!!!!

الفصل التاسع

في مستشفى المجانين

فتحت عيناى على ذلك المشهد الملعون الذي كنت قد رأيتة من قبل. إنها تلك المقابر التي رأيتني فيها أقتل تلك الفتاة المسكينة التي لا أتذكر عنها شيء. بذلك السّياج المخيف، وتلك الشواهد التي تنظر إليّ وكأنها أشخاص تنظر إليّ في الظلام. ولكن هذه المرة أراني أقف بمفردي لأجد ظل يتحرك بين الشواهد لا أستطيع أن أميزه بسبب الظلام المحيط بالمكان ليجعله أشبه بجزيرة ملقاة في عرض المحيط.

تحركت من مكاني في ريب حتى أتعرف على صاحب ذلك الظل حتى وصلت الى ذلك المكان ولكني لم أجد شيء وسمعت صوت ضحكات طفلة صغيرة آتية من ظهري. لكي اغير اتجاهي لأصل إلى هذا المكان الذي كان يتحرك فيه لكي لا أجد سوى تلك الضحكات التي تنتمي إلى تلك الطفلة

الصغيرة المجهولة وكأنها تعبت معي بدأت أجري خلف تلك الأصوات والظلال في نهم دون أي جدوى وأخيراً استسلمت. ووقفت في مكاني ألتقط أنفاسي وقد نال التعب مني ما نال وفي تلك اللحظة شعرت بهواء ساخن في ظهري لألتفت إليه لأجدها تلك الفتاة التي قتلتها من قبل في ذلك المكان تنظر إلى جاحظة العينين باسمة وتقول (قتلتني ليه..... عملتلك إيه).

استيقظت في تلك اللحظة من النوم لتقع عيني على مشهد جديد لم تره عيني من قبل. إنها غرفة لونها ابيض يوجد على يميني شاشة تليفزيونية عليها مجموعة من الأرقام والرسومات البيانية وتلك الأرقام والرسومات تتغير وتتلاعب من أعلى إلى أسفل، وتلك الشاشة ويخرج منها صوت يشبه النبضات الكهربائية المتوالية في تردد منتظم وتوجد شاشة أخرى معلقة على الحائط فوق رأسي جهة اليمين عليها بعض الكلمات والنسب الغير مفهومة بالنسبة إلي. ويخرج منها بعض الأسلاك والأنابيب الموصولة بجسدي وعلى يساري توجد تلك الزجاجة البلاستيكية المقلوبة المرافقة لي منذ أن كنت في سيارة الإسعاف والمحتوية على سائل لا أعرف ماهيته حتى الآن وهذه الزجاجة متصلة بزراعي عن طريق ما يسمى بالكانيولا.

لم أستغرق الكثير من الوقت في التفكير عما يكون هذا المكان لأن سرعان ما دخل عليّ الغرفة رجلان لا يختلفان عن بعضهما الكثير في القوة الجسدية حيث إن كل واحد منهما

كفيل بأن يخرق جدار الغرفة دون أن ينال التعب والكلل
منهما كانا ذو وجهين عبوسين وكأن البسمة لم تعرف لثغريهما
طريق من قبل.

أخذاني من بين تلك الأسلاك والأنابيب بقوة وأخذنا
يجراني في الطرقات بين الغرف والأبواب وأنا فاقد القدرة
على المقاومة والاعتراض.

ليصلوا بي أخيراً إلى باب غرفة مكتوب عليها غرفة
الفحص وفجأة وقفوا أمام تلك الغرفة وقرع أحدهم على
باب الغرفة ليأتي صوت نسائي من داخل تلك الغرفة
للسماح لهم بالدخول.

دخلوا بي الغرفة وقال أحدهم (المريض يا دكتورة).....

الدكتورة: قعدوه على الكرسي وسيبوه واخرجوا

وكانت الغرفة تحتوي على مكتب قديم متهالك عليه
بعض الأوراق المتناثرة وخلفه يوجد كرسي دوار عالي بحيث
لا يتيح لمن يجلس أمام المكتب أن يري من يجلس عليه في
حالة أن من يجلس عليه معطيًا ظهره لباب الغرفة. وبجانب
المكتب ستارة بيضاء خلفها سرير أسود عليه ملاءة بيضاء
وكان بجانبها منضدة تقع في ظهر من يجلس على ذلك السرير
في وضعه الصحيح.

وبعد أن خرجوا من الغرفة سمعت ذلك الصوت النسائي الذي علمت من كلامهم أنها دكتورة في هذا المكان الذي لا يبدو عليه أنه مستشفى.

السيدة: اسمك إيه؟

أنا: مش عارف

السيدة: مش عارف ولا مش فاكرك؟؟ تفرق

أنا: أنا مش فاكرك حاجة خالص يا دكتورة

السيدة: خالص؟

أنا: أيوه يا دكتورة

السيدة: يقولوا إنك قتلت واحدة وعامل فيها منهار عصبياً وكم إن فاقد للنطق ما انت بتتكلم كويس أهو؟ إنت كداب!!!!

في هذه اللحظة تذكرت أنى لا أعرف هل أنا رافض للكلام أم فاقد القدرة على النطق لأجدني لم أتحدث قط سوي مع ذلك المخلوق الذي لم أتعامل معه إلا من ذلك الصوت الذي يحدثني في أحلامي ووقعت عيني على لوحة المكتب الموجودة ومكتوب عليها الدكتور محمود كامل إخصائي النفسية والعصبية. لأستتج أن هذا المكتب ليس لها وأن شيء غريب يحدث وأني في هذا المكان لأجل سبب آخر غير الكشف الطبي. لأسألها في ارتياب وخوف من الإجابة

أنا: إنتي مين؟ وفين الدكتور محمود

السيدة: انت معرفتنيش؟؟

وصدرت منها ضحكة سخرية عالية قبل أن تستدير إليّ وأجدها تلك الفتاه التي رأيته تقتل في المقابر تنظر إليّ وتقول السيدة: أنا الي مش هتسيبك إلا لما تقتلك زي ما قتلتها، وقبل ما يحصل هخليك تتمني الموت ومش هتطوله ولا هرحمك وخرجت منها بعد ذلك صرخة عالية كادت أن تصم أذني.

لأنتفض بعدها على السرير وكان ممرض يقف بجواري ويحقن تلك الزجاجاة المعلقة على قائم حديدي بحقنة بيدوا أنها بدأت في السريان داخل شراييني.

للوهلة الأولى كنت خائفاً أن يكون هذا المشهد أراه في احلامي مثل باقي المشاهد المرعبة التي اراها دائماً. ولكنني سرعان ما تيقنت انني في ارض الواقع عندما حاولت ان أحرك يدي لأجدها مقيدة بتلك الأساور المعدنية اللعينة التي تسمي بالكلبشات التي لا تزال تصاحبني.

دخل إلى الغرفة شخص يبدو في الثلاثينيات من عمره مهندم الملابس ذو لحية خفيفة وشعر قصير يرتدي بالطو الأطباء المعتاد.

الممرض: أهلاً يا دكتور محمود صباح الخير

الدكتور محمود: صباح الخير يا إسماعيل اخبار الحالة إيه؟

المريض: أهو لسه فايق من النوم يا دكتور

الدكتور محمود: أتعمله رسم مخ ولا لسه

المريض: اه يا دكتور وموجود مع باقي التقارير عند

حضرتك

الدكتور محمود: تمام..... يا اسماعيل لو سمحت نادي

علي خيرى عشان تنقلوه لغرفة الفحص

المريض: حاضر يا دكتور

لم يغب طويلا إسماعيل وهو يحضر الكرسي المتحرك لنقلي هو وخيري إلى غرفة الفحص، وكانت طرقات المستشفى لا تختلف كثيرا عن تلك التي رأيتها في الحلم وما إن دخلت إلى الغرفة التي وقفوا عندها حتي كدت ان اقف على رجلي وادخل الغرفة بنفسى لأرى ماذا يوجد داخل الغرفة ومن سأقابل هذه المرة و تلك اللوحة المكتبية وأرى ماذا كتب عليها، ولكنهما لم يقفا كثيرا حتى أدخلوني لأرى ملامح غرفة تشبه تلك التي حلمت بها وكانت عيناى متعلقة بالمكتب لأجد أنه لا يوجد لوحة مكتبية عليه، ولكن كان هناك شخص يجلس على ذلك الكرسي الدوار العالي لم يلبث أن التفت إلى لأجد.....

الفصل العاشر

رحلة إلى العالم الآخر

أخذت صدمة إن العزاء اللي تحت دا الأربعين بتاع الشيخ محمد ودخلت لأحمد اللي استغرب من شكلي المهموم ووشي اللي تغير لونه للأسود وبخلاف ده كله كنت داخل بكلم نفسي.

عاصم: مالك يا بني فيك إيه حصل حاجة؟

أنا: أحمد إنت عارف العزاء اللي تحت دا ملين؟

عاصم: ملين؟ حد قريبك؟

أنا: لا.... دا أربعين الشيخ محمد جارنا

عاصم: وإيه المشكلة الله يرحمه

أنا: عاصم الشيخ محمد كان معايا في الجامع إمبراح قبل ما أجيلك.

عاصم: كده الموضوع كبير ولازم نشوف طريقة تانية
مكنتش عاوزك تدخلها

انفجرت في عصية على أحمد لما لقيته بيتكلم بهدوء
وسهولة وكأنه شيء متوقع أو طبيعي.

أنا: طريقة إيه وزفت إيه؟ انت بتتكلم بسهولة كدا إزاي
كأنه عادي أنى أشوف ناس ماتت واقعد أتكلم معاهم

عاصم: وانت مستغرب ليه والصندوق اللي معاك ده
هو اللي طبيعي الرموز والحروف المحفورة عليه دي طبيعية
والعفريت اللي بتشوفه دا عادي

أنا: مش عادي بس مش لدرجة إني اشوف ميتين وأقعد
وأتكلم معاهم.

عاصم: إنت عاوزني أقولك إيه يعني إني مش مصدقك
هترتاح كده يعني؟

أنا: مش عارف يا أحمد بس أنا مش مستوعب يا أخي

عاصم: بص أنا ابن خالي كان قالي على شيخ بيعرف يتعامل
مع العفاريت والجن والحاجات دي هجيب منه عنوانه ونروحله

أنا: دجال يا أحمد هو خلاص بقينا زينا زي الجهلة

عاصم: أنا كمان مش مقتنع بس اللي بيحصل دا مش
طبيعي ومفيش ليه أي تفسير عقلاي أو علمي.

أنا: أنا خلاص تعبت يا أحمد مش قادر ومستعد أتعلق
في أي أمل

عاصم: خلاص أنا هشوف ابن خالي و ناخذ منه معاد

وبالفعل بعد يومين تليفوني رن على اتصال من احمد بيقولي
انه أخذ ميعاد لينا من الراجل ده والميعاد النهارده الساعة ٦
مساءً. وكانت المشكلة اللي قدامي الفلوس. واحد زي الراجل ده
هيطلب مبلغ كبير حاولت اتصرف في فلوس وجمعت معايا مبلغ
مش كبير واستعديت وقابلت أحمد في الميعاد اللي اتفقنا عليه.

لتبدأ رحلتنا إلى بيت المعالج الروحاني كما فضل أحمد أن
نسميه وكانت ليلة من ليالي الشتاء الطويلة شديدة البرودة
وكان القمر الذي يوشك أن يكون بدرًا يضيء على الطريق
المظلم طابع الرعب والظلام والكلاب الضالة العاوية والحركات غير
معلومة المصدر ما يكفيه أن يجعله بيت الرعب وبعد ذلك
الفاصل المرعب وصلنا إلى بيت المعالج.

ذلك البيت القديم المصنوع من الطوب اللبن وله سقف
مصنوع من الخشب الموضوع على شكل كتل خشبية أفقية
(عروق) عليها ألواح معاكسة في الاتجاه من الخشب.

البيت في شكله العام من الخارج لم يكن مخيفًا أو مرعبًا
كان بيت عادي، ولكن المرعب هو ذلك المكان الذي وُجد
فيه هذا البيت؛ لأنه كان في أطراف المدينة بعيد عن كل

البيوت العامرة بأصحابها محاط بسور من البوص الجاف الي يستخدم عادة في عمل أعشاش الطيور في القري وجيرانه كانت المقابر والكلاب الضالة.

دخلنا البيت وطلب مننا الانتظار في ساحة واسعة في وسط البيت (صالة) الذي كان عبارة عن ٤ غرف واضحة لها أبواب تطل على هذه الساحة وفي آخرها سلم للدور الثاني وتحت السلم يوجد شئ أشبه بمحرقة أو فرن حطب (فرن كان يستخدم في مصر في الخمسينيات وكان وقوده عبارة عن سيقان الذرة الجافة أو القش).

وكان موجود في الساحة مجموعه من الحيوانات المحنطة من الكلاب والقطط والغزلان وقرون كبيرة غير واضح هي لكبش أو غزال هذا غير مجموعة من المسابح الغريبة الشكل والكفوف الزرقاء.

مدة انتظارنا طالت لمدته تقريباً ساعة أو أكثر وبعدها خرج شخص من داخل أحد الغرف ووجه كلامه لنا.

اتفضلوا مولانا خلص الخلوة بتاعته ومستعد يقابلكم دلوقتي....

دخلنا إلى غرفة واسعة وكأنها شقة ثانية وكان يوجد بها مبخرة كبيرة تشبه نافورة المياه ولها غطاء نحاسي كالقبة نقش عليها بعض الأشكال والرسومات التي تشبه الفن الإسلامي وكان مولانا يجلس في ركن ذو اضاءة خافته وكان امامه مبخرة

أخرى ولكنها كانت أصغر من تلك النافورة التي خلف الباب والمكان المظلم الجالس فيه مولانا كان مرتفع ليجعل من يقف فوقه يشعر وكان السقف يطبق على أنفاسه وكان يحتوي على عدة كراسي قديمة من الجريد موضوعه في شكل دائرة حول تلك المبخرة الصغيرة ليكون مكانه هو راس هذه الدائرة.

بدئنا نتحرك في خوف من هول المشهد الذي نراه باتجاه الصوت الذي كشف لنا مكان (مولانا) وهو يقول.

مولانا: انت الي اتحدثهم وكملت معاهم لعبتهم واخرقت بايدك خصوصياتهم وأرسلوك شيء من عالمهم وجاي دلوقتي تشتكي من لعنتهم

بصيت لأحمد في دهشة وشك وبدأنا نصعد السلم التي توصلنا إلى مجلسه ومع كل خطوة أخطوها في اتجاه هذا الرجل اشعر بضيق في نفسي وكان جبل وضع على صدري وعندما وصلت إليه جلست أنظر إلى السقف الذي أصبح فوقني تمامًا لأشعر ببعض التوتر والحركات اللاإرادية في يدي قبل أن أرد عليه بصوت رافض أن يخرج.

أنا: انت تقصد مين فينا؟

مولانا: الي عليه الكلام والقصد جسمه بدا بيعت إشارات الرد

بصيت على جسمي لاقتني بتفض في رعشة وكأني مليش
أي سيطرة أو تحكم على جسمي.

أنا: طيب أنا عاوز أعرف أنا اخترقت خصوصياتهم إزاي
ولعبة إيه اللي لعبتها معاهم؟

مولانا: هنشوف وهنعرف بعد ما نحضر الي منك غضبان
ويشرف

مش عارف إيه الي جعلني أخفى عنه الصندوق الي
معايا وقولت لنفسي مش هظهره دلوقتي ولو هو فعلا
متمكن هيعرف.

ونادي على مساعده الذي أذن لنا بالدخول وطلب منه
ملائه بيضاء وضعها حول أحد الكراسي المقابلة له في الحلقة
الدائرية حتى اخفته تمام وعلق تلك الملائة في ذلك السقف
المنخفض لتكون حول الكرسي كنفق راسي فارغ إلا من ذلك
الكرسي الموضوع داخلها. وأشار لمساعده ليبدأ مساعده في
إطفاء الأنوار الموجودة ولم يتبقى سوي بعض الإضاءة الحمراء
الناجمة من النار الموقد امامه وبعض الإضاءة الخافته الحمراء
وبدا يسلط على هذا النفق ضوء ليظهر لنا ظل الكرسي من
خلف الملاءة لتتخيل أننا في جزيرة في وسط بحر من الظلمات
في مشهد أشبه ما يكون بأفلام السينما الأمريكية.

وبدا يحرق بعض حبات البخور النفاذ في المبخرة وبدا
يقول كلام بعضه مفهوم بالنسبة لي، والبعض التاني كان بيتعمد

إنه يخفيه وبعض الكلام كان بيقوله بصوت واضح نطقه عربي بس معناه كأنه من لغة ثانية.

(ملحوظة هذا الطلسم حقيقي لو كنت من هواة المغامرة اقرؤه وإن كنت لا تهوي فلتعرض عن القراءة)

بسم الله الملك المحيظ الدائم القديم الذي ملاً ساطع نور وجهه الأكوان وأمدّها بقوة هبّية سلطانه، على كل ملك وجنى وإنسي وشيطان وسلطان، فخافته جميع مخلوقاته وأذعنت وتواضعت.....

أيّها الملائكة الطيبة المباركة النارية والترابية والهوائية والمائية والعلوية والسفلية ، ومن كان منكم يسترق السمع من السماء إلى الأرض ، ومن يوافق الكواكب والأموّر الخفيات والجليات ، ومن يسير منكم بسير النجوم ، ومن يستضيء منكم بضوء الشمس والقمر ومن يهوى لملاً الأشجار والبراري والقفار والصحاري والمروج والآكام والجبال والمغارات، والسهل والوعر ، والأماكن المتقطعة والطرق الصعبة ، ومن خلقه الله من نار السموم وهو سامع مطيع لأسماء الله وكلماته التامات، أقسمت عليكم بالبعث والنشور والملائكة الذين لا يأكلون ولا يشربون طعامهن التسبيح وشرابهم التقديس ، وبحق آهيا شراهيا أدوناي اصبوت آل شداي ، أقسمت عليكم بالحي القيوم خالق الارض والسماء ، وبالذي قال للسموات والأرض إئتيا طائعين وأقسمت عليكم بجبرئيل وميكائيل وإسرافيل

وعزائيل والملائكة أجمعين إلا ما أجبتم دعوتي وحضرتكم
مجلسي هذا وقضيتم حاجتي فإن فعلتم ذلك فلكم السلامة
وإن أبيتم فعليكم من الله سخطه وغضبه ولعناته. احضروا
إلى في لمح البصر كل مارد أو شيطان أو عفريت طغي وتكبر
على عالمكم وتجراً على عالم بني الإنسان. احضروه في الحال
مهما تطلب الأمر من كلفة احضروه من أسفل السافلين أو
من قاع بحار الأدميين احضروه احضروه فإن عصي عليكم
فلتأتوني بخبره اليقين ولماذا كان لأحد سكان عالمنا من
المحاربين، وله من المعذبين ولنومه من الطاردين بحق هذا
العهد المأخوذ عليكم يا خدام هذه الأسماء.

هورين هورين هورش هورش ياروخ أبراخ وبحق
طشطيش يانطيطيويين يانطيطوه وبحق شلشليش باكورا آل
قدوس.

وفي اللحظة دي أخذ شعرة من شعر راسي وبدا يخلطها
ببعض البخور ووضعها في النار لينتج عنه دخان كثيف
لدرجة أن الملائكة لم تكن واضحة من كثرة الدخان. وبعد
لحظات بدا الدخان يطير ويظهر من بعده النفق والكرسي
لأجد.....

مروة: ماشي يا قمر بس كويس أنا كده اطمنت عليك
إنك بقيتي أحسن.

خرجت مروة من الغرفة لأذهب مسرعه نحو الكتاب
لأكمل ما فيه حيث وقفت.....

(..... حاولت التماسك والتوقف عن البكاء وبدأت
أحكي له ما حدث من ذلك المخلوق الذي لا يتركني في
أحلامي أو واقعي وكان آخرها.....)

كان يوم عادي وكنت في الجامعة بين أصدقائي البنات
في المحاضرة وكنت شريفة الذهن أفكر في موقف إمبارح
عندما وجدت ذلك المخلوق ينظر إلى من أحد أركان غرفتي
ويقول.....

(أنا عندما اختار لا يوجد من يمنعني وانتي اختياري
ولن تكوني لأحد غيري)

سمعت الجملة دي قبل ما أصرخ واقع على الأرض فاقدة
الوعي....

لأستعيد وعي وأنا على سريرى بين ذراعى أمي وهي
تقول.....

أمي: مالك يا بنتي حصلك إيه دا إنتي كنتي ورده مفتحة

أنا: واحد يا ماما بيطلعلي في كل مكان بيقولى إنه عاوزني وبيحبني

أمي: واحد مين يعني زميلك في الكلية؟

أجبتها في تردد.....

أنا: لا يا ماما دا عفريت

أمي: عفريت إيه بس يا بنتي انتي لسه بتهلوسي

أنا: لا يا ماما دا بيطلعلي في الحمام وفي البيت وكل وقت

ومش راضي يسييني

أمي: طيب ارتاحي وهددي نفسك ونشوف موضوع

العفريت دا بعدين

شعرت في كلام أمي بأنها غير مصدقة ولكنها لم تجد الفرصة

لتكمل ما بدأت من كلام الناس لتهدئة المجانين لأنني وقفت

في مكاني بدأت في الرد عليها في انهيار

أنا: أنا مش مجنونة يا ماما عشان تاخذيني على قد عقلي

أنا مش مجنونة والله بيظهرلي والله بشوفه حرام عليكم

قامت أمي وحضنتني في هدوء حتى نمت بين

يديها.....

فتحت عيني على هدوء وظلام لم تشهدهما غرفتي من قبل

حاولت التحرك من مكاني لأشغل أنوار الغرفة لأجد ذراعي

مربوطتان إلى صدري بخيط رقيق فزعت في مكاني وحاولت

أن أجلس، ولكن رجلاي كانتا مكبلتان أيضا ورغم كل

هذه الحركات التي حاولت عملها الا ان الغطاء الذي فوقني لم يتحرك ولم ينزل ومع كل ذلك الصراع مع تلك الخيوط انتبهت إلى شئ صلب أسفل رأسي هل هي وسادة نومي أم ماذا ومنذ متى ووسادتي بهذه الصلابة والقسوة.....

نجحت في فك تلك الخيوط التي تُقيدني من يدي ورجلي وبدأت أزيح ذلك الغطاء الناعم الملمس عني وأتحسس طريقي لمفتاح الكهرباء وأول ما وقعت عليه يدي هو شيء ناعم وسهل الملمس يقع بين سورين من كتل صلبة وكأنها تمنع ذلك الشيء الناعم من الخروج خارج حدودها وأما عن تلك الوسادة الجافة كانت تشبه الحجر وقفت للحظة للتفكير عن سبب ذلك الظلام لكي لا أجد في عقلي سوى مكان واحد يمكن أن تجتمع فيه مثل هذه الأشياء.....
القبر؟؟؟؟!!!!!!

الفصل الثاني عشر

حوار مع طبيب نفسي

دخلت إلى غرفة الفحص التي رأيتها من قبل في ذلك الحلم الغريب وعندما دخلت التفت إلى ذلك الشخص الذي كان يتحدث مع إسماعيل في غرفتي قبل بضع دقائق، وكان جالساً على الكرسي الدوار وكان شخص يبدو عليه الذكاء قام من على الكرسي في ثقة وثبات كانا ظاهرين في خطواته الثابتة نحوي وهو يقول بصوت قوي أنا الدكتور محمود كامل استشاري الطب النفسي بالمستشفى هنا....

نظرت إليه نظرة ارتياح يبدو أنه قد تفهمها لذلك أكمل
مستر سلاً.....

الدكتور محمود: وأنا المكلف هنا بدراسة حالتك وتقديم
التقرير للنيابة العامة.

نظرت إليه في نظرة استنكار دون ان أتكلم بننت كلمة لينظر إلى بابتسامة هادئة وضربات خفيفة على كتفي في هدوء قائلاً.....

الدكتور محمود: بس طبعاً مش الهدف الأساسي لأني بقالي ١٥ سنة في المستشفى هنا بعمل التقارير دي ولا زلت على شيء ولم ينقص، أنا المهم عندي المساعدة للناس المحتاجة لي ومقدرش أوصفلك سعادتي لما بشارك في شفاء أي مريض عندي.

بدأت ملامح وجهي في الراحة لتعود إليها قسماتها الطبيعية بدون أي مؤثرات عليها لأول مرة منذ أن دخلت تلك الدوامة التي تسمى بالتحقيقات والعلاج النفسي والعضوي، ولكني لم أجد الشجاعة التي تجعلني أبداً في الحديث إلى الدكتور محمود. ولكن الدكتور محمود لم يستسلم وحاول مرة أخرى انتزاع الكلمات من جوفي.....

بدأ الدكتور في الحركة حول الكرسي المتحرك الذي أجلس عليه في دوائر مكررة وينظر إلى نظرات كادت أن تخترقني من الداخل ليبدأ التوتر والخوف يدخل إلى نفسي..... وظل في حركاته المتوالية حتى فأجاني بسؤال لم أعلم كيف أثار ذلك البركان الكامن في نفسي.....

الدكتور محمود: إنت اللي قتلتها وكنت عاوز تدفنها؟

في ظل التوتر الذي أحدثه الدكتور محمود في نفسي بحركاته المقصودة والتي معها لم أستطع التحكم في الثبات العصبي الخاص بي حتى وجدتني أجيب بصوت عالٍ.

أنا: لا

الدكتور محمود: أيوة كده يا..... هو انت اسمك إيه؟

أنا: مش عارف

الدكتور محمود: ما هو مش مش هينفع نكمل كلامنا من غير اسمك

أنا: يبقى ارجع اسكت تاني بما ان حضرتك مش مصدقني من اول الكلام

الدكتور محمود: ومين قال إني بكذبك؟

أنا: كلام حضرتك مفيش ليه معني تاني

الدكتور محمود: مش يمكن كنت هرشحلك اسم يسهل التعامل بينا والمناقشة ثم إني مصدقك جدا كمان

بدأت أشعر بالارتياح تجاه الدكتور محمود وبدأ إحساس قوي يملكني بأنه يمكن أن يتفهم مشكلتي، ويستطيع مساعدتي فاسترسلت في كلامي معه.....

أنا: و حضرتك أكدت صدقي إزاي دا أنا متكلمتش مع حضرتك لسه؟!

الدكتور محمود: ولو أن الدكتور الشاطر لا يفصح عن أسلحته بس أنا هقولك..... لغة الجسد

أنا: نعم؟! ودي تبقي إيه؟؟

الدكتور محمود: ودي تاني حاجة تثبت صدقك

أنا: ازاي?!!

يا دكتور: بص يا طارق..... وطارق دا الاسم اللي أنا اختارته ليك إيه رأيك؟

قالها في شكل مَرِح لا تبسم له في رضاً ليبدأ هو في تكملة حديثه

الدكتور محمود: ماشي يا طارق..... نرجع لكلامنا لغة الجسد دي هي حركات الجسد اللي بتوضح ما يدور في نفس الشخص يعني اللي بيكذب له حركات لجسده تكشفه وكذلك الصادق والمتوتر..... عاوزني أقولك إزاي وأعلمهاك؟

شعرت بأن هذا السؤال ده كمان فح من الدكتور محمود عشان يؤكد بيه صدقي أو يلي الفكرة التي كونها من إجاباتي الصادقة

أنا: لا يا دكتور محمود

الدكتور محمود: إيه يا أستاذ طارق هو مين فينا اللي بيحلل التاني أنا ولا انت

أنا: هو أنا ينفع يا دكتور أعمل حاجة وأنساها مع إني مش حاسس إني عملتها حضرتك فاهمني يا دكتور؟!!

الدكتور محمود: فاهم تقصد إن النيابة بتتهمك بالقتل
وانت مش حاسس بأنك عملت الجريمة دي صح؟

أنا: تمام يا دكتور دا توصيف صادق جدا للي بشعر بيه

الدكتور محمود: وارد جدا العقل البشري دا فوق كل
التخيلات وممكن يخيلك أي شيء فوق ما تتصور.

أنا: أنا تعبان يا دكتور مش فاكر أي حاجة وفيه شخص
بيطاردني في أحلامي وفي الواقع وبيحاول إنه يقنعني إني عملت
الجريمة دي

الدكتور محمود: شخص مين ده؟ انت تعرفه؟

أنا: للأسف لا يا دكتور أنا حتى معرفش شكله

الدكتور محمود: طيب هو قالك هو مين؟

أنا: لا أنا بتعامل معاه أصلا من خلال صوته

الدكتور محمود: مش فاهم يعني صوت هو الي بيطاردك
ولا شخص بتشوفه

أنا: لا يا دكتور صوت بس

وبدأت أشرح للدكتور محمود كل حاجة حصلتلي من ساعة
ما فوقت في الإسعاف والأحلام الي بشوفها والشخص الي
بيكلمني والممرضة وحتى مشهد القتل الي شوفته وحتى
لحظة جلوسي الآن معاه.

اعتدل الدكتور محمود بعد أن كتب بعض الملاحظات في

مذكرته الخاصة ووجه كلامه إلى قائلاً.....

الدكتور محمود: حلو أوي كده يا طارق واضح من كلامك إنك نتيجة للصدمة فقدت الذاكرة مجرد فقدان مؤقت وبدأت تدخل في مرحلة هلاوس سمعيه وبصرية.

أنا: يعني حضرك شايف إني فعلا قتلت وكمان بدأت أتجنن

الدكتور محمود: إيه يا طارق بيه دالسه مجرد تحليل مبدئي لسه فيه مراحل تانية كتير

انتفض الدكتور وهو ينظر إلى ساعته.....

الدكتور محمود: ياااااااه دا احنا اتاخرنا أوي النهاردة ولازم أمشي دلوقتي وكمان انت عاوز ترتاح ونكمل بكرة

قال ذلك وهو يضغط زر الجرس الموجود على مكتبه ليدخل إسماعيل بعدها.....

الدكتور محمود: رجعه يا إسماعيل غرفته وابعثله الغداء والمحاليل تتمنع الأستاذ طارق من النهارده مش هيجتاجها

إسماعيل: حاضر يا دكتور

قال الدكتور محمود ذلك وهو ينظر إليّ بابتسامة أفنعتني دون أي كلمة ولم أستطع أن أرفض ما قاله ليزيد عليه خبطة هادئة على كتفي وهو يقول.....

الدكتور محمود: دي أول الخطوات في الطريق الطويل اللي اتكتب عليك يا بطل وبكره لنا كلام كتير مع بعض.

الفصل الثالث عشر

تحالف الشياطين

بعد أن انتهى مولانا من كلامه الغير مفهوم وبعد أن زال الدخان الذي حجب عني رؤية النفق الذي صنعته الملاءة حول الكرسي وجدت أن ظل الكرسي القادم من خلف الملاءة لم يكن للكرسي فقط، ولكن كان فيه ظل شيء فوق الكرسي دا.....

دا ظل إنسان قصير وله قرنين صغيران يجلس على الكرسي وبدأ يتحرك وكأنه يلتقط شيئاً من الأرض ويرفع رأسه ليعتدل في جلسته ويحرك يديه، وكأنه كان مقيداً ليظهر في الظل على الملاءة شكل أظافره الطويلة المدببة.

تبادلت أنا وأنا عاصم النظرات ليجد كلا منا الآخر، وكأنه غارق في بحر من كثرة العرق علينا.

نظر المعالج الروحاني كما يقال عنه الينا بابتسام نظرة
انتصار وفخر وكأنه صلاح الدين فاتح القدس ووجه كلامه
إلى ذلك الشخص وقال.....

مولانا: السلام على من لبي النداء العظيم وأوفى بالعهد
القديم وأطاع قسم سليمان الحكيم..... أفصح عن
نفسك ولك الأمان يا عبد الله القوي الحنان المنان....

ليجيب الشخص المجهول أنا زريال أحد الملوك الموكلين
بحكم بني الجان

مولانا: هات ما عندك من الأخبار وإن كنت أنت المطلوب
فلتفصح عن الذي بينك وبينه صار

زريال: غير مسموح لي بالإفصاح عن المطلوب بحق قسم
الأمان الذي أوله آل وآخره آل وزريال الفقير بعهد سليمان
الحكيم مستجير

مولانا: بحق قسم سليمان عليكم نريد المساعدة والعون

زريال: ما تبحث عنه معلوم واسمه في جيب المرصود
موجود .

مولانا: بخ بخ رميخ رميخ ترفيق ترفيق انفرو وخفافا
وثقالا انصرف ولك الأمان أحسنت وأوفيت

وفجأة وقعت الملاءة عن الكرسي لانتفض أنا وعاصم
في أماكننا من الخوف وبدأت الأنوار ترجع للمكان ويختفي

اللون الأحمر المسيطر على المكان واختفي معه ذلك الشخص
المسمى زريال.

ووجه المعالج كلامه إلينا في غضب وهو يرمي بعض
البخور في النار.....

مولانا: قوم امشي انت وصاحبك حل مشكلتك مش عندي

أنا: ليه بس يا مولانا؟

مولانا: انت كدبت عليّ وأخفيت إن معاك رسالة من
المقصود

عاصم: يا مولانا مكنش يقصد أكيد نسي من رهبة
الموقف والمكان دا غير اللي هو فيه هات يا بني الصندوق
أخرجت الصندوق وأعطيته له ليأخذه وينظر إليه وبدأت
تظهر عليه ملامح الغضب والاستغراب قبل أن ينظر إليّ
ويقول.....

مولانا: الجاثمة!!!!

سألته في استغراب.....

أنا: يعني إيه يا مولانا الجاثمة دي أنا مش فاهم

مولانا: الجاثمة دي جنية من الجن التراي ودا من أقوى
أنواع الجن والجنية دي أصلا من المتمردين في عالم الجن
والمغضوب عليهم من عشيرتها من زمن سيدنا سليمان لأنها

بعد موته رفضت انها تلتزم باي عهد من العهود فطردت
من عشيرتها وأصبحت من المتسللين إلى عالمنا عن طريق
البوابات الكهرومغناطيسية الي بتفصل بين عالمنا وعالمهم.

انا: طب ودي عاوزه مني إيه يا مولانا

مولانا: دا الي هنعرفة دلوقتي

أنا: وهنعرفه ازاي والي اسمه زريال ده رفض يقول حاجة عنها

عاصم: يابني اصبر هو مولانا أكيد ليه طرقة

مولانا: عالم الجن هو عالم يشبه عالم البشر تمام زي ما فيهم
المسلم فيه الكافر وزي ما فيهم الي بيوفوا بعهودهم فيهم
الخونة وزي ما فيه زريال فيه الجائمة واحنا لينا رجالنا من
بني الجان

سألته في استغراب

أنا: جواسيس تقصد يا مولانا؟؟

مولانا: تقدر تقول عنهم جواسيس على العالم الآخر أوزي
ما يقولوا عنهم المتسللين عبر البوابات الي الجائمة واحدة
منهم بس هي من النوع الشرير المتمرد بس فيه منهم ناس
تانية أضعف منها قوة وأقل منها سلطان قدرنا نروضهم
ونسيطر عليهم لمساعدتنا في طرد البلاء ورفع بطش الجان
على الانسان وهما دول الي هتواصل معاهم لمعرفة المراد.

نادى على مساعده ليأتي له بقطة سوداء وصندوق متوسط الحجم مصنوع من النحاس محفور عليه نقوش ورموز لا تقل غرابة في شكلها عن الرموز الموجودة على الصندوق الذي وجدته وكان على الوجه العلوي للصندوق محفور عليه رموز متشابكة تشبه المتاهة وهذه الرموز منقوشة بين عدة دوائر متوازية وبارزة حولها وكأنها اسوار تفصل فيما بين تلك الدوائر المتصلة بقناه تقطعهم فيما بينهم وكأنها نصف قطر هذه الدوائر ومحفورة في النحاس لتصل بين اكبر دائرة وتنتهي في أصغر دائرة في المنتصف ويوجد في الأركان الأربعة للصندوق أربعة كتل نحاسية صغيرة ومجوفة متصلة ببعضها عن طريق قنوات موازية لأحرف الوجه العلوي للصندوق واحد هذه الكتل متصل بالقناة القاطعة للدوائر المتوازية في وسط الصندوق أو القناة التي تمثل نصف قطر الدوائر.

وكل اللي عمله مولانا إنه وضع الصندوق أمامه وأمسك بالقط وأرجع رأسه للخلف وذبحه ووضع بعضاً من قطرات دمه في النقاط الأربعة المجوفة الموجودة في أركان الوجه العلوي للصندوق وفي هذا الوقت بدأ يتمتم بكلمات لم أسمع منها شيء يفهم حتى أستطيع تذكره.

وبعد أن انتهى من ملئ هذه التجويفات بدماء القط حتى بدأت أشعر، وكان سيل من الدماء بدا في السريان كفيضان لأحد أنهار الدماء وبدأت الدماء تسير في القنوات الموصلة بينها، وعندما اكتملت بدأت في الدخول إلى تلك القناة القاطعة

للدوائر المتوازية وعندما تصل الدماء إلى أحد الدوائر الكبيرة حتى تدخل من أحد أطرافها لتملاً تلك الرموز المحفورة بينها لتبدأ هذه الرموز في الحركة والتشكل، وكأنها ثعابين تعود للحياة وعندما تنتهي الدماء من أحد الدوائر تخرج من الناحية الأخرى لتدخل في الدائرة التي تليها ليحدث ما حدث في الدائرة الأخرى حتى اكتملت تلك الدوائر وكانت تتحرك هذه الرموز وكأنها مجموعة تروس متصله تهدف لعمل شيء لا أراه

وفجأة فتح باب في وسط هذه الوجه من الصندوق لتسقط الدماء في الصندوق.

بصيت في الصندوق لاقيت فيه سائل أسود غريب لا يوجد شيء في الدنيا يمكن أشبه لونه بها لكي يوصف وكان السائل يتحرك وكأنه بحر هائج به أمواج متلاطمة والدم الأحمر الذي اختلط به كأنه غير موجود أصلاً وليس له أي تأثير أو تغيير في ذلك اللون القاتم.

وبعد كل ما حدث بدا مولانا يقول بعض الكلمات.....

نزولِ نزولِ، مَرْنِاشِ مَرْنِاشِ مَرْنِيشِ مَرْنِيشِ مَرْنِباشِ مَرْنِباشِ ، يَاشِ
يَاشِ نُوشِ نُوشِ ، بَيْخَا بَيْخَا ، مَهْلَسَطِ مَهْلَسَطِ ، طَمَطَهَوِ
طَمَطَهَوِ ، سَيُوشِ سَيُوشِ بَهْرَدَبُوشِ هَرْدَبُوشِ ، هَرْدَيُوشِ ،
طَسَهِ طَسَهِ ، مَسْتَحَطَلُوشِ مَسْتَحَطَلُوشِ ، إِيْلِ إِيْلِ ، هِيَهَايِ

وإنه لقسم لو تعلمون عظيم

يا خدام هذا القسم المطيعون ءأتوني حالا أينما تكونون لا يمنعكم عن هذا القسم أي شيء كان أقسمت وعزمت عليكم بعالم الغيب والشهادة الكبير المتعال، وبحق آهيا شراهيا أدوناي أصباؤت آل شدآي، أسرعوا إلى يا ملائكة ربي أنتم كلكم ومن تحت أيديكم من أصناف الجنّ والملائكة.

بعلشاقش علشاقش ، مهراقش مهراقش براقش براقش
اقش اقش ، أقشامقش أقشامقش ، شقمونش شقمونش ،
ركشبار ركشبار ، ركشالش ركشالش ، هوش هوش ، نوش
نوش مارش مارش ، توكلوا يا خدام هذه الأسماء والزجر
والآتوني بالجماعة وسبب وجودها في عالم بني الإنسان بقوة
وبحق الاسم الذي تعاهدتم به عند باب الهيكل الكبيراً
وليحترق من عصي أسماء الله .

وبعد أن انتهى من كلامه بدأ السائل الأسود يهدأ والأمواج
اللي فيه تسكن، ولكنها لم تدم طويلا حتى بدأت تتحرك من
جديد بشكل منتظم وتشكل فيه وشوش لأشخاص كثيرة
تصرخ، وكأنها تعذب لتأتي على وجه معين وتثبت ليبدأ مولانا
بتوجيه الأسئلة له في صيغة مؤنثة لترد عليه في صورة كتابة
تتجسد على سطح السائل الأسود ولكني لم أفهم هذه الكلمات.

وبعد انتهاء مولانا من كلامه معاها ألقى بجثة القط
الأسود في السائل واخذ في التمتمة مرة أخرى وعندها بدا
السائل في الثوران واخذ يتشكل في شكل إعصار وابتلع الجثة

واغلق الصندوق مرة أخرى ليعود إلى شكله الأول وكان الدم لم يعرف له طريق قط.

وبعدها بدا مولانا يعتدل في جلسته ويقول.....

مولانا: الموضوع اللي هقوله أنا عارف إنه غريب بس مش صعب الحل

أنا: خير يا مولانا

مولانا: تسمع عن الجنى اللي بيعشق بنات الإنس؟

أنا: ايوة بس انت تقصد ان الجاثمة دي بتجنبي؟؟؟؟!!!

مولانا: بالظبط كده الجاثمة زي ما قولتلکم إنها جنية متمردة ومش ملتزمة بأي قسم او عهد من العهود السليمانية دا غير إنها جنية ترابية ومن أبناء ملك ملوك الجان الترابيين وده جعلها من أقوى أقوياء الجن على الإطلاق بس المشكلة مش فيها لوحدها

أنا: كل ده ومش مشكله يا مولانا

أنا: المشكلة الحقيقية في التحالف اللي عملته عليكم هي و برهيان العاشق زي ما بنسميه احنا علماء الروحانيات

أنا: ومين برهيان ده كمان يا مولانا

مولانا: برهيان العاشق ده جن هجين من نسل أبناء ابليس ولكنه أكثر عندا وقوة وصلابة عن باقي أنواع الأبالسة. وكل

هو اياته انه يعشق بنات حواء ويتزوجهن كنوع من أنواع العند والبطش والقوة واللي بيقع عليها اختياره لا يتركها الا طائعة له ولرغباته وشهواته او يعذبها حتى تكون جثة هامده
أنا: وأنا مالي بيه دا كمان يا مولانا قرر يغير نشاطه
ويحبني هو كمان

مولانا: لا برهيان اختار نورهان

في اللحظة دي لم اشعر بقوة الصدمة ووجدتني أسأله في
بلاهة وارتباك

أنا: حضرتك تقصد نورهان الي هي نورهان!!!
نوره.....!!!!!! تقصد مين يا مولانا؟!!!!!!

مولانا: وهو انت تعرف كام نورهان؟ نورهان الي انت
عاوز تتجوزها ربنا يكون في عونها برهيان عذابه لضحاياه لم
يقدر أحد من بنات حواء على تحمله حتى الآن وهي الآن في
أقصى درجات عذابه لها

قال هذا الكلام لكي اشعر بقوة الصدمة وكان أحدهم
ضربني بشئ علي رأسي بقوة وشردت في تلك المرات التي
اتصلت بي نورهان تقول لي.....

مكالمة ١: أنا حاسة إن فيه حد معايا في الأوضة وأنا
بكلمك وخصوصا بالليل

مكالمة ٢: أنا حلمت بحلم غريب لحد بيقولني انتي ليّ أنا
ومش لغيري ابعدني عنه أحسن ليكي وليه

مكالمة ٣: أنا شوفت الشخص ده في مرآة الحمام النهارده
وكان بيشاور عليّ ويضحك

مكالمة ٤: دا بيطاردني في كل مكان أنا مش قادرة أستحمل
وفوقت من شرودي على كلام بين عاصم وبين
مولانا.....

عاصم: والموضوع دا فيه حل ليه يا مولانا ولا لا
مولانا: الحل موجود بس صعب ومتوقف على صاحبك
أنا: أنا مستعد اعمل أي حاجة يا مولانا عشان أحميها
وأخلص من اللي أنا فيه ده

مولانا: مش تعرف الأول هتعمل إيه مش يمكن متوافقش؟
أنا: مفتكرش يا مولانا أي حاجه مش هتكون أصعب
من اللي أنا فيه

قولت ذلك ونظرت إليه لبدأ في الشرح قائلاً.....

مولانا: الصندوق اللي إنت لقيته ده طلسم بالعذاب ليك
طول ما انت رافض الزواج بها والكلام اللي موجود عليه من
تحت اللي انت مفهمتموش دا الطريقة اللي هتأكد بيها موافقتك
علي الطاعة وقبول الزواج أو بمعني أصح مراسم الزواج

عندهم ومن حكمة ربنا إن الجن في أوقات المراسم دي بيكون في اضعف حالاته واحنا هنستغل الوقت ده للتخلص منهم.

أنا: يعني انت عاوز تقول إني هنفذ المراسم دي وانت هتدخل وتقضي عليهم وقتها؟

مولانا: تمام كده بس فيه تعديل بسيط إنت اللي هتتخلص منهم لأنك إنت اللي هتكشف نقطة الضعف

أنا: وأنا هعرفها إزاي بس يا شيخنا

مولانا: أنا مقدرش أقولك علامات لأن كل جني ليه نقطة ضعف ودا تحالف أول مرة أسمع عنه وعشان اساعدك الجن وقت المراسم الزواج بيرفع كل الحواجز اللي بتحميه عشان يكون في شكل يتواءم مع طبيعة الانسان وبيكون مرئي بالنسبة له.

أنا: والطقوس دي بتكون إيه يا مولانا.

مولانا: الطقوس الموجودة على الصندوق دي الجزء اللي انت مكلف بعمله أما الباقي عليهم مش عليك.
وأمسك بالصندوق وبدأ يقرأ فيه ويقول.....

مولانا: في ليلة الانتصاف عندما يحدث التعامد ويخرج الخدام من بيوتهم وتحضر الملوك عند عروشهم وتستقر النجوم في فلوكهم يوم يكون القمر بدرًا والشمس بالية والخسوف موشك. يحضر الموعود إلى أرض الخلود حيث العفن

لم يضرب التراب ولتكشف عما تحت الرقائق البيضاء ويُقدم
القربان ويسكب الدماء فوق التراب لتبدأ مراسم البقاء.
نظرنا إليه ولم نبدي أي من مظاهر الفهم ليسترسل
قائلاً.....

مولانا: يوم ١٤ في الشهر العربي عندما يكتمل القمر تأخذ
معاك كلب اسود وسكينة وتروح المقابر وتنزل مقبرة يكون
الميت فيها لسه مدفون جديد ولسه مراحل التحلل مبداتش
وتزيل الكفن عن وجه الجثة وتدبح الكلب وتصب من دم
الكلب على وجه الجثة وتصب الدم الباقي على وجهك.

بعدها هيظهوروا لك وتبدأ مراسم حفلهم ومعها تبدأ
رحلتك في البحث عن نقطة ضعفهم.

خلص كلامه وأنا بسمعه في شرود وكأنهم في عالم غير
عالمي وغير مستوعب أنا هعمل دا إزاي.....

نظر إلى عاصم ليستتج ان عقلي تركني وذهب الى مكان
آخر ليبدأ هو بالكلام.....

عاصم: وطلباتك يا مولانا إيه

مولانا: أنا مش هاخذ حاجة إلا لما يرجع
بالسلامة.....

ووجه كلامه لي.....

مولانا: او عي تستضعف نفسك و أفكر دايمًا إن الجن
ضعيف واحنا الي بنديلة القوة من خوفنا إحنا وضعفنا
وأخرج من جانبه بشئ صغير من القماس الأسود وأعطاه
لي وقال.....

مولانا: الحجاب ده هيمنع عنك أي شر أو أذية منهم تعلقه
في رقبتك على طول واو عي تنساه في يوم من الأيام.

نظرت إليه وأنا لا اعلم ماذا أقول له ولكن كانت على
وجهي علامات الشرود وخرجت من البيت أنا وعاصم
وبدأت رحلة الرجوع في ذلك الطريق الموحش الخالي من
البشر وبدا عاصم يقول.

عاصم: إنت هتعمل إلى قالك عليه دا

رددت عليه بانفعال مستنكرًا

أنا: وانت شايف حل تاني؟ انت مشوفتش هو عمل إيه
والناس الي كانت بتتكلم معاه؟ تفتكر إن بعد كل ده ممكن
يكون فيه حل تاني

وكلامنا اتقطع على مكالمة من نورهان بتقولي إنها عاوزة
تشوفني بكرة ضروري.....

الفصل الرابع عشر

الرسالة

انتفضت في مكاني عندما قرأت وصف ذلك المكان المظلم
المتلى بالتراب والذي يسمي بالقبر.....

أحسست باندماج غريب مع تلك المذكرات التي بدأت
تأخذني إلى عالم تلك الفتاة المجهولة التي لا اعلم عنها شيء
واكملت ما قد بدأت من القراءة.....

(عندما تيقنت ان ذلك المكان هو قبوري تجمدت في مكاني ولم
أقدر على تحريك أي شيء في جسدي وكانني أصبحت مثل تلك
الصخرة الملقاة أسفل راسي. لم يطل الصمت والهدوء في المكان
حتى بدا ذلك الصوت الذي سمعته من قبل مرارا يقول.....

الصوت: شوفتي اخرة عنادك؟ مش قولتلك قبل كده
إنك ليا مش لغيري

تسارعت ضربات قلبي بشده وأصبحت أتنفس بصعوبة شديدة وكأنني أصعد جبل عندما سمعت هذه الصرخات بدأت أشعر وكأنني أغيب عن الوعي والصوت بدا وكأنه يبعد عني ولكن آخر ما سمعته منه أنه يضحك ويقول.....
الصوت: هذا هو مصير كل من أبي ورفض.

رجعت إلى غرفتي مع تلك الصرخة التي تعودت عليها أمي لاجدها تحيطني بذراعيها مثل كل تلك المرات التي صرخت عندما أرى مثل ذلك المخلوق.

وكانت أمي تبكي وتتحدث مع أختي ريهام.....

أمي: إحنا لازم نشوف حل أختك بتضيع مني

ريهام: الدكاترة يا ماما يقولوا إنها لازم تدخل مصحة نفسية وانتي اللي مش موافقة

أمي: اختك مش مجنونة يا ريهام أختك ممسوسه ومحتاجة شيخ يطلع الهم ده منها مش مستشفى

ريهام: دجال يا ماما؟ دول نصايين؟

أمي: أم محمد جارتنا قالتلي على واحد بيتعامل بالقران وهتاخذلنا منه ميعاد النهاردة

كانت أمي تتحدث مع ريهام وأنا غير مهتمة بما يقولون لأن عينايا كانتا معلقتان بتلك الورقة الغامضة الموجوده على المكتب!!!!

أنا: ماما هي إيه الورقة اللي على المكتب دي؟!!

نظرت أمي وريهام إليها في استغراب وهمت ريهام لأن تاتي
بيها وتفتحها وعندها صرخت بها.....

أنا: ريهام لا متفتحيهاش هاتيها

أمي: إديها لها يا ريهام

أخذت هذه الورقة في تردد وريبه منها لأجدها رسالة منه!!!!

(الموعد قد اقترب أما أنا تأتيني طائعة أو آتيك مجبرا)!!!!!!!

وفجأة غلب على البكاء وألقيت بنفسي في حضن أحمد
الذي ضمنني في رفق وعندما رفعت راسي اليه وجدت الدموع
قد ملئت عيناه وفاضت على وجناته.....)

أغلقت تلك المذكرات في عجلة واخفيتها عندما دخلت
مرورة على الغرفة باسمه وهي تقول.....

مرورة: انتي لسه صاحية يا إيهان؟

أنا: تعالي يا مرورة أصلي مش جايلي نوم قولت أقعد أذاكر
شويه لحد ما النوم يغلبني

مرورة ماشي يا حبيبتي أنا هسيك تذاكري وأنا موجودة
لو احتاجتي حاجة نادي عليّ

خرجت مرورة لأتنفس الصعداء قبل أن انظر إلى بندقة.....

وأجد أنها مازالت تبكي!!!!!!!

الفصل الخامس عشر

بداية النهاية

رجعت إلى غرفتي وكانت هي المرة الأولى التي يعرف فيها الطعام طريق معدتي منذ دخولي المستشفى وكانت هي أول مرة أنام فيها دون الحاجة إلى النيوريل.

ولم يكن هناك تغير عن النوم بالنيوريل حيث أني وجدته ينتظرنى ككل تلك المرات التي ادخل بها إلى ذلك العالم اللعين عالم الظلام وعدم الشعور عالم لا يستطيع أحد أن يتنبأ بما يحدث للآخرين به عالم البعض ينسجه نحن من خياله والبعض الآخر الذي يُجبر على ما يعيشه به انه النوم يا سادة الموت الأصغر!!!!

نعم هو النوم أو بوابة الاستقبال لزيارة العالم الآخر!!!!!!

النوم هو المجهول الذي نذهب إليه بإرادتنا ليدخلنا في تجارب عالم لا يعرف عنه أحد من الأحياء حتى الآن لا يعلم

بها أحد ومها كانت التجارب في هذا العالم مدتها صغيرة إلا
إنها تكون صاحبة التأثير الأعظم في حياة كل منا.

كانت هذه المرة ير كل تلك المرات التي كنت أتحدث إليه
فيها كان غاضبًا وثنائًا ويوجه إلى الكلمات في صوت أجش
يكاد من ينطق به أن يُخنق.....

الصوت: بدأت تتكلم وفاكر إنه هيرحمك مني محدش في
الكون كله يقدر يمنعك مني.

أنا: شكلك بدات تخاف والا مكنتش تغضب كده

ضحك ضحكة عالية أثارت القلق في صدري قبل أن
يقول في حده....

الصوت: أنا أخاف؟! أنا اللي اختار يدخل في لعنة
ربه بإرادته ومش بس كده، أنا سبب وجودك على الأرض
وصاحب النصر في حربي ضد كل جنس بني التراب، أنا
المخلوق من المارج أنا لوسفير أنا الشيطان أنا كل دول أنا
الى وسوست لأبوكم عشان ياكل من الشجرة المحرمة أنا
صاحب أول تمرد في التاريخ، أنا العبد الطائع اللي اختار إنه
يكون أول من يكتب عليه العذاب أنا (الشيطانان).

أنا: لو انت شايف نفسك أقوى من كل ده يبقي ليه قلقان
وغضببان من كلامي مع الدكتور محمود

الصوت: عندك حق بس الوعد التالي مش باقي عليه
كتير وانت اللي هتندم

بدأت أسمع أصوات من البرق والرعد المتضاربة المختلطة
مع ذلك الصوت البشري القادم من بعيد وهو يقول
طارق يا طارق فوق فوق يا طارق

كان ذلك الصوت هو صوت الدكتور محمود الذي قدم
إلى غرفتي ليبدأ معي الرحلة الثانية في ذلك الحديث الذي لم
يكتمل بيني وبينه

الدكتور محمود: صباح الخير يا طارق إيه يا عم كل ده نوم

أنا: كويس إن حضرتك جيت يا دكتور عاوز أقولك على حاجة

الدكتور محمود: لا طبعا مش كويس أنا مش جاي أتكلم
معاك أنا جاي أقولك إنك إتحكم عليك بالإعدام وخلاص
انت رايح ليه في عالمه للأبد ومش هتكون رحلة قصيرة زي
كل مرة

عندما سمعت ذلك الكلام تأكدت من كونه ليس الدكتور
محمود لأسأله

أنا: إنت مش الدكتور محمود إنت مين

تغير وجه ذلك الشخص الذي يكلمني ليتحول إلى وجه
أسود جلده غليظ وعليه الكثير من التجاعيد التي تجعل منه

إسماعيل: الساعة ٩ افطر بس وخذ علاجك يكون هو
وصل إن شاء الله

وضع إسماعيل الطاولة أمامي وخرج من الغرفة لاجلس
امامها وكانها لم تكن موجودة شاردا فيما قد حدث وما قاله
ذلك الكائن لي وسبب غضبه إلى ذلك الحد هل من الممكن أن
يكون الدكتور محمود قادرا على حل ذلك اللغز الذي نُسج
حولِي؟ هل هو حقا يمكن ان يشكل كل هذا الخطر على ذلك
المخلوق قطع تلك التساؤلات دخول إسماعيل مرة أخرى إلى
الغرفة يخبرني بحضور الدكتور.

إسماعيل: إيه دا انت ماكلتش لسه؟

لم أنطق بكلمة معطيًا وجهي للناحية الأخرى وكأني لا أريد
أن أسمعه يقول مثل هذه الكلمات السخيفة من التشجيع على
الحياة التي لا تفيد ولا تضر

إسماعيل: طيب الدكتور محمود وصل وعاوزك يا طارق

وما إن قال ذلك حتى انتبهت له في سرعه وههمت بالقيام
من مكاني ولكني تذكرت تلك الأساور التي تقيدني لأنظر اليه.

إسماعيل: اصبر ياعم طارق لما أفتح لك الكلبشات دي

وكانت هي المرة الأولى التي أذهب فيها إلى غرفة الفحص
على رجلي ولم أكن بحاجة إلى الكرسي المتحرك الذي يشعرني
بأني شيخ بلغ من العمر أرذله.

دخلت إلى الغرفة ووجدت الدكتور محمود في انتظاري
بابتسامته الهادئة التي تشعرني بالطمأنينة ونظرته التي توحى
بالأمل.

وما إن رأيته حتى هرولت في الحديث مباشرة دون أية
مقدمات أحكي له عما حدث بالأمس.

أنا: دكتور محمود أنا شوفت المخلوق اللي بيجيلي في
الأحلام إمبراح وكان واضح إنه خايف من حضرتك وإنك
هتعرف تكشف الحقيقة و.....

قاطعني الدكتور محمود في هذه اللحظة ليطلب مني الهدوء
والجلوس على ذلك الكرسي المقابل له.....

الدكتور محمود: اهدي بس يا طارق وتعالى اقعد هنا
ورتب أفكارك كويس واتكلم بهدوء
أكمل الدكتور محمود كلامه.....

الدكتور محمود: محمود تشرب إيه أنا عارف إنك مفطرتش
يقي ليمون أحسن

ورفع سماعه التليفون وطلب اتنين ليمون واتجه ناحيتي
والابسامة ما زالت لا تفارق وجهه.....

الدكتور محمود: ها قولي بقي كنت بتقول إيه

بدأت أتكلم مع الدكتور محمود عما قد حدث بالأمس في الحلم وصاحب ذلك الصوت الذي غضب كثيراً عندما علم أنى بدأت أتحدث معه وأحكي له ما حدث معي .

الدكتور محمود: تعرف يا طارق إني حلمت ببيك حلم غريب إمبراح؟

سألته في دهشة

أنا: أنا يا دكتور

الدكتور محمود: أنا في البداية فكرت إنه حلم عادي وإني وقعت في أكبر خطأ ممكن يقع فيه الدكتور النفسي إني بدأت أتعاطف معاك ومع حالتك بس بدأت أفهم دلوقتي إنه رسالة عشان أبعث عنك بس رسالة شديدة اللهجة .

كانت الصدمة قوية ولم يستطع عقلي أن يتقبلها بسهولة فسألته في استغراب.....

أنا: حلمت بيا أنا يا دكتور

الدكتور محمود: ايوة انت

أنا: حلمت بإيه يا دكتور؟

الدكتور محمود: شوفتك واقف في مكان غريب كل حاجة فيه سودة مفيش فيه غير نور ضعيف يكفي إني أشوفك بصعوبة وإنك تشوفني عرفت بعد كده إن المكان ده قبر من الأكفان اللي حوالينا، وكنت بتاكل في لحم جثة ميتة والدم كان

على وشك مش عارف دا منك ولا من الجثة وانت ولا كأنك شايفني أصلا لحد ما ظهر ظل شخص على جدار القبر والظل ده نزل لمستوى ودنك وقالك حاجة بعدها لقيتك بتبص ليّ وبدأت تهجم عليّ عاوز تقتلني.

سمعت كلام الدكتور محمود وأنا غير مستوعب الكلام.....

أنا: وده معناه إيه يا دكتور

أوماً الدكتور محمود إليّ بإشارة تدل على عدم وجود إجابة لهذا السؤال

أنا: يعني أنا كده مش مجنون يا دكتور صح؟؟ وفيه حد بيعمل فيا كل ده؟

أجاب الدكتور محمود في فتور

الدكتور محمود: أنا أصلا متأكد من قواك العقلية من أول ما اتكلمت معاك بس أنا عندي محاولة عاوز أعملها معاك دلوقتي

أنا: محاولة إيه يا دكتور؟

قام من على الكرسي الذي يجلس عليه واتجه ناحية السرير الموجود في الغرفة وجلس على الكرسي المجاور له وقال.....

الدكتور محمود: طارق تعالي اقعد على السرير كده

اتجهت إلى السرير وأنا لا أفهم ما الفرق بين الجلوس على الكرسي والسرير ولكنني فعلت.

وما إن اتكأت على ذلك السرير حتى مد يده أحضر شيئاً من على الطاولة الموجودة بجانب السرير، وكان هذا الشيء عبارة عن مجموعة من الكرات المعدنية المعلقة بخيوط رفيعة من طرف الخيط وطرفه الآخر مربوطه في عارضة معدنية؛ لتكون متقاربة من بعضها في ربطها بالعارضة وتتسع من ناحية الكرات المعدنية بفضل حجم تلك الكرات.

أعطاني الدكتور محمود ذلك الشيء وأخذ يحرك أحد الكرات وتركها لتأخذ تصطدم بزميلاتها في حركة تردديه رتيبة وطلب مني أن أنظر إليها جيداً وبتركيز واخذ يقول.....

الدكتور محمود: بص للكرات دي كويس يا طارق وركز حاول تجمع كل تركيزك عليها وسيب دماغك للخيال ارتاح يا طارق واسترخي، ركز يا طارق وحاول تقولي الي انت شايفه.

أخذت انفذ ما قاله الدكتور محمود لاجد الغرفة تتحول من حولي إلى شارع يحتوي على مجموعة من البيوت المتناثرة على جانبيه وأنا اقف في بداية هذا الشارع وعن يميني يوجد مسجد فوقه يافطة كبيرة محاطة بالأنوار والزينة مكتوب عليها مسجد الصحابة وعلى أحد جدرانها الخارجية لوحه معدنية زرقاء مكتوب عليها شارع عمر زعفان بدأت أمشي في ذلك الشارع حتى توقفت أمام منزل على يميني كان يبدو أنه حديث البناء حيث أنه لم يتم تغطية الطوب الأحمر به من

الخارج بأي من صور التزين أو الحماية (المحارة) وكان له باب حديدي لونه أزرق وبمجرد أن وقفت أمام ذلك الباب فُتح هذا الباب وبدأت أرى أمامي سلم يصعد بمن يتسلقه إلى الدور العلوي ويوجد بجانب هذا السلم باب اخترت أن أصعد السلم لأصعد إلى الدور العلوي وأدخل من باب هذا الدور وأخذت أمشي في تلك الطريقة الضيقة الواقعة على يميني واقف عند أول باب غرفة كان يقع على يساري لاجدني اقف في غرفة بها سرير كبير يوجد بجانبه مكتب عليه بعض الكتب المرتبة وكرسي امامه وثلاجة صغيرة أخذت أتجول في الغرفة لاقف امام المكتب واجد عليه كتاب أحمر يشبه الأجندة كتب فيه بخط عريض مزخرف (مذكراتي).

وقبل أن أمد يدي إليها لأفتحها وجدت كل شيء يرجع كما كان واجدني في الغرفة مع الدكتور محمود وهو جالس أمامي لي ذلك الكرسي أمامي وأنا أنام على ذلك السرير كما طلب مني، وكان الدكتور محمود يبدو عليه الفرح كأنه وجد ما يريد.

سألته في استغراب

أنا: إيه اللي حصل دا يا دكتور وإيه المكان ده؟

الدكتور محمود: دا بيتك يا طارق

أنا: بيتي؟؟؟؟

الدكتور محمود: أيوة بيتك..... انت نسيت الحلم اللي قولتهولي في بدايه كلامنا إن الصوت اللي بيطاردك ده قالك

ان كل حاجة مسجلة في عقلك الباطن ومش ممكن تتمحي؟

أنا: أيوه بس دا ماله ومال المكان اللي شوفته ده؟

الدكتور محمود: العقل البشري عبارة عن غرفة كرايب محدش قدر يفهمه ولا يتحكم لحد دلوقتي والمكان اللي إنت شوفته ده هو المكان اللي إنت بتفكر فيه وعقلك عاوز يوصلك ليه.

أنا: وحضرتك فهمت حاجه من اللي قولته

الدكتور محمود: بص أنا مش هقدر اكذب عليك اللي إنت قولته مفيش فيه حاجة واضحة بس خير إن شاء الله أكيد هنلاقي حاجات تانية في غرفة الأسرار اللي اسمها العقل الباطن بدأت تظهر علي ملامح الاستياء والحزن.

هم الدكتور محمود وقام إلى المكتب وضغط على زر الجرس المعلق على مكتبه ليدخل إسماعيل.....

الدكتور محمود: وصله يا إسماعيل لغرفته وتأكد إنه أكل واخذ الدواء في مواعيده

نظر الدكتور محمود إليّ وقال.....

الدكتور محمود: ربنا كبير يا طارق وأكد هيبعتلنا رسايل ترسم طريقنا اللي هنوصل منه إن شاء الله للحقيقة.

الفصل السادس عشر

مفتاح الصندوق

لم أستطع أن أفهم أي شيء من مكالمة نورهان بعدما عرفت سبب ما يحدث لي ولها وكانت هناك مجموعة من الأحاسيس المختلفة التي تسيطر على من شفقة عليها وخوف من مصير مجهول ينتظرني جعلت بيني وبين ما تقول من كلمات حجاب.

بدأت أشرد قليلا فيما يحدث وما سيحدث ولكنني تنبهت على كلام أحمد.....

عاصم: مالك يا بني فيه ايه؟ نورهان كويسة؟

أنا: مش عارف والله يا أحمد مفهمتش منها حاجة بتقول
عاوزة تشوفني بكرة مش فاهم فيه إيه

وبدأت أنا وأحمد نستأنف رحلة الرجوع للبيت وأخذت تلك الأصوات النابحة والتي كانت تزيد من الرعب والخوف في داخلنا، ولكن النزعه الرجولية التي داخلنا تأبى أن تظهر مثل هذه المشاعر الطفولية.

وبعد مدة لم تكن بالهينة وصلنا إلى ذلك البيت الذي كان فيه ذلك العزاء الذي يقال أنه كان لأربعين الشيخ محمد.....

تذكرت ما حدث في تلك الليلة التي أنقذني فيها الشيخ محمد من ذلك المخلوق وفكرت في أنه لو لم يأت لإنقاذي، وهل هو حقاً مات قبل ذلك، وهل انني عندما قابلته في المسجد كنت أتحدث إلى شخص غير موجود وكنت أتحدث إلى نفسي أم إنني أغط في حلم لا ينتهي وسوف يأتي الوقت الذي أصحو فيه لأجد كل ذلك لم يكن، وأنه من فعل الشيطان وقفت في تلك الحيرة لدقائق قبل أن أتذكر أنني رأيت شريف جارنا في المسجد عندما ذهبت إلى الشيخ محمد لأتحدث معه والذي كان يقرأ بعض سور القرآن كعادته في المسجد.

التفتُ إلى أحمد عاصم لأجده ينظر إلى باستغراب. لأبادره بالكلام قبل أن يبدأ أسئلته التي توقعتها من نظرة عينيه وأقول.....

أنا: شريف أيوة صحيح شريف إزاي أنا نسيتيه

عاصم: ومين شريف دا كمان؟

أنا: شريف دا واحد جارنا وكان قاعد في المسجد بيقرأ
قرآن وقت ما كنت بكلم الشيخ محمد

عاصم: وده عاوز منه إيه دا كمان؟

أنا: عاوز أعرف منه أنا كنت في الجامع أصلاً ولا لأ ولو
كنت هناك كنت بتكلم مع مين؟

عاصم: ودي هتفيدك في إيه؟

أنا: تعالي بس معايا وهفهمك بعدين..... بس هي
الساعة كام دلوقتي؟

نظر عاصم في شاشة هاتفه المحمول الذي كان في يده
ليردد.....

عاصم: الساعة دلوقتي ١١,٣٠

أنا: كويس اكيد لسه صاحي وملحش ينام

وبدأت في المشي تجاه بيت شريف الذي كان يبعد عن بيتي
بضعة أمتار دون أن ألقى بالألماً يقوله عاصم من أنه لا يجوز
أن أذهب للرجل في هذا الوقت المتأخر من الليل.

عاصم: يا ابني استني الوقت متأخر..... يا أحمد

مينفعش كدا

تجاهلت كلام أحمد عما يجوز ولا يجوز حتى وصلت إلى باب البيت وضغط على رز الجرس ووقفت أنتظر من يرد.

لم يجد عاصم ما يفعله في ذلك الوقت إلا أن يقف بجواري منتظراً بجانبى حتى خرج شريف. وكان يبدو عليه أنه كان نائماً، ولكنه ما إن رأي حتى استقبلني.....

شريف: أهلاً يا جماعة اتفضلوا أهلاً وسهلاً

أنا: ازيك يا شريف أنا آسف أنا عارف إن الوقت متأخر بس أنا عاوز أسالك على حاجة مهمة.

شريف: أكيد بس اتفضلوا الأول حتى عشان الراجل الي أول مرة يشرفنا في البيت

عاصم: ربنا يخليك يا أستاذ شريف بس مش هينفع احنا بس كنا عاوزين نعرف حاجة من حضرتك وهنمشي على طول التفت شريف ناحيتي متسائلاً.....

شريف: خير يا بني قلقتني

أنا: شريف انت شوفتي من يومين كدا في الجامع بين العصر والمغرب لما كنت بتقرأ قران؟

شريف: أيوة وكنت عاوز أكلمك بس إنت كنت في حالة مش طبيعية

أنا: حالة إيه يا شريف؟

شريف: كنت ماشي في المسجد بتبص على مكان فاضي زي ما تكون منوم مغنطيسيا، ولما وصلت للمكان ده قعدت وبدات تتكلم مع نفسك، وبعد كده بدأت تعمل حركات غريبة في المسجد وكان معاك صندوق أسود كده بدأت تبص عليه بجنون وبدأت تقول كلام مش مفهوم وبعدها قومت وخرجت وانت بتكلم نفسك دا انت حتى ماصلتش المغرب، وبصراحة أنا مرضيتش أكلمك أو أسألك لأني حسيت إن فيه حاجة غلط وإني ممكن أذيك.

نظرت إلى أحمد لأتأكد من أنى مازلت في أرض الواقع وأن هذا ليس حلما.

ولكني لم أستطع أن أنطق بكلمة لأن شريف قال....

شريف: بالمناسبة إنت ليك حاجة عندي ثواني.

ودخل شريف المنزل لثواني معدودة حتى خرج وهو يحمل سلسلة معدنية معلق فيها مجموعة من الرموز التي تشبه تلك الرموز المحفورة على الصندوق الأسود التي لم أفهمها ولم أفهم ما هي هذه السلسلة حتى سألت شريف.....

أنا: إيه دا يا شريف؟

شريف: دي وقعت منك يوم ما كنت في الجامع وأنا لقيتها
بعد انت ما خرجت ونسيت خالص أجيبها لك البيت

أخذت هذه السلسلة من شريف وأنهينا حوارنا الذي لم
يزدني شيئاً إلا أن الألباز قد زادت واحداً آخر.

وصلنا إلى تلك الغرفة التي بدأت أخاف عندما أدخلها لما
أجده بها من أشياء تذكرني بتلك المخلوقة وبدأ حواراً آخر
بيني وبين نفسي كواحد من أولئك الأحاديث التي لم أجد
لها نهاية حتى الآن عن ماهية هذه السلسلة وما هذه الرموز
وكيف يمكن لي أن أعرف.....

قطع حوارى هذا صوت أحمد يحدثني.....

عاصم: إنت تعرف السلسلة دي إيه؟

أنا: لا..... بس فيه حاجه واحده أنا متأكد منها

سألني في استغراب عن هذا الشيء

عاصم: حاجة إيه؟؟

أنا: انها جاية في وقتها دا توقيتها الصحيح ووقوفي عند
بيت الشيخ محمد برضو كان هو دا وقته عشان افتكر شريف
وأروحله وتظهر ليا السلسله دي

بدأت على وجهه علامات عدم الجدية والاستهزاء حين
سألني.....

عاصم: وانت جييت التأكيد دا كله منين؟

نظرت له في نظرة استسلام وزفرت نفس من رئتي
وكأنني أنفض كل تلك الهموم من على كاهلي قبل ان أقول
له.....

أنا: بص على النتيجة وانت تعرف.

ورفعت يدي أشير إلى تلك النتيجة المعلقة على أحد
جدران الغرفة وقولت له.....

أنا: النهارده ١٣ في الشهر العربي وبكرة ليلة اكتمال القمر
يعني أنا لازم أعمل اللي قاله المعالج الروحاني بكرة والا
هفضل في العذاب ده شهر كمان والميعاد بتاعنا كان معاه
النهارده اللي هو قبلها بيوم واحد عشان ملحقش أعمل
أي حاجة وأنفذ اللي قالي عليه والجاثمة دي كمان مظهرتش
خالص النهارده تفتكر بقى إن ظهور السلسلة دي هتكون
مجرد صدفة.

بدأت عينا أحمد في الجحوظ للخارج ووجهه رسمت عليه
علامات الدهشة وكأنه بدا يسترجع كل ما حدث ويعيد
فهمه بالشكل الصحيح.

تركت أحمد يستجمع كل ما مضي وبدأت انظر إلى ذلك الصندوق والسلسلة وأحاول الربط بينهما حتي خطرت في بالي فكرة أني أضع تلك الرموز الموجودة في السلسلة في تلك الفتحات المحفورة على الصندوق لتحديث المفاجأة التي لم أكن أتوقعها.

عندما وضعت تلك الرموز في الفتحات الموجودة على الصندوق تحركت تلك الرموز في الاتجاهات الطبيعية ليصدر عنها صوتا يشير بأن الصندوق قد فُتح.....

مددت يدي أفتح الصندوق في تردد وخوف مما يوجد بداخل الصندوق الذي لم يأتيني منه إلا الخوف والرعب منذ أن رأيته، ولكنني هذه المرة وجدت بداخله.....

ورقة من الجلد القديم ملفوفة على قدم متحللة تشبه المومياوات حتى أنها لم يبق منها إلا العظام، وكانت هذه القدم لما عز يبدو ان هذا الحيوان قد قُتل من سنوات بعيدة وكان الصندوق يحتوي أيضا على زجاجتين صغيرتين أحدهما بها سائل أحمر يشبه الدم والأخرى بها سائل أسود يشبه ذلك السائل الذي كان في ذلك الصندوق النحاسي الذي كان أمام المعالج الروحاني.

أخذت تلك الورقة المصنوعة من الجلد لأفتحها وأجد بها بعض الكلمات والأرقام الغير مرتبة التي لم أجد لها أي انعكاس في عقلي لكي يترجمها إلى معاني أو مشاعر، ولكن في

تلك الورقة وجدت مجموعة جمل كانت هي الوحيدة التي استطاعت أن تجبر عقلي على فهمها، ولكن لم يكن لها أي تفسير مفهوم بالنسبة إلى كانت مبهمه كفاية حتى لا اعرف معناها.
* (وعندما يصل المرصود إلى بلد المجرور تصل الأمانة ويبدأ مشوار الحيرة)

* (يظهر الخادم ويتقدم الجميع ويركع ويطلب المكافأة)

* (القربان قد قُدم والقبول قد وجد والمرصود موجود والآن تبدأ مراسم البقاء)

قرأت تلك الكلمات في شرود فإذا بأحمد يأخذها من يدي وهو يقول.....

عاصم: إيه دا انت فتحت الصندوق دا إزاي

انتبهت له ورجعت بظهري إلى الوراء وأجبتة.....

أنا: السلسلة هي المفتاح

عاصم: وانت فهمت منها حاجة دي؟

زفرت ما في صدري من هواء قبل ان أقول له

أنا: تقريبا الصندوق ده ليه دور في اللي هيحصل بكرة

عاصم: وانت هتعمل إيه هتروح لنورهان برضو؟

أنا: أكيد أنا لازم أطمئن عليها وأعرف مالها وهرجع
بالليل أعمل المطلوب بس أنا عاوز منك طلب

عاصم: طلب إيه؟

أنا: أنا مش عارف هجيب الكلب دا منين ومش هلحق
أصلاً ممكن تساعدني؟

عاصم: ملكش انت دعوة روح إنت مشوارك وهترجع
تلاقيني مجهز لك كل حاجة

نظرت إليه والدموع تملأ عيني وكادت أن تغلبنى وأنا
أقول له

أنا: أحمد أنا لو حصلي حاجة بكرة اوعدني تاخذ بالك
من أبويا وامي

همّ أحمد ليواسيني ويقول:

عاصم: إيه يا بني اللي بتقوله ده إن شاء الله هترجع بالسلامه

أكملت حديثي وكانت الدموع قد غلبتني بالفعل

أنا: ونورهان يا أحمد حاول تساعدنا وقولها إني كنت
بحبها أكثر من نفسي وانها كانت أحلي حاجة في حياتي

تمالكت نفسي في عجلة ومسحت دموعي وأكملت

أنا: كل حاجه أنا كاتبها هنا في المذكرات رقم تليفونها
وعنوانها عشان لوجرالي حاجة تقدر توصلها بسهولة

تعانقنا أنا وأحمد قبل أن يطلب مني

عاصم: طيب قوم نام دلوقتني عشان إنت عندك يوم
صعب بكرة

أنا: ماشي أنا بس هكتب حاجة كدا قبل ما أنام

طويت قطعة الجلد ووضعتها في الصندوق وأغلقت ذلك
الصندوق اللعين ولم أجهد نفسي كثيرا في التفكير حيث أنى
لابد أن أنام الآن لاستعد ليوم طويل أكاد أشعر أنى لن أعود
منه سالمًا.....)

وكانت تلك هي نهاية المذكرات التي وجدتها مع ذلك
الهاتف المحمول في منزل أحمد أو (طارق) كما أطلقت عليه
أنا الدكتور محمود كامل إخصائي الطب النفسي بمستشفى
العباسية للصحة النفسية

الفصل السابع عشر

القرار

بدأت اشعر بشعور غريب تجاه بندقة وكأنها تتعايش مع هذه المذكرات ولم أدري لماذا بدأت أشعر أن روح أحد ما تسكن هذه الدمية الصغيرة التي لم تفارقني منذ أن كنت طفلة صغيرة.....

لم أتمالك نفسي عند مجرد التفكير في هذه الفكرة حتى ألقيت بها بعيداً عني وكأنني قد تخلصت منها بهذه الطريقة. في هذه اللحظة قررت أن أتعرف على نهاية هذه المذكرات لأعلم نهاية ما أنا فيه وما على فعلة لكي تتركني هذه الفتاه التي تطاردني في أحلامي وواقعي وحتى داخل دميتي الصغيرة التي كانت هي الوحيدة التي تؤنس وحدتي.

أمسكت بالمذكرات مرة أخرى وأخذت أمرر الصفحات حتى وصلت إلى صفحة كُتِبَ على رأسها (الرسالة الأخيرة).

(النهارد ه كان أصعب يوم مر عليّ صحيت من النوم حوالي الساعة ٣٠, ٧ مساءً على الصرخة المعتادة التي تخرج مني كلما حاولت أن أنام، وكالعادة أفتح عيني على وريهام وبابا وامي التي تحتضني وتبكي في مشهد يتكرر يوميا ولكن هذه المرة كان هناك حوار تاني جعلني أنتبه لوجود شخص تاني في الغرفة بيتكلم مع بابا وبيقول

(لو سمحت أنا محتاج ورقة وقلم أحمر عريض وأي مرايا في البيت تُغطي كويس وياريت لو كل الموجودين في البيت يحضروا هنا)

من كلامه عرفت إنه شيخ من الشيوخ اللي كانت أمي بتأخذني ليهم، ولكنه يبدو مختلفا عنهم بذلك الجلباب الأبيض واللحية البيضاء ووجه الذي يشع نورا.

تحرك الشيخ وجلس بجانبى وبدا يردد بعض سور القرآن والأدعية وقالي لي

الشيخ: غمضي عينك يا بنتي وركزي في الكلام ومتقاوميش أي حركة يعملها جسمك.

وبمجرد إني غمضت عيني بدا الظلام الذي يشير إني مغمضة عيني يتشكل في صورة كتل سوداء بدأت تُغطى بألوان تضفي

عليها طابع الحياة لكي تظهر في شكل غرفتي وأنا واقفة في أحد أركانها وبدأت أشوف نفسي فيها واقفة أمام مرآتي الصغيرة الموجودة جنب السرير، ولكن كان فيه حاجة تانية في الصورة حاجة جعلتني أحس وكان فيه كهربا في عروقي بدأت أحس إن جسمي بيتنفض من سرعة ضربات قلبي

أنا صورتني مش هي اللي في المرآة !!!!!!!

أيوة أنا شوفت صورة لشخص لونه أسود جسمه من تحت نحيف جدا ومن فوق عريض إيده كان فيها أظافر طويلة مدببة ورأسه كان فيها قرنين سوادهم لا يقل عن سواد جسمه وعينه مش عارفة دي عينه كدا ولا هي ممسوحة حاجة مفيش ليها أي وصف حاجة حمرا أشبه بكتل دم متجلط وأسنانه وأنيابه واضحة كأنه خلق بدون شفایف.

الشخص ده أو الشيء ده كان بيتفرج عليا ويتفحصني من جوا المرآة وبدا يمد إيده بمخالبه المخيفة لدرجة إنها خرجت من جوا المرآة وبدأ يرسم بيها رسومات على رقبتني حاجات غريبة وأشكال أغرب وفجأة خرجت رأسه بالقرنين اللي فيها من فوق وبص على الركن اللي أنا واقفة فيه وقال....

الصوت: دي رسالتي الأخيرة ليكي الميعاد اقترب وبكرة هتكوني لسلطاني من الخاضعين

فتحت عيني وأنا بصرخ عشان أسمع الشيخ وهو بيزعق ويقول.....

حسبنا الرب من العباد حسبنا الله وكفا سمع الله لمن دعا
اللهم احرسنا بعينك التي لا تنام واكفنا بركنك الذي لا
يضام وارحمنا بقدرتك علينا فلا نُغلب وانت رجاؤنا

نسألك بعزك الذي لا يُرام ومُلكك الذي لا يُضام وبنور
وجهك الذي ملأ أركان عرشك أن تبطل سحر الساحرين
..... أن تبطل سحر الساحرين وتذهب عنا وعنهم أذى
الجن والشياطين يا مغيث أغثنا يا مغيث أغثنا
..... يا مغيث أغثنا

يا مالك يوم الدين اياك نعبد واياك نستعين اللهم يا
منزل الكتاب ومجري السحاب وهازم الأحزاب اهزمهم
وانصرنا عليهم....

أعيذكم بكلمات الله التامة من كل شيطانٍ وهاائمة ومن كل
عينٍ لا اائمة.....

أعيذكم بكلمات الله التامات من شر ما خلق وذراً ويراً،
ومن شر ما ينزل من السماء وما يعرج فيها، ومن شر ما
يخرج من الأرض وما يلج فيها.

بِسْمِ اللَّهِ الرَّحْمَنِ الرَّحِيمِ (وَإِذْ صَرَفْنَا إِلَيْكَ نَفَرًا مِّنَ الْجِنِّ يَسْتَمِعُونَ
الْقُرْآنَ فَلَمَّا حَضَرُوهُ قَالُوا أَنصتُوا فَلَمَّا قُضِيَ وَلَّوْا إِلَىٰ قَوْمِهِمْ مُنْذِرِينَ
(٢٩) قَالُوا يَا قَوْمَنَا إِنَّا سَمِعْنَا كِتَابًا أُنزِلَ مِن بَعْدِ مُوسَىٰ مُصَدِّقًا لِّمَا
بَيْنَ يَدَيْهِ يَهْدِي إِلَى الْحَقِّ وَإِلَىٰ طَرِيقٍ مُّسْتَقِيمٍ (٣٠) يَا قَوْمَنَا أَجِيبُوا
دَاعِيَ اللَّهِ وَآمِنُوا بِهِ يَغْفِرَ لَكُمْ مِّن ذُنُوبِكُمْ وَيُجِرْكُمْ مِّن

عَذَابِ أَلِيمٍ (٣١) وَمَنْ لَا يُجِبْ دَاعِيَ اللَّهِ فَلَيْسَ بِمُعْجِزٍ فِي الْأَمْرِ
وَلَيْسَ لَهُ مِنْ دُونِهِ أَوْلِيَاءُ أُولَئِكَ فِي ضَلَالٍ مُبِينٍ) صَدَقَ اللَّهُ الْعَظِيمَ

قال الكلام ده وهو ماسك راسي وأنا في حيرة وعجب من الرسومات اللي بدأت أشوفها على دراعي وملأت جسمي كله وكأنها مرسومه تحت الجلد الرسومات دي دي دي اللي كان المخلوق يرسمها عليا في الحلم أو الرؤية أنا مش عارفة أنا مكتتش نايمه بس في نفس الوقت مكتتش صاحية خلص الشيخ اللي كان بيعمله وبص لبابا في نظرة استسلام وقاله

الشيخ: ممكن حضرتك تيجي معايا بره

بدأت أمي في البكاء مرة ثانية بس أنا مكتتش مركزه معاها أنا كنت بحاول أسمع أي كلام بين بابا والشيخ بس أنا مسمعتش حاجة، ولما يأست إني أسمع أي حاجة افتكرت إني أسأل أمي عن اللي حصل والحاجات اللي على جسمي دي جات منين

أنا: ماما هو حصل إيه واياه الحاجات اللي على جسمي دي جات منين

مقدرتش أمي إنها تتكلم من كتر ما كانت بتعيط ملحقتش ريهام اختي تحكي لي اللي حصل لان بابا رجع تاني ومعاها الشيخ اللي وجه كلامه ليا وقال.....

الشيخ: إيه بقى يا ست البنات قوليلي إنتي بتصلي؟

الشيخ: إنك تحكي لي إنتي كنتي شايقة إيه وأنا بتكلم وأنا هجاوبك على أي سؤال انتي عاوزاه

أنا: آسفة يا شيخ حضرتك تقول الأول وأنا هقول بعدك

الشيخ: موافق اتفضلي اسالي

أنا: هو إيه الرسومات دي وازاي اترسمت كدا تحت جلدي؟

الشيخ: دي وشم سفلي أما اترسمت إزاي دا الله أعلم انتي اللي تقولي هي كانت موجودة قبل كده؟

أنا: لا طيب حصل إيه لما كنت بتقرأ عليا أنا مكتتش حاسة بجسمي؟

الشيخ: اللي حصل إنك بدأت تترعشي بشدة وبدأتي تتكلمي بصوت غير صوتك اللي بتكلميني بيه دلوقتي وتقولي كلام مش مفهوم وتصرخي وبعد كده بدأت تخلعي عنك الحجاب عشان نبدأ نلاحظ الرسومات والوشم الموجود على رقبتك وإيدك ده فيه حاجة تانية عاوزة تسألني عنها؟

أجابته في ذهول وبنبرة هادئة يكاد يكون صوتي مش مسموع عكس النبرة اللي كنت بهاجمه بيها

أنا: لا يا شيخنا أنا طبعاً مش هسألك إن كان اللي أنا فيه دا ممكن ينتهي ولا لا لأنني عرفت الإجابة من ١٠ دقائق بس

الشيخ: طيب ممكن تقولي لي عرفتي إزاي وايه يعني أحكي لي كل حاجة؟

بدأت أحكي له اللي شوفته والرسالة الأخيرة اللي قاهالي وأمي كانت بتسمع كل اللي بقوله ومكنش فيه أي جديد يحصل ليها غير إنها فقدت الوعي عشان ينقلها بابا وريهام للغرفة بتاعتها ويبقي الشيخ معايا عشان يشوف معايا الرسالة الأخيرة بس المرة دي على ورقة زي باقي المرات اللي قبل كده انتبهت للورقة بعد ما أخذو ماما لغرفتها وكانت الورقة عند المراية اللي شوفتني واقفة قدامها!!!

قولت للشيخ اللي كان مركز معايا في اللي بقوله

أنا: انت مش عاوز اثبات على الكلام اللي بقوله

بصلي الشيخ في ريبة وافتكر إن اللي بيكلمه في اللحظة دي هو الجن وقالي

الشيخ: اثبات ايه؟

أنا: الورقة اللي عند المراية هناك دي رسالة منه وأكد فيها الكلام اللي قاله لي لما خرج من المراية

بص على الورقة واتحرك ناحيتها ومسكها وقرأها عشان ينزلها بعد كده ويقولي

الشيخ: إنتي عرفتي منين اللي في الورقة؟

أنا: توقعت يا شيخ ماهي دي مش أول مرة بيعت ليا
ورقة زي دي كملت كلامي بنبرة استسلام

أنا: أنا عارفة يا شيخنا إني هموت وتقريبا الميعاد بكره هو قالي
كده قالي إنه مش هيسبني غير لما أطيعه وأقبل بالزواج منه وان
الموت هو أول خطوة ليا في عالمه سواء وافقت أو غصب عني
الشيخ: استغفر الله يابنتي محدش يعرف مين هيموت امته
ولا فين كل حاجة بايد ربنا والي هو كاتبه هيكون

خرج مولانا بعد ما أعطاني ورقة مطوية طلب مني أحطها
تحت راسي وأنا نائمة عشان ربنا يبعد عني الكوابيس عشان
أستغل فرصة إني لوحدي وأكلم أحمد وأطلب إني أشوفه بكره
ضروري بعد الكلية عاوزه يكون آخر حد أشوفه قبل ما
أموت عاوزه أحس بأنه جنبني لآخر لحظة عاوزه كمان أقوله
إني بحبه أوي..

وفعلا رفعت التليفون عشان أكلمه واتفق على المعاد بس
تليفونه كان مغلق بس بعد محاولات كتيره فتح التليفون
ورد وكنت حاسه بحاجة مش طبيعية في كلامه ومفهمتش
من كلامه حاجه كان كل واحد فينا بيتكلم في موضوع تاني.
الساعة دلوقتي وأنا بكتب تقريبا ١١ يالليل ولازم أخلص
كتابه وأقوم أطمئن على ماما وربنا وحده أعلم هرجع أكتب
في المذكرات دي حاجة تاني ولا لا)

أغلقت تلك المذكرات وكانت دموعي تفيض من عيناى
كأنها سيل عرم ولكنى عندما أغلقتها اكتشفت إن هناك شيئاً
وقع منها

إنها صورة لفتاة ممسكة بيد شاب يظهر عليهما السعادة
والفرحة حيث كانا يقفان أمام إحدى ألعاب مدينة الملاهى
(دريم بارك)

وكانت المفاجأة إن الفتاه الموجودة فى الصورة هى نفسها
الفتاه التى كنت أراها تطاردنى فى الأحلام، ولكن من هذا
الشاب الذى معها فى الصورة؟

لم أتساءل كثيراً عمن يكون هذا الشاب لأنى قلبت الصورة
ووجد مكتوب عليها من الخلف

(أول مرة اتجنن مع أحمد ونهرب من كل القيود ونروح
لمكان محدش يعرفنا فيه دريم بارك واحده من أكثر ذكرياتنا
الحلوة اللي مش هنساها)

وكان يوجد فى أسفل تلك الكلمات قلب مرسوم يخترقه
سهم كيوييد الشهير ومكتوب على ناحيتى السهم أحمد من
جهة ونورهان من الجهة الأخرى

ولكنى وجدت شيئاً آخر لا اعلم ماهو سبب وجوده
وأهميته فى صورة كهذه وجدت رقم لهاتف محمول ومكتوب
عليه أحمد والغريب فى الأمر أكثر إن الرقم قد كُتب بقلم آخر

ويبدو أن الشخص الذي كتبه لم يكن هو الذي كتب ما سبقه من كلمات لأنه يوجد اختلاف واضح وملحوظ بين اللونين المستخدمين في الكتابة حيث يبدو أن الرقم كُتب بشيء أشبه بالدم!!!!!!!!!!!!!!!!!!!!

لم أدرى سبباً لوجود رقم الهاتف على صورة كهذه ووسط كل هذه الكلمات، ولم أدرى أيضاً هل من كتب مثل تلك الكلمات هو من كتب رقم الهاتف، ولماذا ظهرت هذه الصورة في مثل هذا الوقت.....

لم أدرى لماذا خطر في بالي في هذه اللحظة ان هذا الرقم كُتب لي أنا!!!!!!

هل يمكن أن تكون هذه الفتاه كتبه لي لكي أتواصل معه وأعطيه هذه المذكرات؟ هل تكون هذه هي مهمتي في مساعدتها؟ لا أعلم لهذا السؤال أي إجابة حتي الآن

ولكن السؤال الأهم الذي احتل تفكيري هل هذه الفتاه حية أم أنها فارقت الحياة؟

هذا ما سوف أعرفه عندما أتواصل مع صاحب هذا الرقم

استسلمت للنوم وأنا عازمة على أن أتصل بهذا الرقم في الصباح لأوصل له تلك المذكرات وأعرف نهاية هذه القصة التي تملكنتني وأتمم مهمتي التي اختارني لها القدر.....

الفصل الثامن عشر

الحقيقة

بعد أن انتهيت من قراءة تلك المذكرات التي وجدتها في الغرفة التي وصفها لي أحمد أو طارق كما اسميته في الجلسة النفسية التي عقدتها معه وتوغلت فيها في ذكرياته.

أخذت أتجول في غرفة مكتبي الصغيرة التي تحتوي على كتب ومجلدات علمية أكثر مما تحتويه من الأثاث إلا من ذلك المكتب الصغير الذي يبدو عليه وأنه لم يرتب قط وذلك الكرسي الهزاز الذي يعيش معي في رحلاتي داخل ملفات تلك الحالات التي أعالجها.

وهذه الغرفة موجودة في منزلي الذي أعيش فيه مع كتبي وأبحاثي والفوضى حيث إنني لم أتزوج حتى أتفرغ لمرضاي الذين أشعر بينهم بنفسي وخصوصاً كلما ساعدت أحدهم على التغلب على ذلك الوحش الذي يسمى بالمرض النفسي.

جلست على الكرسي الهزاز للاسترخاء والاستعداد للدخول إلى رحلتي لإيجاد تفسير لتلك الحالة الغريبة التي تبدو للوهلة الأولى بأنها حالة انفصام في شخصية ولكني لا أجد تفسيراً لذلك الشعور الذي يتابني تجاه هذه الحالة ولا عن تلك الأحلام التي تراودني عنها هل يمكن أن أكون قد تأثرت بهذا الشخص لتلك الدرجة التي أفقد فيها حرفيتي التي معها لا أستطيع أن أتحكم في ذاتي وعاطفتي.

بدأ التعب والإرهاق يسيطرون عليّ حيث أنني أمضيت أكثر من ٧٢ ساعة من العمل المتواصل بين السفر لإحضار تلك المذكرات وقراءتها.

لم أشعر بنفسي إلا عندما سمعت صوت لرنين هاتف محمول بجانبني، ولكن هذا لا يشبه صوت هاتفي، ولكني تذكرت ذلك الهاتف الذي أحضرته مع تلك المذكرات.

فرعت من نومي لأجدني ما زلت جالساً على الكرسي الهزاز فنهضت لأتبع صوت الهاتف حتى وصلت إليه لأجد على شاشة الهاتف رقم لشخص غير مسجل على الذاكرة الداخلية للهاتف التقت الهاتف وأجبت.....

مساء الخير

سمعت في هذه اللحظة صوت نسائي قادم من الطرف الآخر المتصل يتكلم في تردد وريبه

مساء النور

توقعت للوهلة الأولى أن نورهان التي ذكرها أحمد في مذكراته
هي التي على الهاتف فبادرتها بالحديث قائلاً.....

نورهان معايا؟

ولكن توقعاتي سرعان ما رجعت إلى خائبة عندما أجابت
تلك الفتاة.....

لا يا فندم أنا مش نورهان أنا إيمان عبدالهادي هو
حضرتك الأستاذ أحمد؟

أجبتها في إحباط بعدما خابت توقعاتي.....

لا يا فندم أنا الدكتور محمود كامل الطيب المعالج للأستاذ
أحمد أقدر أساعد حضرتك في حاجة

أجابتنني في تردد.....

أنا كنت محتاجة أقابل الأستاذ أحمد عندي رسالة فيه من
نورهان!!!!!!!!!!!!

أجبتها في لهفة.....

والله يا أستاذة إيمان الأستاذ أحمد ممنوع عنه الزيارة
دلوقتي بس أنا ممكن أقابل حضرتك وأعرف إيه الرسالة
يمكن تساعدنا في علاجه

شعرت منها بأنها غير مطمئنة لي عندما قالت.....

لا يا فندم أنا آسف الرسالة اللي معايا لازم الأستاذ أحمد هو اللي يستلمها مني

بدأت أتدارك الموقف وأخبرتها بأن تحضر إلى المستشفى لمقابلتي هناك بصفة رسمية حتي يطمئن قلبها لي وما كان منها إلا أن وافقت وخصوصا بعد أن أعلمتها أن أحمد مصاب بفقد في الذاكرة وأنه متهم في قضية قتل واتفقنا على أيكون هناك موعد بيننا في مكثبي الخاص بالمستشفى في الغد.

نظرت في ساعة الحائط التي كانت تدق لتعلن أن التاسعة قد بدأت وتخبرنني أنني قد تأخرت عن مواعيد مرضاي بالمستشفى....

وأصدقكم القول أنى كنت متلهف لتلك المواجهة بين أحمد وهذه المذكرات فقط فلم يكن مني إلا أن أسرعت بالاستعداد والذهاب إلى المستشفى والدخول مباشرة إلى غرفة أحمد الذي كان نائماً تلك النومة المعتادة له منذ أن أتى إلى هذا المكان وكنت قبل أن أدخل إليه قد سألت عنه إسماعيل حيث إنني لم أتابع حالته لمدة الثلاثة أيام الماضية التي كنت مشغولاً بهم في البحث والقراءة لتلك المذكرات والذي أخبرني أنه قد عاد للصمت مرة أخرى ولم يكن يسأل عن شيء سوى عني أنا.....

فتحت باب الغرفة ودخلت عليه فلم يكن منه أي ردة فعل حيث انه لم يلتفت إلى من دخل الغرفة وما ان راني وأنا افك عنه تلك القيود حتى اعتدل وقال.....

أحمد: أهلا يا دكتور محمود

أنا: أهلا يا أحمد

رُسمت على وجهه علامات الاستغراب والتعجب.....

أحمد: أحمد مين يا دكتور؟

بدأت في التحرك حول السرير الذي ينام عليه لأجلس على الكرسي المجاور له وعيناه مازالت متعلقة بي والاستغراب مازال يكسوها.....

أنا: احمد دا انت يا طارق

وأخرجت تلك المذكرات من حقيتي مددت يدي إليه بها.....

أنا: تعرف الكتاب ده يا طارق

نظر إلى أحمد وهو يأخذ الكتاب في تردد.....

أحمد: دي المذكرات اللي أنا شوفتها المرة اللي فاتت في الجلسة اللي حضرتك عملتها لي؟

أجبتة في هدوء وأنا ألاحظ تلك التعبيرات التي وضحت على وجهه.....

أنا: تمام كده

أحمد: وحضرتك وصلت إزاي ليها؟ هو حضرتك عرفت
أنا مين؟ وساكن فين؟ عرفت أي حاجة عني؟

نهضت من على ذلك الكرسي وتوجهت إلى النافذة المطلّة
على حديقة المستشفى واستندتُ على حافة النافذة قبل أن
أقول له.....

أنا: بالنسبة للسؤال الأول أنا وصلت ليها إزاي فالإجابة
بسيطة أسأل جوجل

أكملت حديثي وأنا أتجاهل نظرات الاستغراب والتعجب
المرسومة على وجهه.....

أنا: جوجل دا عبارة عن متصفح عن الإنترنت بنجيب
منه المعلومات الي احنا بندور عليها

لاحظت أن ما قلته من كلمات لم تكفي لكي تزيل هذه
النظرة المتعجبة من على وجهه فسألته.....

أنا: انت فاكر وصف المكان الي انت شوفته في عقلك
الباطن يوم الجلسة؟

أحمد: ايوه يا دكتور

أنا: فاكر بقي المسجد كان اسمه إيه واليافطة الزرقاء الي
عليه كان مكتوب عليها إيه؟

نظر إلى وكأنه بدا في الاستنتاج.....

أحمد: مسجد الصحابة واليا فطة كان مكتوب عليها شارع
عمر زعفان

أنا: بالظبط كده أنا دخلت على الانترنت وكتبت اسم
الشارع والمسجد وسبحان الله مفيش غير عنوان واحد بس
هو اللي ظهر لشارع اسمه عمر زعفان وفيه مسجد اسمه
الصحابة في مدينة اسمها بسيون في الغربية.....

وهو بالفعل نفس المكان اللي انت وصفته بالظبط وشكل
بيتك وحتى غرفة نومك اللي في الدور الثاني من البيت

أكملت حديثي وأنا أنظر إلى قسامات وجهه التي بدأت
تتغير من طور الاستغراب والتعجب إلى طور الدهشة
والذهول.....

أنا: دا كان بالنسبة للسؤال الأول والثالث، أما بالنسبة
للسؤال الثاني فأنا جوابتك عليه بالفعل إنت أحمد فتحي
طالب كلية الهندسة قسم الهندسة المدنية.....

بدأ أحمد يتكلم وعيناه مازالت متعلقة بي وكأنه يستمع إلى
أحد أفلام الإثارة والغموض.....

أحمد: هو حضرتك قرئت المذكرات دي

أنا: اكيد وإلا أنا كنت هعرف حكايتك منين؟!

أحمد: يعني حضرتك عرفت إيه اللي حصلني؟

أنا: اللي أنا عرفته للأسف يدينك يا احمد

أحمد: إزاي يا دكتور؟

أنا: كل الكلام اللي في المذكرات ده يقول إنك مريض نفسي
وبتشوف هلاوس سمعية وبصرية.

أحمد: يعني مجنون؟

أنا: مش هي دي المشكلة المذكرات اللي معاك دي كفيلة
انها تخلص قضيتك وتخلي أي طيب نفسي يكتب انك مريض
بالهلاوس وفي مرحلة متأخرة كأن تجعلك غير مسؤل عن
تصرفاتك.....

المشكلة بقي اني مصدق الكلام الموجود فيها وحاسس ان
فيه شيء غير طبيعي في الموضوع!!!!!!!

بدأ أحمد يفعل ويتكلم وعينه مازالت متعلقة بي.....

أحمد: يعني إيه يا دكتور أنا قتلتها ولا لا؟ أنا مريض ولا لا؟

أنا: يا احمد أنا لحد دلوقتي معرفش إنت قتلتها ولا لا
وعلميا إنت بالنسبة ليا أنا إنت مريض لحد دلوقتي أنا
مفيش معايا أي دليل مادي انك فعلا مش مريض أنا كل
الي املكه هو احساسى تجاه حالتك وشوية الاحلام اللي
بحلمها ودا لا يعتبر دليل اخفض أحمد رأسه وأمسك برأسه
وهو مازال منفعلا في كلامه.....

أحمد: يعني إيه يا دكتور أنا هعيش كدا طول عمري

بدأت أستعمل معه في هذه اللحظة أسلوب الاستفزاز
لكي يحارب من أجل أن يتذكر ما حدث ذلك اليوم الذي
حدثت فيه الجريمة ولم يكن مكتوبا في المذكرات

أنا: انت اللي في إيدك الحل يا أحمد!!!!!!!

رفع أحمد رأسه إلى وكأنه وجد القشة التي سوف تنقذه في
وسط بحر هائج.....

أحمد: إزاي يا دكتور محمود؟ أنا مستعد أعمل أي حاجة
بس أخلص من اللي أنا فيه

أنا: انت لازم تفتكر اللي حصل يا أحمد يوم الجريمة دي
ما حصلت أنا عرفت من المذكرات كل اللي حصل قبلها
بس يوم الجريمة مفيش أي حاجة مكتوبه عنه

أحمد: مش قادر افتكر حاجة يا دكتور..... مش قادر
..... مش قادر

بدأت أغير نبرة صوتي لنبرة التحفيز والتشجيع وأنا
أتحدث إليه.....

أنا: لا هتقدر يا أحمد هتفتكر فكر في مستقبلك اللي واقف
على اليوم ده فكر في تأنيب الضمير اللي بيعذبك فكر في البنت
المسكينة اللي ماتت وملهاش أي ذنب فكر يا احمد.....
فكر.....فكر

في اللحظة دي دخل إسماعيل وخيري عليا الغرفة وكان فيه
صوت تالت معاهم.....!!!!

دا الدكتور محمود.....

الدكتور محمود: يتنقل على غرفة الجلسات فوراً ويتجهز
لجلسة كهرباء حالاً

محسّش بنفسي غير وأنا بين الوعي واللاوعي على سرير
متحرك (الترولي) وإسماعيل وخيري بيحركوا السرير وأنا
عليه بين مجموعة من الأبواب والغرف.....

وصلنا لغرفة كانت صغيرة وفيها سرير نقلوني عليه وبدأوا
يكتفوني وخصوصاً من رأسي وكان فيه حاجه بين اسناني مش
عارف إيه هي وسمعت الدكتور محمود وهو يقول.....

الدكتور محمود: خلاص يا إسماعيل أبعدهوا عنه بقي

وفي اللحظة اللي الدكتور محمود أعطى فيها الإذن لسيل
الالكترونات الكهربية إنها تدخل جسمي وتخرقه بدأت
أحس وكأني روعي بتسحب مني وإني مش قادر حتي اخذ
نفسي وكأني فيه حجر من أحجار الهرم على صدري بس في
نفس الوقت حسيت بجسمي يتفض وكأنه ورقه في مهب
رياح إعصار وبيحركه بسرعة جنونه

بدأت في اللحظات دي أشوف مشاهد متداخلة وغير مرتبة
بتمر قدام عيني كنت حاسس إني شوفتها قبل كده او اعرفها

والغريب في المشاهد دي إني كنت في وضع الشخص اللي
بيتوجه له الكلام.....

إنت واقف هنا ليه يابني.....

دا قدر يابني مكتوب عليك ولازم تشوفه.....

دا شكله غبي وهيتعبنى معاه.....

وانت مستغرب ليه والصندوق اللي معاك ده هو اللي
طبيعي الرموز والحروف المحفورة عليه دي طبيعية والعفريت
اللي بتشوفه دا عادي.....

أقسمت وعزمت عليكم بعالم الغيب والشهادة الكبير
المتعال، وبحق آهيا شراهيا أدوناي أضباؤت آل شداي،.....

المشاهد دي أنا قريتها في المذكرات!!!!!!!

أدركت في اللحظة دي إني الذاكرة بدأت ترجعلي واني بدأت
أفكر كل شيء.....

ماخدتش الكهرباء وقت كثير قبل ما تفقدني الوعي
والاقي نفسي قاعد في مكان واسع كله أخضر وفيه شجر
عالي نازل منه ثمار مفيش ليها وصف، وكان فيه نور أبيض
صافي جاي من بعيد ويقرب مني أكثر وأكثر وبدأ يتشكل
في صورة شخص لابس أبيض في أبيض ولحيته بيضاء والنور
خارج من وجهه الباسم البشوش وكأنه اتخلق من النور دا
... دا الشيخ محمد!!!!!!!

وأول ما قرب مني قالي.

الشيخ محمد: حمد الله على السلامة يا أحمد

وقفت والاستغراب والدهشة يسيطرون علي.....

أنا: إنت الشيخ محمد صح؟

الشيخ محمد: ايوه صح انت نسيتني ولا إيه يا هندسة

أنا: لا يا شيخنا بس مش حضرتك

الشيخ محمد: إيه يعني ميت؟

أنا: آه وعرفت كمان إنك ميت من قبل موضوع الصندوق

والجن بس أنا متأكد إني شوفتك واتكلمت معاك وكمان

صليت معاك طب ازاي؟؟؟؟!!

الشيخ محمد: وده يمنع إني أساعدك

أنا: أوي يا شيخ محمد هو فيه حد بيكلم الموتى غير

المجانين؟؟؟؟!!

الشيخ محمد: بس انت مش مجنون يا أحمد أنا مجرد فكرة

في دماغك

أنا: تقصد إنك أصلا مكتتش موجود في الجامع ولا المقابر

ولا أي مرة شوفتك فيها؟؟؟؟!!

الشيخ محمد: دايمًا العقل وقت الخطر يفكر في الشخص
اللي بيحبه وعارف إنه هيقدر يساعده في الخطر اللي هو فيه
ويبدأ بيعت رسايل وإشارات ليه حتى لو كان الشخص دا ميت
روحه بتستقبل الرسايل دي يعني إنت اللي كنت بتستدعيني
كل ما تحتاجني وأنا كل مرة كنت بلبي نذاك بإذن الله
أنا: تقصد حضرتك اني كنت بتواصل معاك وانت
ميت؟؟!!

الشيخ محمد: ايوه!!!

أنا: بس أنا يا شيخنا مش في خطر دلوقتي والجن ولا
العفريت اللي بيطاردني موجود؟؟!!

الشيخ محمد: المرة دي أنا جيتلك من نفسي دلوقتي عشان
أطمئنك وأقولك إن الدكتور محمود هو اللي هيساعدك بإذن
الله

أنا: الدكتور محمود هيعمل إيه بس يا شيخنا

الشيخ محمد: هيعمل كثير انشاء الله

أنا: بس أنا تعبت يا شيخنا ومش قادر

الشيخ محمد: وَبَشِّرِ الصَّابِرِينَ وبعدين
الاختبار خلاص إنت نجحت فيه وفاضل مرحلة صغيرة
وربنا هينجيك بإذن الله

أنا: ونعم بالله يا شيخنا طيب اعمل إيه عشان أخلص
من اللي أنا فيه ده

الشيخ محمد: ربك يدبر الأمور كيفما يشاء ولا يعلم الغيب
إلا الله

ومد الشيخ محمد ايده وقطف واحدة من الثمار الموجودة
في الشجر وطلب مني أخذها.....

أخذت الثمرة من إيده وبدات أبص عليها وتحسسها
عشان أعرف أنا بحلم ولا دي حقيقة ولا إيه.....

الشيخ محمد: كل يا احمد كُلها متخافش

بدأت أكل من الثمرة دي وأنا مش عارف هي إيه وبدات
الشيخ محمد يختفي وبدات يختفي معاه المشهد بالكامل وهو
يقول

الشيخ محمد: متنساش إني قولتلك إني فكرة يعني أنا دايمًا
معاك وقت ما هتحتاجني هتلاقيني بإذن الله.....

فوقت من النوم على مشهد حفظته عن ظهر قلب أنا في
الغرفة ومتقيد بالكلبشات في السرير وإسماعيل بيبدأ محاولاته
معايا عشان أفوق وآخذ الدواء.....

الفصل العشرون

بداية الحقيقة

مرت هذه الليلة العصبية كما توقعت تمامًا فقد بدا أحمد في مرحلة صراع نفسي وعقلي قوي للوصول إلى ذكرياته التي اختفت نتيجة الصدمة هذا بالإضافة إلى رغبة داخلية قوية في نسيان ما حدث له وكانت فكرة الصدمات الكهربائية للعقل هي وليدة اللحظة حيث أنى فكرت في ان العقل سوف يكون في أضعف حالاته أثناء ذلك الصراع وعند التأثير عليه بقوة خارجية مثل الكهرباء سيكون مجبراً على الاستسلام

وهذا ما حدث، ولكنني حتى الآن لا أعلم لما حدث نتيجة حيث إنه مازال تحت تأثير المهدئ حتى الان ولكن ما يشغلني الان هو ذلك الموعد بيني وبين الأنسة إيمان.....

مرت تلك الساعات ثقيلة علي وأنا منهمك في التفكير في هذه الحالة التي لم تمر علي من قبل، وهل يمكن للجن أن يبدل حياة إنسان إلى هذه الدرجة؟؟؟؟؟

أنا أو من أن الجن موجود ولكن إلى أي حد تكون قدرته
هذا ما لا أعرف له إجابة قطعت تلك الخواطر والأسئلة
التي تدور في عقلي طرقات على باب غرفتي والتي كانت من
خيرى الذي يخبرني بحضور الأنسة إيمان.....

وقفت في مكاني مستقبلا لها ولكنها لم تكن بمفردها.....

أنا: اهلا يا فندم اتفضلوا

إيمان: دكتور محمود؟

أنا: بالظبط كده يا فندم

اشارت إلى شابة أخرى كانت معها لتعرفني بها.....

إيمان: أختي مروة يا دكتور

أنا: اهلا وسهلا يا أستاذة مروة اتفضلوا اقعدوا

جلستا وهن ينظران إلى بعضهما البعض في ريب وتساؤل
فبادرت بابتسامة رسمتها على شفتاي وقولت

أنا: تشربو ايه؟

إيمان: لا شكرا يا دكتور بس هو احنا ممكن نشوف
الأستاذ أحمد؟

أنا: لا إزاي يا أستاذة إيمان مينفعش لازم تشربو حاجة

إيمان: خلاص يا دكتور ممكن نسكافيه

نظرت الى ذلك الهاتف الموضوع بجانبى على المكتب
وتحدثت إلى ساعي البوفيه لأطلب منه

أنا: الو ٢ نسكافيه وقهوة زيادة لو سمحت

واستدرت اليهما وما تزال تلك الابتسامه على وجهي
لتبادرنى إيمان بالسؤال

إيمان: هو احنا ممكن نشوف الأستاذ أحمد ولا دي فيها
مشكلة يا دكتور؟

أنا: فى الواقع يا أستاذة إيمان زي ما قولت لحضرتك فى
التليفون الأستاذ أحمد مصاب بفقدان فى الذاكرة دا غير انه
متهم فى قضية قتل يعنى الزيارة ممنوعة

إيمان: طيب والحل يا دكتور أنا معايا حاجة تخصه من
نورهان ولازم توصله

أنا: طيب أنا آسف فى السؤال ليه الانسة نورهان محضرتش
بنفسها ليه؟

مروة: دي حكاية طويله يا دكتور محمود واحنا نفسنا مش
فاهمين منها حاجة لحد دلوقتى

الدكتور محمود: أحب أسمعها يمكن دا يساعدني فى حل
اللغز الكبير اللي فى الحالة دي.

وبدأت إيمان في سرد ما حدث معها وكيف وجدت تلك المذكرات، وكيف طاردها تلك الفتاه لكي تقرأ هذه المذكرات وعن بندقة وتعايشها مع تلك المذكرات وعن شكوكها في سكن روحها هذه الدمية الصغيرة وتلك الأحلام التي كانت تراودها كلما نامت وأخيرًا وصلنا إلى تلك الصورة التي أعطتها لي.....

أخذت الصورة وبدأت أتحرك في الغرفة وأنا أنظر لها وأحاول الربط بين هذه المذكرات والصورة وبين مذكرات أحمد، ولكني لم أستطع أن اجد إلا إن هذه المذكرات تكمل بعضها البعض، ولكن الأهم الذي تيقنت منه هو أن هذه الجثة التي وجدت مع أحمد في الحادث هي جثة نورهان، وذلك وفقا للحلم الذي رآه في منامه وكما يبدو لي أن روحها اختارت إيمان لمساعدة أحمد وتوجيه نظرنا إلى شيء آخر.....

التفت إلى إيمان ومروءة بعد لحظات من التفكير.....

أنا: تعرفي يا إيمان أنا كمان لاقيت مذكرات لأحمد مكتوب فيها كلام بيأكد الكلام اللي انتي قراءتيه في المذكرات دي بس فيه حاجة واحدة ناقصة

نظرتا إلى في ذهول وتعجب

إيمان: إيه الحاجة دي يا دكتور

أنا: نورهان ماتت إزاي واحمد قتلها ليه لما هي بتحبه أوي
كده وهو بيحبها؟؟؟؟!!!

نظرتا كل منهما لبعضهما البعض بحثا عن أي إجابة منطقية
لهذا السؤال الصعب، ولكن سرعان ما رجعت أنظارهما إلى
خائبة لم تجد أي إجابة

أنا: بس دا اللي المفروض احمد يقوله ويكمله
وانشاء الله محاولة امبارح تكون نجحت وتوصلنا لاجابة على
السؤال ده

إيمان: محاولة إيه دي؟؟!!

أنا: هتفهمي دلوقتي ممكن تتفضلوا معايا؟؟

إيمان: على فين يا دكتور؟؟

أنا: انتي مش كنتي عاوزه تشوفي أحمد؟ اتفضلي

نظرت إيمان إلى مروة وكأنها تستشيرها قبل أن تنظر إلى
وتقول

إيمان: اتفضل يا دكتور

وقبل أن نغادر غرفتي ونتوجه إلى غرفة أحمد ضربت ذلك
الجرس الموجود على مكتبي ليدخل علينا خيري.....

أنا: هو مريض غرفة ٢١٥ فاق ولا لسه

خيري: فاق يا دكتور ورافض الأكل والعلاج وطالب
مقابلة حضرتك

أنا: ماشي يا خيري اتفضل انت

نظرت بعد ذلك إلى إيمان ومروة.....

أنا: اتفضلوا معايا لو سمحتوا

الفصل الواحد والعشرون

عودة الذاكرة

قضيت ليله من أصعب الليالي الي مرت عليّ من يوم ما دخل المخلوق الغريب ده حياتي ليله كلها مفاجآت وصراع مع صداع قاتل وخصوصا بعد جلسة الكهرباء دا غير محاولات إسماعيل وخيري الملحة معايا عشان أخذ العلاج.....

وبعد وقت قصير من آخر محاولة لإسماعيل دخل الغرفة الدكتور محمود.....

الدكتور محمود: صباح الخير يا أحمد

أنا: صباح الخير يا دكتور

الدكتور محمود: عندي ليك مفاجأة يا أحمد

وفي اللحظة دي دخل الغرفة بنتين قدمهم الدكتور محمود
على أنهم الإنسة إيمان والأستاذة مروة وأنهم معاهم حاجة
تساعدني.....

سألته في استسلام.....

أنا: حاجة إيه دي يا دكتور

اخرج الدكتور محمود من أحد جيوبه صورة.....

الدكتور محمود: تعرف حاجة عن الصورة دي

مسكت الصورة وبصيت فيها وبدأت عيني ترغرغ
بالدموع قبل أنا أتماسك وأبص إلى الدكتور محمود.....

أنا: دي صورتي أنا ونورهان بس الصورة دي وصلت
لحضرتك إزاي؟

ابتسم الدكتور محمود وظهرت عليه ملامح الانتصار.....

الدكتور محمود: افهم من كده إن إنت.....

قاطعت الدكتور محمود بانفعال قبل ما يكمل كلامه

أنا: أيوه يا دكتور أنا افتكرت وياريتني ما افتكرت حاجة

بدأت الدهشة والاستغراب تظهر على وجه الدكتور محمود
وكل الحاضرين في الغرفة.....

الدكتور محمود: ليه يا أحمد قولي بس افتكرت إيه؟

أنا: افكرت كل حاجة يا دكتور محمود ماعدا حاجة واحدة
زادت علامات الاستغراب على وجه الحاضرين في الغرفة.....
أنا: أنا مكتبتش مذكرات أصلا يا دكتور!!!!!!!!!!!!!!
بصلي الدكتور محمود وكل اللي موجودين وزاد الاستغراب
على وشوشهم أكثر وأكثر.....

الدكتور محمود: تقصد إيه بأنك مكتبتش مذكرات؟

أنا: يعني مكتبتهاش يا دكتور

الدكتور محمود: طيب إيه دا اللي مكتوب في الكتاب ده؟

أنا: كل اللي موجود في المذكرات دي حصل فعلا بس أنا
مكتبتهاش

زاد التعجب والاستغراب على الدكتور محمود.....

الدكتور محمود: طيب اتكتب ازاي؟ ومين كتبه؟ وعاوز
إيه من إنها توصلنا؟

قاطعت الدكتور محمود.....

أنا: فيه حاجة في المذكرات أنا مش عارف حضرتك
لاحظتها ولا لا؟

الدكتور محمود: حاجة إيه تاني يا أحمد ماهي قضية
المفاجآت كلها

أنا: ان المذكرات دي مجتزأة يعني اللي كتبها عاوز يركز على
حاجة معينة وهي قصتي أنا ونورهان مع الجاثمة وبرهيان
قطعت إيمان كلامي.....

إيمان: صحيح يا دكتور محمود أنا كمان المذكرات اللي
معايا مجتزأة هي كمان!!!!!!
بصيت لإيمان وسألتها.....
أنا: مذكرات إيه يا أنسة إيمان؟

إيمان: مذكرات لاقيتها عندي في الكلية وكان فيها الصورة
دي واكتشفت إن المذكرات لنورهان.....

وبدأت إيمان تحكي حكايتها مع المذكرات وروح نورهان
الي كانت بتطاردها عشان توصل بيها لهننا عندي!!!!!!
أنا: ولسه مش ملاحظ حاجة يا دكتور محمود

الدكتور محمود: هيكون مين يعني اللي عمل دا كله وليه؟
استني استني!!!!

المذكرات وافقه على يوم واحد مش مكتوب عنه
حاجة!!!!!! أحمد إنت فاكر يوم الحادثة؟
أنا: لا..... لا يا دكتور مش عاوز أفتكر

الدكتور محمود: يا أحمد ساعدني عشان أقدر أساعدك
إنت مش قولت إن أنا اللي هعرف أساعدك؟؟؟

في اللحظة دي افكرت كلام الشيخ محمد معايا مبارح لما
قالي إن الدكتور محمود هو الي هيساعدني عشان استسلم
وأبدأ أحكي الي حصل

كان يوم من أسوأ أيام حياتي صحيت فيه الصبح على
٣٠ مكالمة و ١٠ رسائل من نورهان بتقول فيهم الحقني أنا
بموت

حاولت أتصل بيها بس للأسف التليفون كان خارج
النطاق. مفكرتش وأنا بغير هدومي وبنزل بسرعة وبركب
أول عربية توصلني الزقازيق وكل ٥ دقائق بحاول أتصل بيها،
ولكن بدون أي فائدة فكرت لشواني إني أكلم أختها ريهام،
ولكن طردت الفكرة دي من تفكيري لأن تليفونها كمان كان
مغلق

وبعد كل المحاولات دي عشان أعرف اوصلها وأعرف
حصل إيه وصلت الزقازيق وكانت الساعة ٣٠, ١ الظهر
ومكنتش عارف أعمل إيه فكرت أروحها البيت بس هقولهم
إيه؟؟ وأنا مين؟؟

في اللحظة رن تليفوني على رسالة من رقم نورهان موجود
فيها

(الحقني يا أحمد أنا بموت تعالي بسرعه خدني من هنا أنا
بتعذب يا أحمد)

قفلت الرسالة بسرعة وحاولت اتصل بيها بس التليفون
كان مقفول!

ومرة واحدة فتحت الرسالة تاني وقريتها للآخر عشان
الاقبي فيها رابط موقع لبرنامج الخرائط (Google maps) ومن
غير أي تفكير فتحت الرابط عشان ألقيه وصف لمكان في
البحيرة بلد اسمها السخنة بمركز بدر.....

ماخدتش كثير في التفكير عشان اسمع واحد من سواقين
الموقف يقول.....

السواق: واحد مركز بدر البحيرة وطالع

بدأت أتكلم مع نفسي زي المجانين هو إيه اللي بيحصل
وازاي؟!؟!؟! ممكن دي تكون صدفة؟!?!?

واني يجيلي رسالة من نورهان اللي مش عارف هي فين
والرسالة فيها عنوان في بلد الاقبي السواق بينادي على البلد
دي!!!!!!!!!!!!

أخذت قراري إني هروح العنوان ده وهركب العربيه في
الطريق حصل حوار بيني وبين السواق عرفت منه إن المكان
الى أنا رايحه ده مقابر!!!!!!!!!!

شرد ذهني للحظات وأنا بفكر في اللي بيحصل وفوقت
على صوت انفجار قوي وحركات وخطبات سريعة في العربية
وصراخ من الركاب استمر لمدة دقيقة أو دقيقتين بالكثير قبل

السواق: يالا يا جماعة عشان نتحرك

وبدأنا نتحرك تاني وأنا في حالة من الشرود والتفكير في كل اللي بيحصل ومرة واحدة فوقت على صوت التليفون بيوجهني لشارع على بعد ١٠٠ متر.

طلبت من السواق انه يقف على جنب عشان انزل وفعلا نزلت في مكان ضلمة جدا إلا من بعض النور اللي موجود من عمدان النور اللي بتنور الطريق وكانت الإضاءة دي بتوضح بشكل بسيط ملامح المكان اللي نزلت فيه واللى كان عبارة عن طريق بيمر بين أراضي صحراوية مزروعة وكان فيه بعض الصوب الزجاجية اللي كانت شبه المقابر لاي حد يشوفها من بعيد وكان اللون الأسود هو الشئ الوحيد المشترك بين كل حاجة موجودة حوليا وكانت أشاره التليفون لشارع مضلم جدا وكأنه يبيلع أي نور بيدخله من كترة الضلمة اللي فيه.

شغلت كشاف التليفون اللي كان على وشك إنه يفصل شحن وبدأت أمشي فيه وعلى ضوء الكشاف بدأت توضح ملامح الشارع اللي كان عبارة عن طريق وسط أراضي زراعية مزروعة بالذرة اللي اشبه بغابة من السيقان وكانت أصوات الديابة الموجودة في كل مكان حوليا بتزيد من خوفي، ولكن أنا كنت بفكر في حاجة واحدة بس هي نورهان اللي مش عارف هي فين ولا بيحصل معاها إيه.

الفصل الثاني والعشرون

الدبر المنظوم وخلاصة السر المكتوم في السحر والطلاسم والنجوم !!!

خرجت أنا وإيمان ومروة واحنا مش عارفين الحكاية
هتنتهي على إيه وإيه وإيه إيه الى حصل.

إيمان: تفتكر يا دكتور إنه هو اللي قتلها فعلاً.

أنا: لسه فيه حلقة مفقودة يا آنسة إيمان ومش عارفين
إيه هي بس اللي أنا متأكد منه إن أحمد كان تحت ضغط
نفسى كبير حتى لو هو اللي قتلها مش هنقدر نلوم عليه.

مروة: مش يلا بينا بقي ولا إيه يا إيمان إحنا لسه هنسافر

التفتت إيمان لمروة وعنيها مليانة بالفضول وقالتلها.

إيمان: حاضر يا مروة.

أنا: طب تجبوا اوصلكم أي مكان أنا كده كده خلصت
شغل ونازل أشترى شوية كتب

مروة: إحنا مش عاوزين نتعبك يا دكتور.

تجاهلت شرود إيمان الي أظن إني عارف إيه سببه وكملت
كلامي مع مروة

أنا: لا أبدًا لا تعب ولا حاجة اتفضلوا.

وبالفعل نزلوا معايا عشان أوصلهم وفي الطريق حصل
نقاش كبير بيني وبين مروره عن حالة أحمد وإيه اللي ممكن
يكون حصل قطع كلامنا سؤال غريب من إيمان.

إيمان: دكتور هو أنا ممكن آخذ مذكرات أحمد أقرأها
وارجعها لحضرتك المرة اللي جاية؟

ردت عليها مروة باستغراب

مروة: هو انتي ناوية تيجي تاني ليه؟

إيمان: مفيش يا مروة فضول عاوزة أعرف نهاية الموضوع إيه

مروة: ليه يا إيمان أظن مهمتك كده انتهت وانتي وصلتي الرسالة

مروة: حضرتك ساكت ليه يا دكتور؟ انت رائي حضرتك إيه؟

أنا: أنا بس مكنتش عاور أتدخل بينكم بس أنا معنديش
مانع إنكم تاخذوا المذكرات خصوصًا إني شايف الفضول في
عيون إيمان من وقت ما خرجنا من عند أحمد

إيمان: أنا متشكرة جداً يا دكتور محمود مش عارفة أقول
لحضرتك إيه

أنا: لا أبداً دا حقك انتي كنتي واحدة من الناس اللي
شاركت في القصة دي وحقك تعرفي نهايتها وكل حاجة فيها
وطبعاً الكلام ده كان على غير رغبة مروءة اللي كانت
رافضه إن إيمان تكمل في الموضوع ده.

مديت إيدي وفتحت تابلوه العربية وأخذت المذكرات
اعطيته لإيمان.

وبعد مدة من الصمت غلبت علينا وصلنا للمكان اللي
هما قالوا عليه.

وبعدها بدأت طريقي الوحيد اللي كنت متأكد إنه
هيساعدني عم عباس بتاع سور السيدة زينب الراجل الطيب
الي ياما ساعدني أيام الكلية بكتبه اللي مكتش بلاقيها في أي
مكان تاني.

ركنت العربية في مكان قريب ودخلت المكان على رجلى
وبدأت أسترجع ذكريات زمان وأيام الكلية اللي كانت
أجمل أيام حياتي وأنا شايف عم عباس من بعيد قاعد في
مكانه وبين كتبه ويقرأ كتاب من كتبه كالعادة وسط الزحمة
والأصوات العالية المتداخلة اللي بتخليك تحس بالدفعى وجمال
الشعب المصري.

وافتكرت أول يوم عرفت فيه عم عباس لما كنت بدور عن كتاب من الكتب النادرة وهو دورلى عليه كثير لحد ما لاقاه وإزاي كان بيدور عليه بشغف عشان يساعدي ومن وقتها بقينا أصدقاء إن جاز التعبير افتكرت كل تفاصيل المكان وكأني كنت لسه موجود هنا من يومين ومفيش سنين بتمر ولا عمر بيجري.

وقفت قدام عم عباس وهو كالعادة عايش مع الكتاب ومش حاسس بأي حاجة بتدور حوله ابتسمت وقولت.
أنا: مش هتتغير يا راجل يا عجوز كتاب إيه دا اللي واخذك لعالم تاني؟

رفع عم عباس راسه بكل التجاعيد اللي أصبحت جزء أصيل من تفاصيل وجهه المصري وبدا يعدل نضارته العتيقة والي أصبحت هي كمان جزء أساسي من وجهه وبدا يجمع شتات تركيزه عشان يتعرف عليا وبعد وقت قصير جدا لا يتعدي ال ٣٠ ثانية افتكرنى بابتسامة كأنها رجعت ذكريات زمان في مخيلته وقال.

عم عباس: مين دا اللي عجوز يا واديا دكتور إنت دا أنا شباب أكثر منك

أنا: ربنا يديك الصحة يا عم عباس دا إنت حتي أجمل مني وأنا عندي ليك عروسة زي القمر.

عم عباس: سييك من البكش دا وقولى إيه اللى فكرك
بعمك عباس؟

أنا: وهو أنا أقدر أنساك أصلا يا عم عباس دا إنت
صاحب فضل عليّ بعد ربنا في كل اللى وصلته بس هو
الشغل مش أكثر والله يا عم عباس.

عم عباس: ربنا يقويك يا محمود يا بني إنت مجتهد
وتستاهل كل خير وبعدين أنا معملتش حاجة إنت اللى
شاطر أنا مجرد سبب مش أكثر.

أنا: حبيبي يا عم عباس إيه بقي انت معندكش شاي ولا
إيه ولا إنت اتعلمت البخل يا راجل يا عجوز.

عم عباس: طيب أدخل يا لمض كل حاجة عندك زي
زمان متغيرش مكانها

أنا: ههههههه حاضر يا عم عباس

عم عباس: قولى بقي إيه اللى فكرك بيا يا دكتور

أنا: مفيش والله يا عم عباس عشان أطمئن عليك وبالمرّة
أدور على كام كتاب كده من كتبك اللى مش بنلاقيها عند أي
حد.

عم عباس: طيب تعالى نشرب الشاي والكتب قدامك
اختار اللى إنت محتاجه

خلصنا الشاي وبدأت أدور بين الكتب عن كتاب ما هو الفصام وكتاب الطب النفسي وفي أثناء انشغالي بالبحث بين الكتب عيني وقعت على كتاب شكله غريب كتاب أسود مكتوب عليه باللون الذهبي، وأثر الزمن ظاهر عليه وده من كثرة الندوب على جلد الكتاب من الخارج وبدأت أحاول أقرأ اسم الكتاب اللي كان من الصعب قراءته ال... ال... الدر المنظوم وخالصة ال... السر ال... ال... المكتوم في ال... السحر والطلاسم والنجوم.

بدأت أتصفح صفحات الكتاب الغريب وفتحت أولى صفحاته على مقدمة أثارت فضولي معرفش ليه قررت آخذ الكتاب كنت حاسس إن الكتاب هو اللي عاوزني آخده وكأنه بينادينني.

ماخدتش وقت كبير عشان أقرر إني هاخذ الكتاب قبل ما أرجع أقعد مع عم عباس عشان أتكلم معاه.

أنا: أنا هاخذ دول يا عم عباس حسابهم كام؟

عم عباس: حساب إيه يا دكتور

أنا: الكتب دي يا راجل يا عجوز

عم عباس: إنت عاوز تدفع فلوس في مكانك يا دكتور؟!

أنا: أكيد المكان هنا مكاني بس أنا لازم أدفع تمنهم يا عم عباس

عم عباس: اعتبرهم هدية مني ولا نسيت زمان يا واد يا دكتور

أنا: وهي دي أيام تنسي يا عم عباس ربنا يديك الصحة

خلصت كلامي مع عم عباس وأخذت عربيتي وروحت شقتي الصغيرة عشان أبداً رحلتي في حل اللغز الصعب اللي في حالة أحمد وبالفعل بدأت أدور في الكتب اللي جبتها من عم عباس بالإضافة لكتبي الموجودة عندي وفي اثناء جلوسي على الكرسي الهزاز الصغير انقطع التيار الكهربائي فجأة وللحسن حظي كان عندي شمع كنت أشتريته قبل ما أدخل البيت عشان حالات قطع الكهرباء اللي بقت جزء من حياتنا اليومية.

بعد ما نورت الشمع وبدأت إضاءة الشاعرية تغطي المكان كانت ظلال الكتب أشبه بجبال عالية تحجب ضوء الشموع عن أي شيء يقع خلفها.

بدأت أحس إني مش لوحدي في المكان وان فيه شخص ما موجود بجوار باب البلكونة.

حاولت اطرد الخيالات دي من دماغي ولكن قبل ما انتهي من التفكير في طرد الخيالات سمعت.....

(أنا مش خيال يا دكتور أنا حقيقة وواقع)

في اللحظة دي اتأكدت إني فعلاً مش لوحدي في المكان وبدأت أغير اتجاهي عشان أشوف مين اللي بيتكلم عشان ألقها بنت متوسطة القوام ترتدي فستاناً باين عليه إنه

أبيض شفاف وكان الهواء اللي جاي من البلكونة بيحركة
وكأنه شراع لأحد المراكب في مهب الريح أو أمواج لبحر
هادئ تسير بهدوء حتي هي بدت شفافة لي وكانها مجرد
خيال.

أنا: إنتي مين.

بدأت تتحرك باتجاهي وبدأ النور يتحرك عليها في أثناء
حركتها من أسفل قدميها متجها ناحية وجهها وكانت
المفاجئة عندما وضحت ملامح هذه الفتاه والتي كانت.....
نورهان.

الفصل الثالث والعشرون

الحقيقة الكاملة

بعدها بدأت أعراض المخدر تكتمل وفقدت السيطرة على وعي دخلت العالم المظلم اللى بدخله كلما بدأت عيني تنام بس المرة دي أنا في المقابر مرة تانيه وبتفرج على نفسي مرة تانية وكاني بسمع فيلم سينما وأنا واقف امام نورهان وهي بتضحك بصوتها الغريب وشكلها البشع اللى تحولت ليه.

وبدأ بيان عليا إني بدأت أتمالك نفسي مرة تانية وأقولها.

أنا: نورهان انتي مالك يا حبيبتى حصلك إيه

نورهان: نورهان مين انت خلاص نسيت صوتي ولا إيه؟!!

إنت مش فاكرني

أنا: إنتى إنتى اللى كتتي بتطاردينى في أحلامي

صح؟

نورهان: أنا اللي انت رفضتها عشان خاطر انسية مخلوقة
من تراب ورفضت كل شيء قدمتهولك ومن وقتها وأنا
وعدتك إنك هتجيلي زاحف ومصدقتنيش هههههههه.

أنا: نورهان فين؟ وانتى عاوزة مننا إيه؟

نورهان: عاوزاك تركع قدامي وتعلن ندمك وتقدم نفسك ليا.

أنا: مستحيل أنا عمري ما هررع إلا لى خلقنى

نورهان: خلاص يبقي إنت اللي حكمت على نورهان
بالموت وعليك بالعذاب مدى الحياة

لاحظت إني سكت شويه عن الكلام وكأني بفكر في حاجة
مش عارف إيه هي.

في اللحظة دي افكرت الورقة والصندوق وكلام الشيخ إني
لازم أنفذ الكلام اللي في الورقة عشان أقدر أدور على نقطة
ضعفهم.

واتأكدت إن ده هو نفس الكلام اللي فكرت فيه لما سكتُ
عن الكلام لما لاقيتني وافقتها وقولت.....

أنا: يعني أنا لو عملت اللي انتى عاوزاه هتسيبها تعيش

نورهان: لا طبعاً بس بس على الأقل عذابك وعذابها
هيقل ولا انت نسيت الصندوق والشروط..... انت وهي
خلاص في حكم الأموات

أنا: وأنا إيه اللي هيجبرني أسمع كلامك وأنفذ اللي في الورقة؟؟؟!
نورهان: مش قولتلك هعذبها وهعذبك بعدها وفي الآخر
هتموت وتيجي لعالمي وهناك هتشوف العذاب الأكبر
أنا: بس أنا مش معايا الصندوق ولا الورقة

في اللحظة دي بدأت ألاحظ حركة في عيدان الذرة اللي
كانت بتحرس المكان وكأنها سور حماية وخرج منها شخص
طويل ماسك في إيدته حاجة أشبه بالكرتونة الصغيرة وكلوب
(فانوس إضاءة يعمل بالجواز) وفي الإيد الثانية ماسك كلب
صغير أسود بيجره غصب عنه من غير ما تبان عليه أي
ملامح التعب والإرهاق.

وكانت المفاجأة إن الشخص ده هو عاصم صاحبي!!!!

بدأت ملامح الذهول والتعجب المخلوطة بالغيظ والكره
تبان عليا وأنا ببص لعاصم وهو بيتحرك قدامي ويوقف
جنب نورهان وهو باصص في الأرض وكأنه خاضع.

أنا: اخر حاجة كنت أتوقعها إنك تكون جزء من كل اللي
أنا فيه ده

عاصم: ساخني يا أحمد غصب عني

أنا: غصب عنك إيه ولا إيه؟ انك كنت عارف سبب كل
اللي أنا فيه وانت بتتفرج عليا؟ ولا إنك شايفني أنا ونورهان
بنموت قدامك بالبطيء؟

نورهان: مبقاش فيه وقت نضيعه في العتاب خلاص مراسم البقاء بدأت ولازم تنفذ وإلا هتشف من ألوان العذاب إنت ونورهان الي عمرك ما سمعت عنه

ورفعت نورهان إيدها عشان عاصم يتحرك ناحيتي ويطلع من جيبه سكينه وأشار إليّ بها وهو يبص للكلب عشان أفهم من كده إن المراسم بدأت.

مسكت السكينه وفضلت ابص عليها وأنا مش مصدق إني هعمل كده وبدأ عاصم يفتح واحده من المقابر الي كانت موجودة والي لاحظت انها مكتوب عليها «مدفن عائلة الحاوي» والمفاجأة إن ده هو مدفن عائلة نورهان.....

بعدها خلص عاصم فتح المدفن بصتلى نورهان وهي مبتسمة ابتسامه مستفزة وقالت.....

نورهان: دورك يا عريس

بدأت رجلى تتحرك ببطئى وكأنها بتتحرك غصب عني ومليش أي سيطرة عليها وبدأت أنزل درجات المدفن درجة درجة وكانت المسافة بين كل درجة والثانية كأنها ميل وكان الوقت وقف في اللحظة دي وكانت ريحة الموت منتشره في كل مكان وجدران المدفن كانت مليئة بالشقوق العريضة والبقع السوداء اللي كانت ملفته للنظر وكانها بقع زيت.

كانت الدنيا جوا المدفن ضلمة وكان النور اللى جاي من الكلوب اللى كان مع عاصم بيعكس ظلالنا على جدران المدفن ودا كان الجزء الطبيعي في الموضوع بس اللى مش طبيعي هو الظل الرابع اللى كان موجود معنا في المدفن واللى مكنش ليه تفسير وقتها.

دخلنا واحدة من غرف المدفن اللى كانوا غرفتین ووقفنا قدام جثة باين عليها إنها لسه مدفونة جديد وبدأت نورهان تقول.....

نورهان: الآن اكتمل الاستعداد وأتى الخادم في الميعاد وحضر الموعد لأرض الخلود وأصبح القربان موجود واستقرت الملوك على العروش فلتبدأ مراسم الخلود.

في اللحظة دي لاقيت نفسي بمسك السكينة وبدبح الكلب بدم بارد ومسحت على وجهي بدم الكلب ورفعت الكفن عن الجثة عشان أصب عليها من دم الكلب بس الجثة دي كانت..... كانت جثة نورهان!!!!!!

اتنفضت من مكاني ووقعت على الأرض وبدأت أزحف على ضهري وأنا ببعد عن الجثة.

وفي اللحظة دي أخذ عاصم يقرأ في كتاب طلعه من جيبيه ويقول كلام مش مفهوم بدأت معاه تتحرك الجثة اللى على الأرض وترتفع في الهواء.

عاصم: اه اه اه اشرا هيا هيا هاهيا أدوناي أصباؤت
 ال شداي شلَعَجَصَّ شليقوش طمطكش
 وفي وسط كل الذهول الى موجود على وشي ومع إنى
 بتفرج على المشهد من الخارج ومحدش ملاحظ وجودي
 بدأت أقول.

أنا: بسم الله الرحمن الرحيم بسم الله الذي لا يضر
 مع اسمه شيء في الأرض ولا في السماء اعوذ بالله
 من الشيطان الرجيم أعوذ بكلمات الله التامات من شر
 ما خلق «إِنَّ الَّذِينَ كَفَرُوا بِآيَاتِنَا سَوْفَ نُصَلِّيهِمْ نَارًا
 كُلَّمَا نَضِجَتْ جُلُودُهُمْ بَدَّلْنَاهُمْ جُلُودًا غَيْرَهَا لِيَذُوقُوا الْعَذَابَ إِنَّ
 اللَّهَ كَانَ عَزِيزًا حَكِيمًا» «هَذَانِ خَصْمَانِ اخْتَصَمُوا
 فِي رَبِّهِمْ فَالَّذِينَ كَفَرُوا قُطِعَتْ لَهُمْ ثِيَابٌ مِّنْ نَّارٍ يُصَبُّ مِنْ فَوْقِ
 رُءُوسِهِمُ الْحَمِيمُ * يُصْهَرُ بِهِ مَا فِي بُطُونِهِمْ وَالْجُلُودُ * وَلَهُمْ مَقَامِعٌ
 مِنْ حَدِيدٍ * كُلَّمَا أَرَادُوا أَنْ يَخْرُجُوا مِنْهَا مِنْ غَمٍّ أُعِيدُوا فِيهَا وَذُوقُوا
 عَذَابَ الْحَرِيقِ»

وأنا بقراً بدأ يظهر نور أبيض من بعيد وهو يقرب علينا
 وكل ما أقرأ أكثر يقرب أكثر لحد ما وصل لحد باب المدفن
 وبدأت أتتحقق من ملامحه دا الشيخ محمد.

وقف الشيخ محمد بابتسامته المعروفة الهادئة وقالي.

الشيخ محمد: أحسنت الاختيار يا أحمد.

أنا: اختيار إيه يا شيخ محمد.

الشيخ محمد: اختيارك كتاب الله عشان ينجيك من محتك.

أنا: أنا مش فاهم حاجة يا شيخ محمد هو إيه اللي بيحصل.

الشيخ محمد: اصبر يا بني وما صبرك إلا بالله وخليك
فاكر دايمًا الجملة دي «بسم الله القوي المتين والصلاة والسلام
على خاتم المرسلين الفاتح لما أغلق، والخاتم لما سبق، ناصر
الحق بالحق، الهادي إلى صراطك المستقيم، وعلى آله حق قدره
ومقداره العظيم»

قال الشيخ محمد الكلمة دي واختفى عشان الاقي نفسي
بره المدفن ونورهان واقفة جنبني وباين عليها الغضب وبتقولي.

نورهان: إنت فاكر نفسك لما هتجري هتهرب مني؟!

بدأت تبان عليا ملامح غضب وبدأت عينا في الجحوظ
وأحمر وجهي وأنا بقولها.

أنا: عملتي فيها إيه انطقي وإلا هقتلك.

واندفعت ناحيتها وأمسكت برقبتهما وقعدت أخنق فيها
وكأني لاقيت طوق النجاة بس الغريب في الموضوع إنها كانت
مستسلمة ومش قادرة تقاوم لحد ما بدأت حركتها تسكن
لحد ما وقفت عن الحركة خالص.

في اللحظة دي سمعت صوت عاصم اللي كان طالع علي
سلام المدفن بيقول.

عاصم: عملت إيه يا مجنون دي نورهان الحقيقية.

سمعت الكلام ده ومن الصدمة وقعت على الأرض
وبدأت أزحف للخلف لحد ما ركنت ضهري على أحد
المدافن وبدأت الذئاب المجوده في الاقتراب وكأنها اللحظة
اللى استنوها.

بصيت لعاصم اللي ارتمى على السلام من الصدمة وبدأت
أتحرك عشان أقتله هو كمان بس هو كان أسرع مني وضربني
على رأسي بالصندوق اللي كان معاه عشان أفقد الوعي.

فوقت بعد كده عشان أرجع لأرض الواقع والكلبشات
والمستشفى اللي أصبحت بيتي ولكن المختلف إن عاصم كان
واقف جنب السرير!!!!!!!.

الفصل الرابع والعشرون

مفتاح اللغز

فضلت واقف في ساكن في مكاني ساكن وأنا انظر الى نورهان لمدة طالت أو قصرت لا أعلم ولم أكن قادرًا على أن أنطق ببنت شفه وكان عقلي قد توقف عن التفكير ولم أكن أعلم ماذا أفعل ولكنني سرعان ما تملكيت من نفسي وبدأت أتحرك من فوق ذلك الكرسي الهزاز ببطئ وأنا اتجه إلى ذلك المكتب الملقى بجانبني والتقط علبة السجائر وأخرج إحداها وأشعلها بمنتهي البرود، وأنا أنظر من حين إلى آخر إلى تلك الشخصية الواقفة أمامي وهي تضحك ببرود وعيناها مثبتة على قبل أن تتحرك ماشية تجاهي وتجلس على الكرسي الهزاز وتقول. نورهان: تفتكر أن الوضع ده محتاج المناورة النفسية اللي إنت بتعملها دي؟

أنا: وتفتكري إن الوضع طبيعي عشان لا يحتاج المناورة دي؟

نورهان: وإيه هو الغريب في الوضع يا دكتور؟!

أنا: تفتكري لما أبقى قاعد في الضلمة دي وتظهر قدامي فجأة واحدة المفروض إنها ماتت مقتولة ده وضع طبيعي؟

نورهان: وانت إتاكدت منين إني بجد قدامك؟ مش يمكن دي هلاوس بصرية زي ما قولت على أحمد؟!

أنا: اعتقد إنك مش جاية لحد هنا عشان تحلليني نفسيا

نورهان: أفهم من كده إنك مصدق إني بجد موجودة هنا

أنا: وإيه الغريب اللى لسه مشوفتهوش في القضية دي؟!
بس السؤال الأهم إنتي جاية عاوزة إيه

نورهان: تفتكر انت ليه؟

أنا: والله على حد علمي إنك ضحية انتي كمان في الحكاية دي يعني من مصلحتك إن الحقيقة تبان عشان حقا يرجع

نورهان: وتفتكر حقي هيرجع إزاي يا دكتور؟ إن أحمد يتحكم عليه بالإعدام؟ كده حقي هيرجع؟

أنا: أنا مقولتش كدا بس أعتقد لو قدرت اعرف الحقيقة على الأقل ممكن أنقذ واحد من إنه يموت ظلم.

توقفت نورهان عن الحركة بالكروسي الهزاز ووقفت قبل أن تتحرك ناحيتي وهي تنظر إلى قبل أن أبدأ بالكلام.....

أنا: نورهان ممكن تحكيلى حكايتك من البداية؟

بدأت نورهان تسرد حكايتها من أول يوم بدأ ذلك المخلوق يطاردها ويطلب منها الزواج وحتى معرفتها بأحمد التي لم تكن في حسابات أي منهما وحتى تفاصيل ذلك اليوم الذي قتلها أحمد فيه، ولكن الملفت في النظر في تلك الحكاية إنها لم تحكي إنها قامت بكتابة أي من تلك المذكرات!!!!!!

أنا: نورهان هو انتي كتبتى مذكراتك دي ولا لا ؟

وكانت المفاجأة التي نزلت على كالصاعقة وهي
تقول.....

نورهان: وأنا حية لا!!!

أنا: يعني إيه وانتي حية لا ؟!

نورهان: يعني أنا اللي كتبت المذكرات دي ومذكرات أحمد
بعد ما قتلني!!!!!!

أنا: يعني عاوز تفهميني إنك كتبتى كل ده بعد موتك؟

نورهان: لا مش كده بس يا دكتور أنا كمان اللي اختارت كل أبطال القصة دي من أول إيمان ومروة لحد حضرتك وخيري

أنا: طيب أنا هصدق إنك كتبتى الجزء الخاص بيكي وهغض النظر عن فكرة إنك كتبتها وانتي ميتة مع تحفظي عليه بس الجزء الخاص بأحمد عرفتي كل تفاصيله إزاي ماهو

يعني حتى الأرواح مش هتخترق حاجز الزمكان يعني
وهتعرف الماضي

نورهان: الزمكان؟! واضح يا دكتور إنك برغم ثقافتك
العالية نسيت حاجة اسمها القرين وان قرين الانسان بيكون
ملازم للإنسان طول حياته ويفرح لفرح قرينه ويبحزن
لحزنه.

أنا: طيب أنا مع كل ده معرفتش سبب كل اللي حصلك
انتى وأحمد وليه انتوا بالذات؟

نورهان: عهد الولاة والطاعة

أنا: بمعنى!!!؟

أخذت نفساً عميقاً وبدأت نورهان تتحرك مرة أخرى
حتى وصلت مرة أخرى إلى ذلك الكرسي الهزاز وجلست
عليه وهي تكمل استطرادها للحديث.....

نورهان: دا عهد غير موجود إلا في اعتي كتب السحر
الأسود بيكون عهد بين انسي وملك من ملوك الجان على
الولاة والطاعة المتبادلة بين الاتنين والعهد ده ليه طقوس
وشروط لابد من تنفيذها من ناحية الإنسان عشان يحقق
الجنى له كل اللي بيحلم بيه والشروط بتكون حسب العشيرة
الى منها الملك يعني الجنى المائى شروطه بتختلف عن الترابى
والنارى والعاشق

أنا: بعني عاوزة تقولي ان كل ده طقوس العهد السفلي
نورهان: إحنا كنا الضحية اللي في بداية الطقوس عشان
يتسلسل بعدها باقى الطقوس
أنا: إزاي؟!!!!

نورهان: يعني أول شرط من شروط الجن ضحية من الإنس
تقدم للملك بس في القسم لابد من إنك تحدد اسم الجني
المطلوب حضوره بس الى عمل كده محدتش الملك او الجني
الى هو عاوزة وعلى حظنا ان اتنين من اقوي ملوك الجن
لبوانداء الانسي اللي طلب الحضور ودا كان اول عهد مزدوج
يعقد بين الجان وانسان

انا: يعني عاوزة تقولى ان الجاثمة وبرهيان حضروا واتفقوا
عليكم؟ طيب مين أصلا اللي عمل كده؟!

نورهان: الضلع الناقص في الحكاية واللي كان جزء اصيل
في حكاية احمد..... عاصم!!!!!!!

انا: يعني عاصم هو اللي كان بيحضر الجان

نورهان: عاصم كان مهوس بكتب الجن والطلاسم والسحر
الأسود عشان يحقق أحلامه بدون أي تعب او جهد وكانت
النتيجة انه ضحي باعز اصدقائه واصبح من خدام الجن
انا: يعني إيه احمد كمان هيموت زيك عشان الطقوس دي
تم؟

نورهان: اهو دا بقي سبب وجودي هنا

انا: ازاي؟!

نورهان: يعني ان من حسن الحظ ان أي كتاب سحر سيكون فيه طريقة انهاء الطقوس والصرف زي ما فيه طرق التحضير وأنا هنا عشان ارشدك لطريقة انهاء الطقوس دي
انا: وأنا هعرف الكتاب ده ازاي؟ وازاي هو صله؟!

ابتسمت نورهان ببسمة عريضة حتي ظهرت اسنانها كاملة وهي تقول.....

نورهان: انت بالفعل معاك الكتاب يادكتور وهو أصلا من امته عم عباس بيتاجر في كتب السحر والطلاسم؟
سالتها باستغراب وأنا اذكر ما حدث في مكتبة عم عباس وكيف وجدت ذلك الكتاب

انا: يعني انتي اللي؟!

نورهان: هههههه مش محتاجة ذكاء يادكتور اكيد أنا اللي وصلت الكتاب لمكتبة عم عباس عشان تروح تلاقيه
اسرعت تجاه الكتب التي احضرتها من عم عباس لاجد ذلك الكتاب الأسود القديم واخذته والتفت الى نورهان ولكنها..... اختفت!!!!!

حاولت ان ابحث عنها في كل مكان ولكنني سرعان ما
رفعت راية الاستسلام ورجعت الى ذلك الكتاب لاتصفح
فيه حتي اقف امام احد ابوابه التي كتب علي راسه فن فك
العهود و صرف الرصود.....

الفصل الخامس والعشرون

النهاية

ظلت عيناى متعلقتان بعاصم فى صمت لمدة لم تكن بالكبيرة وأنا أحاول ان اتحرك ولكن تلك الكلبشات اللعينة كانت حائلا بينى وبينه وكنت اتمنى لو انها لم تكن موجودة حتى اقتله ولكنه كان يقف وفى عينية ومضات من قطرات اظنها دموع ولكنى لم اعلم لماذا لم اصدق ان هذا الشخص يمتلك القدرة على ان يشعر او ان يتاثر ولكنه ظل على هذه الحالة حتى سألته.....

انا: ليه؟!

عاصم: غضب عني والله يا صاحبي

نظرت اليه وأنا ابتسم ابسامة سخرية واسهزاء وأنا أقول.....

انا: ههههه اسهل كلمة كل واحد ندل بيقولها عشان يبرر
ضعفه قدام رغباته القذرة.

أنا اذيتك في إيه عشان تعمل فيا كده؟!

بدات تلك الدموع التي حاول ان يتغلب عليها تنهمر
وبدا يبكي وهو يقول.....

عاصم: والله ما كنت اعرف ان كل ده هيحصل أنا واحد
كان نفسه ياخذ حقه من الدنيا ويكون قوي كان نفسي احقق
كل اللى حلمت بيه وفشلت عشان خاطر ظروف أنا مش
السبب فيها.

ثورت عليه وأنا أحاول ان اتحرر من تلك القيود التي
سرعان ما ارجعتني الى مكاني بقوة كانت كفيله ان تكسر
إحدى ذراعي.....

انا: وأنا ونورهان ذنبا إيه ليه احنا نتحمل نتيجة ضعفك
وحقارتك؟! ليه هي تموت عشان واحد مفيش عنده اى
إحساس؟

فرعنا في هذه اللحظة حين قطع كلامنا دخول الدكتور
محمود وهو يقول.....

الدكتور محمود: السؤال الأهم يا احمد هو إيه دوره في
الموضوع ده كله أصلا؟!

نظرت الى الدكتور محمود باستغراب.....

انا: تقصد إيه يا دكتور؟!!

تحرك الدكتور محمود حول عاصم وبدا يضع يده على احد كتفيه وهو ينظر له وقال.

الدكتور محمود: يعني انت مسالتش نفسك ازاي انت ونورهان كنتوا وسيله لتحقيق أحلامه؟ وهو إيه اللي عمله عشان يحصلكم كدا؟!!

نظرت اللي عاصم وأنا أحاول ان اجد إجابة على السؤال ولكن الدكتور محمود استكمل كلامه قائلاً.....

الدكتور محمود: هتقول انت يا عاصم ولا أقول انا؟

بدا عاصم يرفع عينه من الأرض وهو ينظر للدكتور محمود في تردد ويقول.....

عاصم: هقول يا دكتور بس عاوزكم تصدقوني وتساعدوني

ربت الدكتور محمود على كتف عاصم وهو يقول له.....

الدكتور محمود: قول وياريت انت اللي تساعدنا....

بدا عاصم يتحرك حتي جلس على احد الكراسي الموجودة في الغرفة وهو يقول.

عاصم: أنا كنت اعرف نورهان قبل ما احمد يعرفها شوفتها في الكلية مرة وأنا بزور واحد صاحبي هناك اعجبت بيها وحاولت اني اتعرف عليها او اكلمها بس هي

رفضت وبدات كل ما اروح لصاحبي ده ادور عليها وابدا محاولة جديدة من محاولاتي عشان اتعرف عليها وكل مره كنت بفشل وبعد فترة من محاولاتي الفاشلة قررت اني مش هحاول معاها تاني بس كان الوقت فات لاني كنت اتعلقت بيها وحييتها خصوصا مع رفضها المتكرر ليا بدات احس انها حرب ولازم اكسبها يمكن ده عشان ارضي غروري بس أنا مكتتش ناوي اسببها لغيري بدات افكر في طريقة اخذ بيها حقي منها كان كل همي وقتها ازاي اخليها تندم ومكنش فيه قدامي غير طريقة واحدة بس.

قطع الدكتور محمود كلام عاصم قائلا.

الدكتور محمود: السحر مش كده؟

عاصم: أنا كنت بحب اسمع قصص احمد يونس جدا وكنت بتابع كل حلقات الرعب والملفات السرية بتاعته وفي مرة سمعته بيتكلم عن كتاب الدر المنظوم و خلاصة السر المكتوم في السحر والطلاسم والنجوم وازاي هو من اخطر كتب السحر واقواها على الاطلاق وازاي بعض الناس أمثال سيد الفلكي استخدموه عشان يقدرُوا يتحكموا في الجن لتحقيق رغباتهم.

بدا عاصم يبكي وهو يضع وجهه بين كفيه وبعد ثواني معدودة تمالك نفسه واكلم كلامه.

عاصم: دورت على الكتاب كثير لحد ما لاقيته عند واحد من الناس اللي بيقعدوا عند سور الجامعة بالكتب القديمة وللأسف مكنش يعرف قيمة الكتاب اخدته منه بسعر قليل جدا بالنسبة للأسعار اللي قريتها عنه على النت.

بدات اقرا في الكتاب وبدا يشدني لدرجة انى كنت بقعد ليل ونهار على الكتاب بدون اكل او شرب وفي يوم وأنا بقرا فيه وصلت لصفحة مكتوب عليها من فوق (عهد الولاة والطاعة من سليمان على أقوي ملوك الجان).

بدات اقرا القسم واجمع الحاجات اللازمة لتحقيق الشروط واللى كان منها انى اقفل على نفسي سبع أيام في اوضه ضلمه اتامل في اللون الأسود المحيط بيا ومن ضمن الشروط انى كل يوم لازم اكل لحمة نيئه واشرب دم ققط او كلاب بشرط تكون لونها اسود وفي خلال السبع أيام متكلمش مع أي انسان او ارد علي أي حد يناديني وفي كل يوم بقول القسم الى موجود في الكتاب اكر من ١٠٠ مرة.

تكلم الدكتور محمود في هذه اللحظة قائلا.....

الدكتور محمود: بس انت كان لازم تحدد اسم الملك المراد الى انت طالبه وده محصلش وده كان نتيجته انك اتسببت في حضور اتنين من اقوي مخلوقات الجن المتمردين برهيان الملك العاشق والجاثمة الجنية المتمردة وكان لازم تحقق طلب الاتنين الى عملوا اول تحالف جنى مزدوج على انسي.

انفعل عاصم في هذه اللحظة وقال....

عاصم: مكنتش اعرف ان ده هيحصل وانهم هيطلبوا اتنين
من البشر كضحية ليهم
انا: ضحية ازاي يعني!؟

عاصم: طلبوا مني اني اساعدهم انهم يتمكنوا من شاب
وشابه عشان يستولوا على ارواحهم وشرط انهم يكونوا من
عاشقين الانس وبكده أكون حققتلهم طلبهم ويبقوا خدام
ليا ويحققولي طلباتي.

انا: وانت كنت تعرف مينين أصلا اني هكلم نورهان وهحبها

رد عاصم عليا بحده وهو يقول

عاصم: مكنتش انت المقصود بالذات أنا عملت كذا
اكونت بأسماء بنات وبعث لنورهان إضافة على الفيس بوك
وبعد كده عملت اضافه ليهم عندي عشان يبقي فيه أصدقاء
مشتركين بينا وتظهر عندكم في المقترحات وأنا كمان اللي
عملت الجروب اللي دخلنا عليه عشان نكلم البنات

الدكتور محمود: يعني انت مكنتش محدد مين في اصحابك
هيكون الضحية اللي هتضحى بيها

انا: منك لله يا اخي منك لله اتسببت في اذيتي أنا احلي
حاجة دخلت حياتي امشي أنا مش عاوز اشوفك تاني ولا
اعرفك

عاصم: ساحمني يا احمد أنا والله كنت بتعذب كل يوم اكثر
منك بس مكنتش قادر اعمل حاجة

الدكتور محمود: طيب تفتكر لو جاتلك الفرصه تعمل
حاجة وتنقذ روح صاحبك هتعملها؟

أجاب عاصم بسرعة

عاصم: اكيد والله يا دكتور بس أنا مش عارف اعمل ايه

ابتسم الدكتور محمود وهو يتحرك باتجاه حقييته التي
لا تفارقه ابدا وقال....

الدكتور محمود: لكل داء دواء

نظرت للدكتور محمود باستغراب وقولت له....

انا: تقصد إيه يا دكتور

الدكتور محمود: من حسن الحظ ان كل كتاب سحر زي ما
بيكون فيه طريقة التحضير بيكون فيه طريقة الصرف بس
واضح انك مكملتش قراءة الكتاب كله عشان توصلها

واخرج الدكتور محمود من حقييته كتاب اسود متهالك
جلده وقال..

الدكتور محمود: هو ده الكتاب يا عاصم مش كده

امسك عاصم بالكتاب واخذ يقلب في صفحاته وقال

عاصم: ايوة يا دكتور هو ده الكتاب

نظرت باستغراب للدكتور محمود وأنا أقول له.....

انا: وحضرتك وصلت للكتاب ده ازاي؟!!

الدكتور محمود: مش أنا اللي وصلتله نورهان هي اللي

وصلت الكتاب ليا!!!!!

فزعت لما قاله الدكتور محمود وسالته باستغراب وأنا

متسع العينين فاغرافهمي....

انا: نورهان مين؟! وازاي أصلا وهي ميته

الدكتور محمود: مش بس كده نورهان كمان جاتلي وقالتي

انها هي اللي كتبت المذكرات بتاعتك اللي انت مش فاكـر

انك كتبتها بالمشاركة مع قرينك ومذكراتها هي كمان اللي

لاقتها إيمان وهي كمان اللي وصلتها لايمان عشان توصلها ليا

انا: ازاي يعني يا دكتور؟!!

الدكتور محمود: عالم الأرواح عالم غامض بالنسبة لينا حتي

الان وفيه قدرات وطاقات احنا لا نملك لها أي تفسير

بدأنا ننظر ثلاثتنا الى بعضنا البعض وكانت ملامح

الاستغراب مرسومه على وجوهنا أنا وعاصم مما يقول

الدكتور محمود ولكني سالته.

انا: طب وعاصم هيساعدنا ازاي عشان ننهي إلى بيحصل ده

الدكتور محمود: اعملوا اللى هقولكم عليه وهتعرفوا

اتفقنا أنا والدكتور محمود وعاصم على ان ينادي الحارس الموجود في خارج الغرفة ليفك عني تلك القيود ويبعده الدكتور محمود عن الغرفة حتي يتشني لنا ان نخرج من المستشفى لمكان لم يرد ان يخبرنا به الان وبالفعل حدث ما اتفقنا عليه وخرجنا في سيارة الدكتور محمود الذي اخذ معه عاصم في السيارة من الامام وجعلني في حقبة السيارة حتي لا يراني احد.

كان الطريق طويلا ومليء بالمطبات الصناعية والحفر حيث انني اخذت التخبط بشكل سئ حتي توقفت السيارة في مكان لم اكن اعرفه حتي فتح الدكتور محمود الحقيبه واخرجني منها لاجد نفسي في المقابر!!!!!!

وقفت انظر للمكان في ذهول واصوات الذئاب والكلاب الموجودة في المكان تتعالي وكان الدكتور محمود وعاصم مشغولين بإخراج بعض الأدوات والاواواني من السيارة والتي كانت تحتوي على سكين وزجاجة بها سائل اسود واخري بها سائل احمر وصندوق اسود يشبه الصندوق الذي رائته في ذلك الحلم وشرع الدكتور محمود في رسمه على الأرض لنجمة سدسة الاضلاع كبيرة ورسم حولها دائرة كبيرة تمس رؤوس هذه المثلثات مثلثات هذه النجمة ورسم بعض الحروف عند

نقط التماس لم اكن اعلم معناها ووضع عن كل حرف شمعته
واشعلهم جميعا ووضع الزجاجة التي تحتوي على السائل
الأسود والاحمر في وسط النجمة وهي مفتوحة وطلب من كل
منا ان يقف عن نقطة من نقاط رؤوس المثلثات الغير متتالية
بحيث نضع مثلث جديد باجسادنا.

فتح الدكتور محمود الكتاب وقبل ان يقرأ نظر الينا وقال.

الدكتور محمود: اوعوا حد فيكم يخرج بره الدائرة مهما
كان السبب والاهنموت احنا التلاته مفهوم؟

نظرنا اليه دون ان نتكلم في إشارة منا بالموافقة وبعدها
بدا الدكتور محمود في قراءة كلمات لم يكن لوعينا أي دراية
عن معاني هذه الكلمات ولكنني بدات اشعر بصداع شديد
وحرارة شديدة جدا تحوطني وبدات اقع على الأرض ممسكا
براسي وأنا انظر للدكتور محمود الذي اعطي إشارة لعاصم
ان يقوم بخلط السائل الأحمر بالسائل الأسود الموجودين في
وسط الدائرة ليخرج بعدها من الزجاجة دخان كثيف كان
كفيل ان يجعل بيني وبينهم سدا كي لا اراهم ولكنني بدات
اسمع اصوات لصرخات تتعالى واصوات لاناس تتعذب
حتي وجدت ذلك الصوت يكلمني ويقول

الصوت: اوعي تفكر انك كدا هتخلص مني أنا مش
بتتهي أنا دائم حتي تنتهي الأرض أنا باقي لحد اخر فرد
من جنسكم

اغيب عن الوعي لاصحو مره أخرى واجدني في المستشفى
على ذلك السرير الذي اعتدت عليه ولكنني هذه المرة بدون
قيود وامامي وابي وامي والدكتور محمود وهو يقول لي.

الدكتور محمود: حمد الله على السلامة يا بطل

انا: هو حصل إيه يا دكتور؟

همت امي واخذتني بين ذراعيها وهي تبكي

الدكتور محمود: حصل انك بقالك ٤٠ يوم في غيبوبه يا
بطل وفاتك حاجات كثير

انا: حاجات ايه؟

الدكتور محمود: أنا قدمت للمحكمة شهادة تفيد بانك
كنت في غير قواك العقلية وقت الحادثة والمحكمة حكمت
بايداعك في المستشفى حين شفاءك

انا: وعاصم يا دكتور

صمت الدكتو محمود لبرهة من الوقت قبل ان يتكلم مرة
أخرى ويقول.....

الدكتور محمود: عاصم مات يا احمد

نظرت اليه في دهشة واسغراب

انا: مات؟!!!

الفصل السادس والعشرون

ما بعد النهاية

مرت اكثر من سنة منذ ان قررت المحكمة ايداعي في مستشفى الامراض العقلية ولكنني مللت من الترتيب الروتيني اليومي الذي تعايشت معه طوال هذه المده والذي يتكون من تناولى للأدوية وجلسي بين اوراقني في الحديقة كما هو حالى الان في هذه اللحظة وأنا اكتب نهاية مذكراتي في هذه الرحلة الطويلة منذ ذلك اليوم اللعين الذي حدثت فيه هذه الحادثة وحتى الان والتي قررت ان اكتبها بيدي هذه المرة. ويبدو انني قررت هذه المرة ان اعطي هذه المذكرات للدكتور محمود لكي يجمعها مع باقي تلك المذكرات التي كتبتها نورهان لكي تكتمل احداث هذه القصة.

في هذه اللحظة سمعت طرقات على الباب من شخص يطلب الدخول توقعت انه احمد بعد ان اشرت لاحد الممرضين

ليبلغه بان وقت التنزه قد انتهى بالنسبة له وانه قادم ليسالني ذلك السؤال المعتاد عندما يمل من الروتين اليومي له في المستشفى (أنا هخرج امته يا دكتور).

انا: ادخل

احمد: صباح الخير يا دكتور محمود

انا: صباح الخير يا احمد اتفضل

احمد: شكرا يا دكتور

انا: على فكرة أنا لسه مخلص المذكرات بتاعتك

احمد: كويس يا دكتور

الدكتور محمود: أنا فكرت في فكرة وعاوز اخد رأيك فيها

بانتي ملامح الفرح على احمد ويبدو انه توقع اني سوف اتحدث معه في موضوع خروجه من المستشفى ولكن سرعان ما اختفت هذه الفرحة عندما قولت له.....

انا: أنا فكرت اجمع المذكرات دي في كتاب باسمك وانشره

إيه رأيك؟

احمد: كتاب؟!!

انا: اه أنا كمان كتبت مذكراتي في القضية دي وحاسس انها

هتكون حاجة كويسة

احمد: مش عارف يا دكتور

انا: سييها على الله وعليا وأنا لما اخلص الكتاب ابقي
اقراه وقول رائيك

احمد: ماشي يا دكتور

انا: طمني بقي عليك لسه بتشوف نورهان ؟

احمد: مش دايم يا دكتور قليل جدا في الاحلام بيتيجي
تطمني عليها وتمشي

بدات الاحظ الدموع تتجمع في عين احمد فقررت ان اغير
الموضوع

انا: إيمان كانت لسه عندي امبارح بتظمن عليك علي
فكرة

بدا احمد يتمالك نفسه ويتفاعل مع مناورتي لتغير الموضوع

احمد: وهي عاملة إيه يا دكتور

انا: الحمد لله بخير دي كمان كتبت اللي حصل معاها لما
عرفت اني بعمل كتاب عن الموضوع

احمد: طيب أنا ممكن اقراها

انا: ان شاء الله لما الكتاب يكمل هتقراه كله المهم
دلوقتي لازم ترجع اوضتك عشان ترتاح

استسلم احمد لكلامي وهم ليخرج من الغرفة وقبل ان
يخرج وقف عند الباب وقال

احمد: على فكرة أنا لاقيت دي جنب سريري يا دكتور

واخرج ورقة من احد جيوبه وتركها لي وخرج لافتحها
واجد فيها

(وحشتني اوي ومستنياك حبيبتك نورهان)